

Адабият Җагыстан

16+

ISSN 0235-0157

# Тангчолпан

ЭКИ АЙДА БИР ЧЫГЪАГЪАН ЧЕБЕР – АДАБИЯТ ВА ЖАМИЯТ-ПОЛИТИКА ЖУРНАЛ



ФЕФЕС-ЖЫЛ МАЛДЫ МӨМКІСЕПКІ,  
ДӘЖИССЕӨЗДІ. ӘЗСЕЛДІМӘЗ.

Н. БАММАТОВ ЭТГЕН СУРАТ

2022  
ЯНВАРЬ-ФЕВРАЛЬ



КЪУМУКъ ТЕАТРНЫ АРТИСТЛЕРИ.

# **Пангулдан**

**Эки айда бир чыгъагъан чебер-адабият ва  
жамият-политика журнал**

**Учредитель:**  
Министерство  
информатизации, связи  
и массовых коммуникаций  
Республики Дагестан

**1917-нчи йыл, 20-нchy  
августдан башлап чыгъа**

*Издается с 20 августа  
1917 года*

---

**1**  
**2022**

**январь – февраль**

*Государственное бюджетное  
учреждение Республики Дагестан  
Редакция республиканских  
литературных журналов "Соколенок"  
и "Литературный Дагестан"*

## **БУ НОМЕРДЕ:**

### **ПОЭЗИЯ**

**М. Атабаев.** Къумукъюзюм. *Шиъру* ..... 3

### **ХАЛКЪЫБЫЗНЫ ХАЛБАТ ХАЗНАЛАРЫ**

**Валаи Дагъыстани.** Мен сюовмен,  
оълмежекмен бир де мен ..... 4

### **ХАБАРЛАР**

**М. Абуков.** Биринчи савгъат ..... 7

**Б. Атаев.** Уллубийни уйленивю ..... 15

**И. Магътибеков.** Ананы гёзъяшлары... 26

### **ШАИРНИ 70 ЙЫЛЛЫГЪЫНА**

**Ж. Закавов.** *Шиърулар* ..... 28

**Х. Хизриева.** *Шиърулар* ..... 35

### **ДРАМАТУРГИЯ**

**Ч. Айтматов.** Гёбек ит ..... 39

### **ЭСДЕЛИКЛЕР**

**М. Ягъияев.** Ярыкъ эсделиклерим ..... 59

**Д. Алкъылычев.**

Унутулмайгъян ёлугъув ..... 61

**Н. Бамматов.** Шавлалы юлдуз эди ..... 62

Баш редактор  
**М.М. Агъматов**  
тел. 67 – 16 – 31

Жаваплы редактор  
**Супиянат Мамаева**  
*supiyanat5888@mail.ru*

Редколлегия:  
**А. Абдуллатипов**  
**П. Абдуллаева**  
**З. Акавов**  
**Ш.-Х. Алишева**  
**М. Гьюсейнов**  
**А. Жачаев**  
**Г. Оразаев**  
**А. Солтанмуратов**

**Редакцияны адреси:**  
367025, Магъачъала,  
Данияловны орамы, 55.

**Телефонлар:**  
бухгалтерия – 67 – 18 – 75  
редакторлар – 67 – 18 – 89

## ИЛМУ

<b>М. Гьюсейнов.</b> Къумукъ тилни тамурларын ахтарағъан алим.....	65
<b>М.-Н. Халилов.</b> Яллықъ билмейген алим .....	69

## ТАРЖУМАЛАР

<b>Анемподист Софонов – АЛАМПА.</b>	
<i>Шиъру</i> .....	74
<b>М. Цветаева. Шиърулар</b> .....	76

## АНА ТИЛ

<b>А. Сайитов.</b> Тюзъязыв .....	78
<b>Г. Къонакъбиев.</b> Уллаталаны игитлигине амин.....	87

## ФОЛЬКЛОР

<b>Къанна къазакъ йырлар</b> .....	90
------------------------------------	----

Позиция редакции может не совпадать с точкой зрения авторов, которые несут ответственность за достоверность и объективность представленных для публикации материалов. Рукописи не рецензируются и не возвращаются. При перепечатке ссылка на «Тангчолпан» обязательна.

**Регистрационный номер:**  
серия ПИ №ТУ 05-00415 от 22.04.2019 г. выдан  
Управлением Роскомнадзора по Республике  
Дагестан.

**Типография:**  
ООО «Издательство «Лотос».

**Адрес типографии:**  
367018, РД, г. Махачкала, ул. Петра I, 61.

**ТАНГЧОЛПАН №1, 2022**  
*На кумыкском языке*

Печать офсетная.  
Бумага офсетная. Формат 70 x 108 1/16.  
Усл. печ. л. 8,4. Уч. изд. л. 8,7.

Выход в свет 22.02.2022 г.  
Тираж 541 экз. Заказ № 1183.

**Редакция и издатель:**  
Государственное бюджетное учреждение  
Республики Дагестан. Редакция  
республиканских литературных журналов  
“Соколёнок” и “Литературный Дагестан”.

**Адрес редакции и издателя:**  
367000, РД, г. Махачкала, ул. Даниялова, 55.  
**Электронный адрес редакции:**  
*litdag@mail.ru*

Цена свободная.

# **Поэзия**

---

**Магъаммат АТАБАЕВ,**  
*Дагъыстанны халкъ шаири*



## **КЪУМУКЪТЮЗЮМ**

Къумукътюзюм – анам мени, абайым,  
Къучакъ яйып, къучакълама чабайым.  
Ювшанлыкъда тавшан йимик тас болгъан  
Талайынгны сени къайдан табайым?!

Къумукътюзюм – атам мени, атайым,  
Сен юхла, мен къаравулда къатайым.  
Аламатдай мени Къумукътюзюмню  
Сатгъанны тап алашасын сатайым.

Халкъым мени, къалкъым мени, къалкъяным,  
Сенсиз магъа сокъмакъ да ёкъ, ёл да ёкъ.  
Авур ёлда авуп атдан тюшсем мен,  
Тартып мени тургъузмагъа къол да ёкъ.

Ювшан ийис – юаш этип барагъан,  
Пастан ийис – танавунгну ярагъан.  
Къумукътюзюм, алтын гюзюм, юзюгюм,  
Онгмай къалсын сагъа яман ёрагъан!

Халкъым мени, къалкъым мени, къалкъяным,  
Сенсиз магъа авлакъ да ёкъ, йыр да ёкъ.  
Эркин тыныш алып, эркин айланма  
Сенсиз магъа авлакъ да ёкъ, къыр да ёкъ.

Къумукътюзюм, сюйген къызыым, къызыашым,  
Сенсиз магъа язбаш да ёкъ, яй да ёкъ.  
Къумукътюзюм анасыдай сагъынып  
Айланагъан къумукъ яшлар къайда ёкъ?!

# **Халкыбызны халбат хазналары**

---

**ВАЛАИ ДАГЪЫСТАНИ**

**(1712—1757 йй.)**

**(АЛИ КУЛИ ХАН ВАЛИХ ДАГЕСТАНИ)**

Валаини оыз аты Аликулихан. Валаи Дагъыстани ону къююлгъан аты. Валаи демек – «гъайранлыкъ этмек» деген маънада.

Аликулиханнын атасы тарихде белгили Фаталихан. Ону уллу атасы Алхас-Мурза Таргъулу Элдар шавхалны уланы болгъан. Булар яшагъан девюр Таргъу шавхаллар, къызы берип, къызы алып дегенлей, Иран шагълар булан къардашлыкъ аралыкъ юрютеген йыллар.

Валаи, атасы булан гечинген сонг, агъаву булан гёчюп Ирангъя, Исфахан шагъаргъа геле. Мунда охуй, билим ала, хыйлы йыллар яшай. 1722–1734 йылларын ол Ширванда ва Дагъыстанда йибере.

Гъар тюрлю яшав себеплеке гёре, Валаи Индиягъа гёчюп гетме борчлу бола. Мунда Дели шагъарда ерлеше ва бир нечакъы заман бу шагъарны амирини къуллугъун кютюп де ишлей.

Дагъыстанлы Аликулихан Валаи 45 яшында 1757 йылда Дели шагъарда гечине.

Валаи биютон бусурман дюнъясына белгили шаир, алим, пагъмулу язывчу, адабият ахтарывчу. Ону сюовге, яшавну къыйынлыкъларына, тюзсюзлюклерине багъышлангъан етти мингден де артыкъ байт шиърулары бар. Оланы бирлери фарс, бирлери тюрк тиллерде язылгъан.

Шаирни бу китапда берилген шиъруларыны жыйымын шаир ва таржумачы Бадрутдин Магъамматов гёчюрген.

Гъасиретликден янагъан гъашыкълыкъ, яшавда ёлугъагъан рагъму-сузлукълар булан разилемеше сюймегенде тувағъан къазаплы философия ой, асил адилликге талпыныв Валаи Дагъыстанини поэзиясыны аслу алымы.

Валаини оызюню поэзия асарларынындан къайры фарс тилде язылгъан «Риёз-ал-Шуара»(«Шаирлени баву») деген эки томлукъ антология китабы да бар. О китапны биринчи тому оызюнден алда – X-нчу асрудан башлап яшагъан шаирлеке багъышлангъан, экинчисинде буса ол оызюню заманындагы шаирлерден хабар бере.

Валаини антологиясында мингден де артыкъ шаирлени гъакъында мекенли маълуматлар ва оланы айрыча маъналы шиърулары бериле.

Валаи Дагъыстанини къольязыв китаплары Иранны, Индияны, Англияны, Германияны, Азербайжаны, Узбекистанни ва Таджикистанны илму китапханаларында сакълангъан.

## «МЕН СЮЮВМЕН, ОЫЛМЕЖЕКМЕН БИР ДЕ МЕН...»

Сени тенгсиз теренлигинг ким табар?!  
Барлыгъыбыз – Сен яратгъан ниыматда.  
Гёрер гёзге гёрюнмейген сиърунг бар  
Дюньядагъы жанлы-жансыз гъар затда.

...

Гъакъ Тенгирге сужда къылыш юроймен;  
Абурлайман чалма булан абаны.  
Тек бир-бирде насибимни гёремен  
Къулагында бал шараплы хабаны.

...

Мен – Сюювмен. Оылмежекмен бир де мен.  
Мен – Гъакъылман. Сёнмежекмен бир де мен.  
Юрегимде Яратгъаным бар чакъы,  
Дёнмежекмен. Кёкден де мен оырдемен.

...

Уруш башгъа майданында сюювню:  
Оыздёрече яраланмакъ, оылмек де ...  
Оычлюк, ағлар, зар чегивлер – бир гюнлюк,  
Устьюн гелмек – гъалал сююп билмекде.

...

Жагъаннемде чиркигенмен, гүйгенмен,  
– Гюнагыйм не? – Бир гёзелни сюйгенмен!

...

Отдай жаным сёнсе де, мен оылмесмен.  
Чархым хумгъа дёнсе де, мен оылмесмен.  
Валих оылген деп эшитсенг, инанма,  
Инамсызылкъ оылер, тек мен оылмесмен.

...

Ачылгъанда мени пашман къысматым,  
Айтды: «Элчи сырынг билме гелген», – деп .  
Арт тынышым ала туруп, мен айтдым:  
«Билдиригиз, ол сюювден оылген», – деп.

...

Гёрме гелди – гетип къалды хыр тутуп.  
Оылдум, гюйдум, эшитмедим сёзлерин...  
Пайхаммарны сыйлылыгъын унутуп,  
Дюнья йырлай шо гёзелни гёзлерин.

...

Валих оылду, сюйгениндөн тоймады,  
Индустанда гёзьяш тёге, ағы чеге.  
Ярыкъ сююв гызыым сама къоймады,  
Гъасирет къалдым Хадижатым гёргеге.

...

Валих мунда, Исфаханда – сюйгени,  
Индустангъа гелмежек ол, айгъай да.  
Арабызда йылдан артыкъ мезгил бар,  
Ай суратлым – Солтан къайда?!

...

Гыслеримни гъалек этди сюйгеним,  
Бурма самайларын эшип, тор салып.  
«Юргинг ёкъ», – деди магъа Солтаным,  
Юз ярылгъан юргимни оъзю алыш.

...

Майчыракъдай яндым, сёзюм битмеди,  
Танг билинди, тек тоймадым сыр чечип.  
Боран болуп бюркемедим башынгны,  
Кюлге айланым, суюв ютуп, ув ичиш.

...

Инг багъалы отну тюсон алгъанман,  
Чархым гюе – отну жаны оъзюммен.  
Гёбелекдей, къайтып-къайтып айланып,  
Отгъа тющдюм, ихтиярсыз оъзюмден.

...

Мен гъашыкъман, байламагъыз ёлумну,  
Баврум яна – ялласагъыз, талчыкъман.  
«Сагынч» деген жагъаннемдө яллайман,  
Биргине-бир гюнагъым бар – гъашыкъман.

...

Агым-зарым чыгъармады языгъынг.  
Насипсизмен... Сынды насип къанатым...  
Ойнай-кюлей окъ йибердинг жаныма,  
Шодур мени суюв язгъан къыйматым.


«Асрулар сезе гелген асил сёз», 2013 й.



# *Жабарлар*

---

**Микайыл АБУКОВ  
(1929–2003)**



Микайыл Абуков Хасавюрт районну Темиравул юртунда тувгъан.

Гиччиден берли охувгъа нечакъы гъасирет болгъан буса да, Уллу ватан дав башланып, ол дёртюнчю класдан тутуп ишлеме борчлу бола.

М. Абуковнұ биринчи хабары 1954-нчюй ыйлда «Дослукъ» альманаҳда чыкъғын. 1957-нчи ыйлда язывчуну «Сёйлей Темиравул» деген очерклер ва хабарлар ерлешдирилген биринчи китабы чыгъып, ону аты көп охувчулагъа белгили бола.

1962-нчи ыйлда М. Горькийни атындағы Адабият институтун яхшы къыйматлар булан тамамлагъан сонг, М. Абуков къумукъ тилде чыгъагъан «Ленин ёлу» (гъалиги «Ёлдаш») деген республика газетни редакциясында 1970-нчи ыйлгъа ерли ишелеп, ону маданият бёлбюгүнде ёлбашчылықъ этген.

Тюрлю-тюрлю ыйлларда язывчуну «Боран», «Мени юртлударым», «Юз тюменлик масхара», «Яшавну ахыры ёкъя», «Йыгъылгъанни ер гёттерер», «Душман бир гъилла къура», «Рагъмулу тюбек», «Къоччакълар», «Сююнню авур арбасы» ва шолай оyzге китаплары басма этилип чыгъарыла.

## **БИРИНЧИ САВГЪАТ**

Алда Кахулай айтылгъан гъавчуланы көп ери эди. Шо саялы бизин очарыбыз да башгъа бола эди. Бириңден-бири къужурлу гъав хабарланы ахыры-арты болмай эди. Гъавчулар янгыз бугюн болгъан, бугюн эшитген, бугюн гёрген заттарын тюгюл, алдагъы гүнлерде, гетген-бириси ыйлларда, ондан да алда, бырынгъы заманларда болгъан гъавланы да эсге алып ийбере эди. Шо саялы, бу къужурлу хабарлагъа тынгламакъ учун, яшлар да очаргъа ювукълашып токътай эдик.

Очар бизин оyzюнью бир ажайып адаты булан да тарта эди. Бугюн Агъмат бёрю оылтурдюмю – очарны лап да обурлу ери онуки, тангала Магъаммат еки тюлкю гелтирдими – абур оғъар бакъдырыла. Шо абурну биз де оланы

яшларына багъышлай эдик. Тангалагъа «гъав» оюнда гъавчулар ким болма герек? Озокъда, Агъматны, Магъамматны яшлары. О заман бизин Каҳулайдың гъавчудан абурул адан да, гъавчу болма къастгылмайгъан адан да ёкъ эди.

О заман Каҳулай гъали йимик шагъаргъа урунуп турмай эди чи. Таргъуну, Албёрюгентни де йимик, айланасы агъачлыкъ эди. Гъалиги йимик увакъ орманлыкъ да тюгюл, ахырызы уллу, көп бёлекли, бийик терекли дув агъачлыкълар эди...

Адилгерей деп мени ювугъум бар эди. Бары оъзге яшланы йимик, биз де, аталарапызыны, агъаларыбызыны ташлангъан тюбеклерин алыш, усталагъа ярашдырып, къоян, тюлкю, чагъан болагъан бёлеклеге юрой эдик. Гезикли гюз етишгенде, донгузгъа барма токъташдыкъ. О оътесиз сакъ жан. Хыйлы заман тынглап туруп, гъабижайлыкъда адан ёкъгъа инанып тюгюл, уругъа тюшмей. Бёрю гече бек гёре, лап аридеги сюлдюрлени де эслей, донгуз буса ийис бек биле. Кимни ийисидир, о къайдан геле – сёйлеп бола буса, барын да айтып берер эди. Ондан къайры да, гыиллачы жан – гелмей-гелмей унутдуруп, гъали чи шо балагълардан күтулдукъ бугъай дегенде, геле. Гелегенде де, воллагъ, шундан чы гелмес дейген бойлардан геле. Оланы айтылгъан гъавчулар да гъаран «тута».

Айрада торайлар, тиши донгузлар сакъ бола. Олагъа мегежилер дей. Шоллар, башлап гъабижайлыкъгъа къабанларын йиберип, бизин гъалиги тил булан айтгъанда, разведка этдирип, оъзлер сонг гире. Тартып гъабижайны йыгъып, къаравулчу эшиздими экен, бери багъып алгъасамаймы экен деп, янгыдан тынглап, сонг ашама, торайларына да талатма башлай.

Шоланы барын да биз о заман эшитип биле эдик. Тек юрек бар, бир залим юрек – «донгузлар тюлкю буса, биз къуйругъу болма герекбиз! Эринмей, къоркъмай, юхламай оъзлерден де сакъ болуп тынглап, урма гъазир болуп турсакъ, бите тюгюлмю!» – деп ойлашабыз. Озокъда, юртну ажайып этме, макътанма да гъасиретбиз, тек бизге янгы тюбеклер алма акъча да герек. Къоянны, тюлкюнү, чагъанны оылтюрюп болмадыкъ, къабанны урма сама тарайкъбыз. Шагъарда хыйлы оруслар яшай, айлана якъда буса бусурмалар, базаргъа донгуз эт гелмей – донгуз этни багъасы бар. Бёлекликлер бермеген янгы тюбеклени гъабижайлыкълар берме герек.

Амма сав гече къатып, гъабижайлыкъдан да бош къайтдыкъ. Экинчи, учинчю, онунчукъ гечелерден де пайда чыкъмады. Биз донгузланы гёрюп де болмадыкъ. Шо саялы, не этме герегин сорамакъ учун, мен Астемир агъавгъа бардым.

Ол мени атамны атасы Шихсолтан мисгинни ювугъу болгъан. Оъзю де бизин хоншуда яшай. Юз ийилгъа ювукъ яшап, оылдю. Огъар адамлар:

– Нече тюбек атып, нече жанны оылтюрюп битген экенсен, Астемир агъав? – деп сорай эди.

– Э-э, – деп иржая эди тамаза, – сиз Астемир агъавугъузну танымай экенсиз!

– Неге? – дей эди адамлар.

– Неге тюгюл де, мен тюбек атып, тийдирмей къойгъан гезик ёкъ. Не «атып» дейген сёзню лагъ этигиз соравдан, не де «оылтюрмей» дейгенин. Оланы бириси артыкълыкъ эте.

– Яхшы, – дей эди адамлар, – нече тюбек атгъан экенсен?

Она шо оытюп барагъан талгъыр бузавну гёремисиз?

Шону гъар тюгюне бирер къонгурав да тагъып, гъар къонгурав ахшам болгъанча ургъан чакъы зангланы санап, барысын да жам этсегиз де, етишип битмес деп эсиме геле...

Оғы се-ени! – деп, күлөй эди халкъ.

Озокъда, Астемир агъав масхара эте. Тек булай бир айтыв да бар чы: «Ерге гирсин масхара, бир кырыйы герти тюгюл буса». Лап гиччи заманындан берли тюбекден де, авлакъдан да айырылмай, токъсан тогъуз йыл яшагъан адам аз тюбек атгъан деймисен? Атгъан сонг буса, ону, гертилей де, тийдирмей къойгъан гезиги аз болгъан. Тийдирмей, не де урма зат тюшмей, бош къайтгъан гезиклеринде адамлар:

– Сагъа эки-үч баргъанда, бир къоян тюшегени де яхши. Сени жанлар танып да къалгъандыр, ийисингни де биледир. Шо ийис гелгендокъ, къачып-къачып, ёкъ болуп къаладыр, – деп тогъуша эдик.

– Аллагъакъун деген антдыр, Астемир агъав къыр жанланы тилин де биле! – деп къоша эди олар.

Муна, мен шо къыр жанланы азирейилини къырыйындан оытгенде:

– Балики, биз багъыйсыз ерни танглагъанбыздыр, Астемир агъав?

– Не багъыйсыз ерни, мени аявлу Шихсолтаным?

Эки къол чакъы уллу аясы булан, гъаман да йимик, башымны сыйпады. Оытесиз сюе эди мени. «Еринде Шихсолтан хари!» – дей бола эди ол. «Шихсолтан деп уллу уланынга тюгюл, бугъар къойма герек эдинг», – дей эди атабызгъа да. «Мени учун сенсен Шихсолтан!» – дей эди ол магъя.

– Не замандыр юрюйгеник. Тек донгуз ёкъ, – дедим мен.

– Ким айта олай деп?

– Мен айтаман!

– Гъай-ай-а-ай, – деп, ол къолудай уллу башын чайкъады. – Сиз онда, гъабижайлыхъда, юхлап сама турмаймысыз?

– Ий-й, – дедим мен, хатирик къалып. – Биз шолай гиччи яшларбызымы дагъы, Астемир агъав?

– Акътёш де шолай дей. Гиччи болма сюеген қахулайлы ёкъ. Бары да шоссағыят гъавчу болуп къалма сюе...

– Не Акътёш? – деп сорадым мен.

– Вагъ, – деп, ол оызюне хас санталыкъ булан сабур күйде эретурду. Оызю де гъамангъы терезе тюбюнде эди. Бары да бош заманларын не очарда, не де къыргъя да къарап, терезе тюпде оытгереген адам эди.

– Юрю гъали. Сен ону гёрме герексен...

Ол мени гётерме тюбюне алтып барды. Шонда бир гиччи кюлай бар – тараш кюлай.

Мен шат иржайып, кюлайгъа тиклендим. Бир арив кюлай тюгюлмю! Он беш манатгъа сатып алгъан. Бу лап да тизив гъачуну лап да тизив итлери бола. «Тизив итсиз тизив гъавчу болмас», – дей бола тамаза. Тизив кюлайгъа акъчасын къызгъанмай эди.

– Сен де таныш бол, Акътёш. Карав да уллу болгъанман дей, – деди тамаза.

Кюлай, сююнүп, чалт-чалт къуйругъун да силлеп, есини къолун ялады. Ону гъакъули япыракъ йимик саллангъан къулакълары, жанлы ва шат гёзлери, гёрюнген-гёрюнген затны ийислеп турагъан къара бурну мени оытесиз кепиме

гелди. Авур жийрен тюсдеги кюлайны тёшю ап-акъ. «Акътёш» деп огъар Астемир агъав шо саялы къойгъан.

– Тфу машалла, не арив кюлайдыр! – деп, мен ону башын сыйпадым. Ол да, тез башын гётерип, мени къолумну ийиследи.

– Бажарылды, – деди тамаза. – Таныш болдугъуз. Сени Акътёш де ушатды. Тек сен тийдирип боламысан?

– Ба-а, – дедим мен, бу гезик де хатирик къалып. – Озокъда, боламан!

– Шихсолтанымсан дагъы, Шихсолтаным! – деп макътады тамаза. Тек иржайыву бёлюнмей. Инанмай болагъаныма, сейлетип, кеп ала. – Юрю, буса.

– Къайда? – дедим мен.

– Дагъы да «къайда»? Айтдым чы сагъа, эргиши: «Къайда?» – деп сорамас деп... Сенден имтагъан аламан. Сен де юрю, Акътёш, сагъа да болгъан тюбек отну ийислеме заман...

Акътёш, сююнмеклигиндең ойнай туруп, артына тюшдю. Астемир агъав ону алда да кёп алып чыкъгъандыр. Акътёшни ийис алма гъасирет чагъы. Астемир агъав огъар тюрлю-тюрлю затланы гёрсетип, ийислеме берип, яшырып, излеме саладыр. Гъар гиччирапнұ да йимик, кюлайны да уйрете туруп, оъсдюрме тюше. Мен буса гъалекленемен. Тийдирип болмасам, Астемир агъав кюлежек чи дагъы.

Муна, биз юрт ягъадабыз. Астемир агъав дёрт де якъгъа мекенли күйде тергев этип, бир терекни бутагъына папахын илди:

– Уруп боласан.

– Негер хари?! – деп, мен ажайып болдум.

– Папахгъя.

– Я, о чу багъалы сюор бёрк! – дедим мен.

– Болсун дагъы.

– Не болсун дагъы? Гюлле чи ону пата-пурхун чыгъартып йиберер!...

– Къайырма-ас! – деп, Астемир агъав къолун силледи. – Сюйсе, гюйдюроп йиберсин! Аявлу ювугъумну уланыны уланындан бир бёркнү къызгъанаманмы? Янгысын аларман!...

Оъзю де иржая: «Огъар сени тийдирежинг бармы?» – деп ойлаша. Бёркде де, бёркнү багъасында да бир гъайы да ёкъ. Акътёш буса, бёркнү оъзюне излемек учун илегендей англап: «Вагъ, булай яшырыв боламы? Папах чы гёрюнүп тұра. Ону чу бир пагъымусу ёкъ абзар итлер де табажакъ», – деп ойлашып, бир есине, бир бёркге къарай. Мени ачуум чыгъып гетди. Мысгыллай чы. «Сюе бусант, нишан болуп мен оъзю де токътайыммы?» – деме гъазир.

Шоғъар да тийдирмей бусам, тюбек тагъып юроп де не этемен? Не бар бугъар тийдирмге? Къачамы, учамы? Не де мезгили йыракъмы?

– Буса, ма! – деп, адамшавлу гёзлеп авара да болмай, йибере бердим. Сайки, гюнағ менде тюгюл. Сени адагъан кюонге къарап, сонг мен иржаярман.

Ону буса адамагъа хыялы да ёкъ. Иржайыву сама бёлюнмей. Бёрк де оъзюню илинген еринде тұра. Чайкъалма сама чалкъалмай. Оъзюню ёкъ да ёкъ та-вушу булан къаныгъып гъаптайгъан Акътёш де, тюбекден учгъан кагъызланы тутмакъ учун, терекни къырыйындан таба ари багъып чабып бара.

Оғъ, бир уялыв уялдым. Ер оюлса, ерге гирердей гъалдаман. Уллудан ташлап макътана эдим чи. Урмакъ учун иелген еримде олтуруп къалдым. Тек, насиғе, имтагъанчым кюлемеди. Иржайывун да токътатып:

— Осаллыкъ этдинг! — деп, магъа бармакъ силледи. — Лап да герекли мюгъ-  
летде гёзлеринг юмулду. Тек, — деп, янгыдан къолун да силледи, — айтардай  
осаллыкъ тюгюл. — Аста булан ону бетине янгы иржайын яйылды.

— Уйренип битгенче, гъар кимде де болагъан кемчилик. Тюбекни арив  
тутасан, атып боласан — дагъы ари ягъында не къала?...

Шолай масхара эте туруп, къырыйыма гелип, янтайды. Ол янтайма кёп  
сюеген адам эди. Бир минут заман тапса да, ял алмакъын гъайын эте эди. Ону  
узакъ яшамагъына шо да себеп болгъандыр деп эсиме геле. Бары гючюн, къу-  
ватын, къастын гъавну заманындан харжламакъ учун асырап сакълайгъан адам  
эди.

— Не ерни сакълай эдигиз? — деп сорады ол.

— Анжи сокъмакъыны, — дедим мен.

Донгузлар Анжиде яшаймы? «Бёлекликни», «Агъачтюпню» сакълама ге-  
рек эдигиз... Гечелер шо бойларда атылагъан тюбеклени эшилмедиғизми?

— Эшилдиқ, — деп сесгендим мен. Неге тюгюл де, воллагъ, биревлер чи ура,  
биревлеге чи бар донгуз деп оъзюбюз де ойлашгъан эдик.

Она, шо тюбеклер донгузлагъа урула эди, — деди ол. — Нече къабан оъл-  
турюлдю? Мен де йыкъынман экевион. О папахгъа тергев этмедиңгми? — деп,  
гъали буссагъатда да илинген еринде оралагъан бёркюн гёрсетди. — Къабан  
этте алынгъан папах...

Мени янгыдан шатлыкъ къуршады. «Къабан этте алынгъан папах! — деп  
ойлашдым. — Мен къачан айтар экенмен, къабан этте алынгъан тюбек деп?...».

— Барып, ювугъунг Адилгерейни алып гел, — деди тамаза. — Сизин булаг  
къймай — уйретип ийберме герек...

Узакъ къалмай, «дарслар» башланды. Тюбекни нечик илме, не ерге илме,  
нечик алма, толтурма, юрютме герекни де уллу агъамияты бар экен.

— Насипсизге тюбекни къабы атылар дей, тек къабы атылмай, тюбек атыла,  
гъайгев башлы къоллагъа тюшген тюбек атыла, шону сизге унутма ярамай, —  
дей эди тамаза.

Айтагъынын гертилей туруп, нече мисаллар гелтирди. Тюбек тутгъан  
адамланы хантавлугъундан нече талайсыз оълген экен, нечелери оъмюрлюк са-  
къатлыкъыттарыгъан экен. Шо гъакъда мен тюбек тутма гъасирет жагъиллеге  
оъзюм де кёп айта боламан. Ону унутма ярамай, дослар.

Сонг гёзлейген, юрюп, къачып барагъан жангъа, учагъан къушгъа урагъан  
кюйлелеге чыкъдыкъ. Айтып да къоймай, оъзю гёзлеп, уруп, тийдирип уйрете.  
Сонг бары да шо затланы бизге этдире. Не от-чачмасын къызгъанмай, не де  
оъзион, не де бизин. Гёзлейгенде, урагъанда гёзлерибизге тиклене.

— Дагъы да юмдунг! Дагъы да юмдунг! Тюртюп, мен шо гёзлерингни чы-  
гырып къойгъан герекми? «Къоркъа бусант, къошда тур», — дей. Хапмай чы  
сени о тюбек, тепмей чи, урмай чы! — деп, къайнашып ийбере.

— Тепме чи тебе хари, Астемир агъав, — деймен мен. Адилгерей уялып,  
гъюрмет этип, бир зат да айтмай, мен айтаман. Башы, сакъалы агъаргъан буса  
да, Астемир агъав мени тезден берлиги къурдашым чы.

— Тепмес, яхшы къысып тутсанг! Ат да осал адамгъа тебе! — дей ол.

Аста булан тамаза иржайма башлады. Сонг «къоччагъым» дейген сёзю де  
чалынды. Ахырда буса:

— Герти донгузгъа гёзлеме заман етишди! — деп билдириди.

– Герти донгъузгъа?! – деп сюондюк биз.  
– Ялгъан донгуз да боламы?  
– Ур-ра-а! – деп къычырдым мен. – Сен ойзунг де гелемисен?  
– Озокъда, гелемен! Магъа тарыкъ тюгюлмю донгуз? Бёрк алгъан учун битеми – тон да герек, шалбар да герек. О сизин Айзанат баживюгюзню къолуна тюшген акъчадан хайыр болмай чы. «Ондан ал», – деп, авлакъны гёrsетип къоя. Ондан къайры да, сизин янгыз ийберме сюймеймен. Тийдиреген, ойтюрекен кююгюзге къарап, къуванма сюемен...

Шо ахшамокъ ёлгъа чыкъдыкъ. Дарсыбызы давам этип, тамазагъа соравлар беребиз:

– Яралы къабан бёрюден де къокъунчлу болагъаны гертими, Астемир агъав?  
– Герти, – дей ол. – Шо саялы да огъар бирдагъы бир гюллени япама герек.  
– О да хыртыч яралап къойса?  
– Къачыгъыз. Туякъларыгъыздан от чыкъганча, къачыгъыз. Сонг яшлар да сизге гъёр къачырап...  
– Вагъ, – дедик биз.  
– Не вагъы бар? Кукайгъа тюгюлмю гъёр къачырагъаны? Гъавчу да гъавгъа къачмакъ учун бармай бугъай чы? Эп бола туруп, къачмаса яхши...

Бизин ойлашма да къюоп, узатып йиберди:

– Каравну уллатасы да, мени яхши ювугъум да бир керен этгенни айтаймы? Ону шо заман бир яш тараши бар эди. Адамшавлу чыныгъып да битмеген зат. Шихсолтан мисгин аслу гъалда ону чыныкъырмакъ учун алып юрюй эди. Бирден тараиш гъаплап-гъаплап, бир ягъына бағып чаба. Сонг ону гъаплаву токътап, аз замангъа шыплыкъ тюшюп, гъанцыллайгъаны чалына. «Воллагъ, шогъар бир балагъ къопду!» – деп, гюнағындан Аллагъ гечгир, көмекге чаба. Къараса, къулакъларын да къысып, бут арасына къурругъун да тыгъып, артына къарай-артына къарай туруп, тараши къачып геле. Артыбулан, гюлледей болуп, бёрю де чаба...

– Бёрю де?!

– Бёрю де... Ач йыртгъычлар, осал жанлагъа къаршылашып, шоланы артындан чабагъанда, тутма алгъасайгъанлыгъындан сакълыгъын тас этип къоя. Бу ажайып къувалавну эслегенде, адап къалгъан Шихсолтан мисгин эсин табып да битгенче, ону бутарасына гирип яшынма къарайгъан таращдан гёзлериин айырып болмайгъан бёрю гъавчулагъа гелип уруна. Къакълыгъып гъавчу да гете, шондан сонг эс тапгъан бёрю де адап къала. «Бий-й, я бу ажайыпгъа! Аш чы мени алдымга ойзлюгүндөн гелип къалды, – деп къувангъан бёрю магъа гелтирип терисин бере! – деп, гъавчу огъар тиреп ура. Бёрю де гъайгев тюгюл чю, къакълыгъып, тез ари тая. Гюлле ону къурругъуна тийип, салландырып къоя. Гъанцыллай туруп къачып гетди. Мен дагъы уруп болмадым», – деп күлөй эди Шихсолтан мисгин...

Биз де кюледик. Ойзү де иржаягъан Астемир агъав:

– Гъавда не де болуп къала, шо саялы да гъавчу, экиге минген тюбекдей, гъап-гъазир болуп турма герек, – деп битдирди.

«Энишлөгө» етишип токътадыкъ. Астемир агъав айлана якъгъа, кёкге, тергев этип, бир нече жыгъана гюп болуп ойсген мююш бар эди, шону танглады.

— Биринчилей, жыгъана гючлю ийиси бар терек — бизин ийислени уьстюн ябажакъ, — деди ол. — Экинчилей буса, донгузлар она шо тав бетден таба геле. Ел де шо якъдан уьфюре — олагъа бизин ийислер бармажакъ...

Арив онгайлы ерлер де табып олтурдукъ. Къашкъаралгъан сонг, янтайдыкъ. Бютюн дюнья чувлукъгъа дёнген. Бир ажайып шып гече эди. Къушланы сарнавларындан къайры зат эшитилмей. Женнетде йимикбиз. Тек женнетде гъайбыз ёкъ. Тынглайбыз, тынглайбыз.

Шо шыплыкъны да, къуш сарнавланы да бирден-бир беземе, накъышлама сюегендей, бир аламат ай да чыкъды.

Ахшам йимик ел де эше. О тав бойлардан тюрлю-тюрлю чечеклени, тереклени, отланы къошуулчан ийислерин алыш геле. Шолай арив атир ийислерден биз ерлешген тала да толгъан.

Аста булан гече теренлеше бара. Ай бизин уьстюбюзден батывуна багъып артланды. Йырлай туруп арып, талып къушлар да юхугъа батды. Бир бошавсуз кёкге тергев этеген тамаза:

— Кино битди, уланлар — танг къата тура. Къабанлардан хайыр ёкъ, — деп гётерилди. — Сиз де туругъуз — къайтабыз...

Экинчи, учциончю гечелерде де шолай болду. Дёртюнчю гече, кепсизмен деп, Астемир агъав гелмеди. Шо жыгъаналы мююшгэ Адилгерей де, мен де гетдик. Баягъылай шыплыкъ да тюшдю, къушлар да сарнай. Бары да зат, алдагъы гёрюньюшлени такрарлай туруп, давам этиле. Биз де шыплыкъгъа, илиякълы къуш сарнавлагъа, женнетдей гечени гёзел айна уйрене барабыз. Биз мунда ял алагъандай гъислер тувулуп, сакълыгъыбыз тас эте барагъанны сезип де болмайбыз. Тек бирден, къайдан-эсе тюбек атылып, бир донгузну яман къувун салып акъыргъаны да ойкюрюп, къаркъараларыбызгъа от къуюп йиберип, бизге эс тапдырды. Яхшы агъамият берип тынглагъанда, алдыбыздагъы гъабижайлыкъ денгиз йимик шахуллама башлагъанны да эшилдик. Шо шахуллав, гъалек денгизни толкъунлары йимик алгъасап, бизге багъып геле эди.

— Аллагъакъучун, донгузлар! — дедим мен, къоркъма башлап.

— Олар чы бизин таптап гетер! — деди ювугъум. Савлай сиривю геле чи.

— Ур! — дедим мен. Амма оъзюм къолумдагъы тюбекни излеймен.

Сонг мюкюр болгъангъа гёре, Адилгерей де чакъмасын табып бажармай болгъан.

Нечик де, биринчи тюбек атылды. Тек о кимни тюбеги экенни англап да болмадыкъ. Амма шо бизге къолубузда тюбеклер барны ва оълмес учун оылтюрме герегибизни англатды. Бас-бас-бас этип йибердик. Донгузлар бурлу-гъуп, ари къачды. Юреклер бираз паражат болду. Тапталма сама тапталмажакъбыз чы дагъы! Амма бириси къачмады — эсирген затдай лавлай туруп, тувра уьстюбюзге чапды.

— Де, тез бол, къачдыкъ! — дедим мен. — Яралангъан къабан геле!

Яралангъан къабан бёрюден де ачувлу болагъанны билебиз чи.

Бир-бирибизден айырылып къачма тавакел этмей, бири-бирибизни тутуп къачабыз. Къайсыдыр бир терекге къаршылашып къалгъаныбызыны да, шогъар нечик мингенибизни де билмей къалдыкъ. Къабан буса, бизге къулакъ да асмай, терек тюпден таба ойтот бара. Шо заман магъа: «Бий-й, я, ону чу Аллагъ бизге буюруп йиберген! Биз буса ону къолдан чыгъара турабыз!» — деген ой гелди.

— Йиберме ярамай!

— Гъа?

— Тез бол, тюш! Гетип къала тура чы! Бутларыбыз ерге тийгендокъ, къабанны артындан чапдыкъ. Тек артындан етишмей чабабыз. Балики, ол, биз артындан етишсин деп, гыиллагъа къалып, аста къачадыр? Бурулуп чалса? Шону бизге Астемир агъав уйретген.

Къабан, бавну башындагы бүрлюген уылкюлени ичине гирип, къамалды.  
— Токъта! — дедим Адилгереиге.

Шо да — Астемир агъавну дарсы. Ол бизге, яралы къабан къамалгъандокъ, оъзюн гызызлар гелеген гъавчулар болма имкан барны гёз алгъа тутуп, артгъа багъып токътай — огъар шо якъдан барма ярамай деп уйретген эди.

Тек биз огъар башгъа ягъындан барма да къоркъдукъ. Уылкюлени къуршавгъа алып токътадыкъ. Насипге, къабан чапмады. О чапма да чапмажакъ болгъан: уылкюгө гиргендокъ, оълюп дёгереп къалгъан эди. Оъзю де торай. Алты, етти, сегиз ай болагъан торай. Бизге о къоркъгъанлыгъыбыздан уллу гёрюнген.

Бизге буса дагъы торай тарыкъ да тюгюл. Гъагта янгы тюбеклени алма гъасиретлик де унтулгъан. Бизге «къоркъмагъан, къачмагъан, оълтурген» деген сёзлер герек. Шо сёзлер бизге гъавчуланы очарына къошуулма да ихтияр бере. Биз чи уллу гыюрметге ес болуп къалдыкъ. Ондан уллу тюбек боламы? Уыстевионе, шо очаргъа Астемир агъавум гелип, халкъны жыйып, орден бергендей, магъа оъзюню кёп сюеген Акътёшон де савгъат этди.

— Бёркнү бузуп чу болмадынг, тек Акътёшню бузажакъсан. Гъай, къайырмас, оългенче унутмажакъ ювугъумну уланыны уланысан, башыбыздан сада гъа болсун! — деди ол.

Амма, гъар янгылыкъга да йимик, шоссагъат жыйылып, очарны шат агъвалатгъа айландырып да битген халкъ, шо санавну ичинде мен оъзюм де, Астемир агъав магъа кюлайны бузма къоймажакъны, энни ол мени дайм оъзю булан алып юрюжекни ва экибизни де болат йимик чыныкъдырып, оър пагъмулу гъавчулар этежекни биле эдик.



**Баммат АТАЕВ  
(1925–2007)**



Баммат Атаев Хасавюрт районну Ботаюорт деген юртунда тувгъан. Ата юртундагы орта школаны тамамлагъан сонг, Хасавюртдагы педагогика училишени ва Дагъыстан пачалыкъ педагогика институтну тарих факультетин охуп битдирген. Башлап ата юртундагы школада муаллим, сонг школаны директору, къумукъ тилде чыгъагъан «Ленин ёлу» (гъалиги «Ёлдаш») республика газетни къуллукъчусу болуп загъмат тёкген.

Б. Атаев къумукъланы тарихине белгили язывчу, тарихчи, драматург, публицист ва журналист гъисапда гирген.

Ол къумукъ ва орус тиллерде чыкъгъан кёп санавдагы китапланы автору: «Ялынлы йыллар», «Мени игитлерим», «Шавхалны гиччи уланы», «Солтанмут», «Уллу Бойнакъ: Уллубийавулну тарихине сапар», «Солтансайт», «Умалатбий», «Таргъулу шавхал Адилгерей», «Темирболат», «Тенгир терек», «Къумукъланы тарихини канзилери» «Къумукъстанны таварихи», «Бийлени де бийи Таргъулу Магътибек» ва шолай оъзгелери. Язывчуну «Умалатбий», «Таргъулу шавхал Адилгерей», «Тенгир терек» деген драмалары Алимпаша Салаватовну атындагы Къумукъ театрны сагънасына салын俨 ойналгъан.

Чебер яратывчулукъ тармакъда, къумукъланы тарихин ахтарывда этген къошуму саялы Б. Атаевге «Дагъыстанны маданиятыны ат къазангъан ча-лышывчусу» деген гъюреметли ат берилген.

## УЛЛУБИЙНИ УЙЛЕНИВЮ

«XVI асруну ахырларына таба Таргъу шавхаллыкъны ярлашыву гючлене.

Шавхалны гиччи уланы Солтанмут Солакъ ва Терик оъзенлени арасындағы ерлеге гюч булан ес болуп, оъзюне Эндирий бийлигин къура».

(Бырынгъы Россияны тыш пачалыкълар булан дипломат аралыкъларыны гъакъында 1852-нчи йылда чыгъарылгъан маълумат китапдан алынгъан.)

Темиркъую авлакъдагы гиччи урушда уллу натижагъа етишген жагыил атолу Солтанмут, устьюнлюқден къуванагъан ясавларын Бавтогъайдан тербетип гелип, Эндирийни савут да атмай къолгъа ала, бийлигини тах юрту этип белгилей.

Солтанмутну вакътисиндеги Эндирий Салатавдан баш алагъан Акъташ оъзенни орта боюнда, тавтюп аркъаларда ерлешген. Ондан кёп юз йыллар алдагъы Эндирий буса (шо замангъя аты Эндирий) Акъташ оъзенни сол ягъасын-дагъы генг майданда, Европадан Кавказ артына, Ирангъя, Гъиндустангъя бара-гъан уллу керван ёлда токътагъян болгъан.

Гюнтувш алимлени, сапарчыланы къольязывларындан англашынагъан күйде, Эндирий шагъар бизин девюрню VI–VIII асруларында Хазар пачалыгъыны тахшагъарларындан бири гысаплангъандан къайры да, Гюнбатышны да, Гюнтувшну да арасында дагъы алыш-беришчиликни, Темиркъазыкъ Кавказ-дагъы яшавлукъ культураны аслу ожагъындан саналгъан.

Ислам динни яймакъ багъана булан араплар VII–VIII асруларда Хазар пачалыгъына елевчю чапгъынларын гючлендиргенде, Эндирий чёгеленген. Ону осал гъалындан пайдаланып, Киев князы Святослав 965-нчи йылда чапгъын этген. Натижада Эндирий гюйдюролген. Харабасы чыкъгъан шагъарны халкъы Акъташ оъзенни онг ягъасына, Чумлу деген ерге гёчген ва юрт тикген. Огъар Эндирий деп айтылмагъа башлагъан.

Монголланы, Акъсакъ Темир падиша гъанлы давларыны девюрлериnde Эндирий эби ёкъ зараллагъа тарыгъан. Акъсакъ Темир падиша гъанлы гъакимлиги тозулуп, Темиркъазыкъ Кавказда къумукъ шавхалны оъзтёречелиги аякъыттуруп гючленгенде, Эндирий юртда яшав жанлангъан. Онда сабанчылыкъ, саниятчылыкъ, алыш-беришчилик хазар девюрде йимик алгъа гетген, халкъ токъ яшамагъа башлагъан.

XVI асруда Эндирийге Иранны къызылбаш шагъарыны къолу етишген, елевчю заралы тийген. Тек оланы Темиркъазыкъ Кавказдагъы агъалыгъы тез гючден тайгъан, неге десе иран асгерлери Кавказ артына багъып гери тартылгъан. Оланы ат таякъ гъызларын таптап, Эндирийге башлап Къырым татар ханыны, сонг буса Тюркия солтаныны ордулары етишген. Солтанны фирманы булан Эндирий Къырым татар мурза Оъздемирни ихтиярына берилген. Шолайлыхъыда бир нече йыллар оътген. Тюркия солтанны фирманын кюте туруп, Оъздемир мурза къызылбашлагъа къаршы давгъа юрюген. Ону ёлу къумукъ топуракъдан оътиюп, Дербентге, Ширвангъа етишген. Шо ёлунда ол жагъыл атолу, шагъыны есири ва ахырда белгили сардар Солтанмут булан ёлукъыган, къурдаш болгъан ва къызылбашлар булангъы давда оъзюне этген кёмегине багъышлап оғъар Эндирийни савгъат этмеге токъташгъан. Тарих агъвалатлар тез алышинып, Къырым татар ва османлы ордулары Темиркъазыкъ Кавказдан гетмеге борчлу болгъаны саялы, мурза шо нюдорюн яшавгъа чыгъартмагъа бажармагъан. Шо саялы Солтанмут Эндирийни масъаласын оъзтёрече чечген: ясавлары булан гелип алгъан да къойгъан, бийлик къургъан.

Харлысыз бийликни башы болмакъ Солтанмутну оъктем юрегин солкъ эти, санларын рагъатландыра, оъзюне инанывун гючлендире. Къанлы урушланы ат таякъ чангы къаравландыргъан ойлары ярыкъланып, ону гъакъылы, саны юрегини назик гъислерине тынглай башлай.

– Эрлеге белден къабур къаздыргъаныкъ тамандыр, той арбалар еқдиремеге замандыр! – деп пикрулашып, Солтанмут яш жанына ярагъан Чечек бийкени эсге ала. Къагърулу, хатирсиз шартларда оъстен, тарбиялангъан къатты хасиятлы адамны юрегине йымышакъ, назик гъислер нечик таъсир этмеге болагъан-лыкъыт Солтанмут оъзю де тамашагъа къала.

— Гъейлер, бир де эсиме гелмей эди гъеч тюрлю гюч этивге ирия боларман, не де йымышарман деп, хапарсыздан гелип тийген сюювню сигърулу гючю йымышатмагъа тюгюл, ирите экен юрек майларын! — деп сёйленип де йибере ол, ичинде от янып гетгенде. Шолай вакътиде ону гёз алдында Чечек бийкени гёzel келпети сагъындай ойнап, башына маъналы ой гелмеге де къоймай. «Яхари, зор агъвалатланы къудратлы агъымында талашагъан мени йимик къылыштырылганы назик гъислерине къурбанкъул болмакъ айыпдыр?» — деп, ол бир-бирде оъзю оъзуне урушуп да йибере. Тек урушгъан булан да, нечакъы къатмагъа къарагъан булан да ону юреки йымышай-яна, бары да инсанланы йимик ону жаны да табиатны инг де сырлы гючюне — сюювге есир тиょше.

Сююв къуршагъан ойларын ари де, бери де айландырып, аталап — элеп къараса да, бир гъасилге гелмегенде, ол юрек тююнун устазына чече.

— Сен, эфендим, сюювге не гёзден къарайсан? — деп сорай ол бир гюн, Аваби булангъы лакъырын узата туруп.

— Эки де гёзден къарайман, гъюрметли уллубийим, — деп иржая эфенди.

— Мен масхара этмеймен, гертиден де сорайман, эфендим...

— Сююв — гъакъ зат, уллубийим, осуз яшав ёкъ, — деп, эфенди уъстденсув айта.

— Сюймекликге не деп айтарсан?

— Сюймеклик адам учун уллу наисип дермен, гъюрметли уллубийим.

— Балики, наисипсизликдир?

— Яшавда не де болмагъа ярай, тек сююв гъис инсангъа наисип учун берилген, — деп ташдыра Аваби эфенди.

— Сююв бутунга-къолунга бугъав уруп, уллу муратлагъа етишмеге тогъас болса, не этерсен, эфендим?

— Сюйгенимни аларман, шо заманда бугъав да чечилер, тогъас да оъзлюгюнден ачылар, гъюрметли уллубийим, — деп, Аваби атолусуна баш ийип иликъылай иржая.

— Мени юрегимни билегендай айтасан, эфендим. Иржайывунг негъакъ тюгюл, — деп, атолу оъзю де бираз ачыла.

— Магъа заман болгъан сени юрегистингни билмеге, бирче аз чёрек ашагъанбызмы, башдан аз къыйынлар гечиргенбизми? Сагъа гъали де къыйын, бойдакъылакъ байрам-той тюгюл. Янынгда сюйгенинг болса, иш башгъа, олжагъа етер зат бармы? Терекге де емиш заманында бите, гъюрметли уллубийим, сагъа да заман етишген уйленмеге, — деп, Аваби атолусуна таза юрекден наисигъат бере.

— Мен де шолай ойлашаман, эфендим. Тезлик булан уйленмеге герек, — дей, оъзю альшынып, бетине иренк гелген Солтанмут.

— Яхши сагъатда болсун, уллубийим! Сагъа болгъан яхшылыкъдан къуванмайгъанлар оъмюрюнде яхшылыкъ гёrmеге магърюм къалсын! — дей Аваби, атолусун гъакъ юрекден къутлап.

— Баракалла, эфендим! Сени къутлавунг мени учун къыйматлы, — деп, атолу устазыны инбашларындан къучакълай.

— Уйленмек учун лап да арив вакътини тантлагъансан, сардарым, — деп кавланы эфенди.

— Неге дайсен?

– Биринчилей, баш намартынг Зурхай бийден озгъансан, атынг эллеге айтыла. Экинчилей де, Анзор агъайынг гетип битмеген, уйленив ишиңгни башын тутар. Уъчончюлей де, табиатны гөзел вакътиси – токъ гюзюбюз етишгенд! – деп, Аваби уллубийин уйленмеге шабагъатландыра.

– Гертилей де, сен магъа къол береген шартланы санадынг! Узун сюренге салмайлы, этип къояйыкъ ишни! – деп, Солтанмут, ари-бери юрюп, къолларын бир-бирине ишый.

– Билемисен, эфендим? – дей ол, сёзюн узата туруп, – Мен эки гюн мундан алдын Къылыч агъасына йиберип, Чечек бийкеден хабар да билгенмен.

– Уланмы, къызмы?

– Улан хари!

– Не дей гөзелибиз?

– Мени къаршылыгъым ёкъ, атам этген күйде болур! – деген, эфендим.

– Олай эсе, йиберип гелечилени де, етишдирип белгисин де, къалымын да, гелтирип къойма герек гелинни! Этербиз оькюртюп тоюнгну да!

– Сен чи алданокъ гъазирленгенде йимик этип де къойдунг, тоюмну?

– Гъазирленме къыйынмы сени йимик къудратлы уллубийге! Ич-ичинден гиреген уйлеринг толуп палтарынг – малынг, къотанларда къойларынг, чалларда туварларынг, ёнгурчъалы тюзлерде йылкыларынг болгъан сонг, къыйынмы сагъа уйленмеге! Олтурт аривюнгню гелтирип тёрюнгде! Ожагъынг авлетден толсун, оьзюнгден башлап бары да наслунг насишли болсун! – деп, уллубийин янгыдан алгышылай.

– Олай эсе, сен, эфендим, арив кюю булан билдирип Анзор агъайыма, узакъ къоймай ишни битдирсиин, – деп, Солтанмут устазына тапшурув бере.

Аваби эфендини къуванчлы билдиривюн Анзор бек арив гёре, разилик бере, гелешмекни ишин де бойнуна ала. Шо ишни ол тишишли күйде кютмеге де бажара. Бир жуманы ичинде къызыны элтежек болжал да салына.

Чечек бийкени разилиги ва гъаракаты болмагъан буса, ишлер булагай май сюргендей сырғылап да юролмес эди. Ол атасыны ожагъында айтгъаны бо-луп гелген къыз. Улан авлети ёкътгъа гёре, Дапюк бий ону эркелеген, эргишиге хас ругъда, хасиятда тарбиялагъан, ат минивге, окъ атывгъа, къылыш урувгъа уйретген. Охувдан да ол къызын магърюм къоймагъан. Чечек бийке бир-бир гъикая, назму ва гъатта илму асарланы охугъан. Нечик алай да, ол оьзю шо даражасындағы акъсюек къызлагъа тишишли къылыш ёрукъланы, адатланы, жамият аралыкъ мердешлени билген.

Чечек бийке ат минивню айрыча ушатгъан. Шо гъюнерге ол улусундагы оьзю тенгли къызланы да уйретген. Ахыр да Чечек бийке олардан «къыркъ-къыз» черив де къургъан. Улусбашыны гъамиясыны гъисабына къыркъкъызыгъа ол опуракъ гийдирген, савут такъдыргъан, ат миндирген, ашарлыкъ берген. Башлап оюнчакътгъа йимик къурулгъан къыз черив бара-бара янгыз бийкени тюгюл, улусбашы бий Дапюкню де аманлыгъын сакълайгъан савутлу гючге айлангъан. Черивдеги къызлар бийкесине амин болажакътгъа, ону буйрукула-рына сёzsюз тынглажакътгъа ант ичген. Бийкеси де къыркъкъызына рагъмулу болажакътгъа, оланы менлигин якълажакътгъа, оьзю эрге баргъан сонг буса, ола-гъа азатлыкъ бережекте шарт этген.

Чечек бийке янгы он тогъуз яшына чыгъып тура. Табиат огъар ончакъы аривлук бермесе де, кимни де тергевюн тартагъан къуймурлукъ, терен гъа-

къыл, таъсирли гъаракат берген. Ону булан бир сёйлеген гиши айрылып гетмеге болмай къала, неге тюгюл ону авазы къулакъыга бюлбюлню сеси йимик чалына, сёзю шекер-шербет йимик татли тие. Шо татлилик тюгюлмю Солтанмутну юргине бал болуп ягъылгъан! Ол къызыны гёзлерини гюнесувдай ойнавун, оймакъ авзуну гюлдей ачылып иржайывун унутмагъа болмай.

«Биревни де сюймесмен!» – деп оъзюн къатты тутгъан Чечек бийкеге бирлери гелечилер де йиберген, тек ону юрги шолардан бирисине багъып да авмагъан, не къадар барысындан да къакътлыкъыгъан...

Оъзюн алда тиiletгенлени къайсы булан тенглешдирип къараса да, Чечек бийке, Солтанмутну олардан бир баш оър гёрген, нарт улангъа ошатгъан. Оъзю минген акъ бурун аргъумагъыны устьонде алтынлы садакъ-савутун да, сырыйвундан сасыкъ терлер чыгъағъан киришли гюбесин де йыртыллатып къарчыгъадай къайыр олтурагъан Солтанмутну батыр келпетин Чечек бийкени «эренилени къаттылыгъын танглайгъан» от юрги ушатгъан. «Тенгирим буюруп гъеч кимге олжа бола бусам, шу батыргъа барырман!» – деп ойлашгъан ол. Бир де, эки де ёлукъындан сонг буса, ону юрги Солтанмутгъа багъып даим талпына башлагъан. Янгыз къалгъан сайын, къызыны гъакъылын тюрлю-тюрлю ойлар елей. Етишген къыз эрге бармакъ – ёрукълу иш. Сююнню кишенлеп де, сандыкъыга салып яшырып да сакъламагъа бажарылмай! Сююнню насиби – къошуулмакъадыр! Гъашыкъ аривлер булан батырлар бир ожакъда ярашыр! Сыгъанышып уй къуллукъ күтмек – олжаланы ишидир, аргъумакъ арив атлар чапдырмакъ, душманына къанлы тонав чечдирмек – батырланы ишидир! Солтанмут шолай батырланы бириси! Мен де огъар жутмандыр? – деп ойлаша Чечек бийке. Солтанмут булан бирлешмеге Чечек бийкени оъзлени къарывсуз улусуну сиясы гъалы да, атасыны «къаламы сынгъан къартлыгъы да» алгъасата. Ол энни девюрлер алышынгъанны, атасындан сонг оъзюне къалгъан улусу гъакимлигин оъзбашына юрютмеге болмажагъын англай, ону Солтанмутну бийлигине къошмагъа, оъзю де ону гъакимлигини тюбюне тюшмеге ичинден разилемеше.

Солтанмутну танып оътген гюnlени ичинде Чечек бийкени юрги алдан эсе гючлю гъарсиллене, кёп яна. Эгер алдын ол къыз юрги къайды экенни де билмей эди буса, гъали ону атылывуна талчыгъып, заман сайын кёкюргине тийип-тийип къарай. Гюндюзлер чи ол нечик алай да къыркъызы булан баш алдатып да, абзардагъы був-бувчарлары, тутуркъушу булан ойнап да, къургъан аркъабашдагъы Тенгири ташына ибадат этип де заманны йибере. Гечелер буса ол ялкъып не этерин билмей, ялкъывун юхугъа батып унутмагъа алгъасай. Ол да бажарылмай, текеран гёзю юмулду десе, къулагъына Солтанмутну сеси чалына... Нагагъ юхлап къалса да, Солтанмут, тюшонде гёрюнюп, уята. Нечик алай да, къызыны парахатлыгъы битген. Хапарсыздан гелип, окъдай тийген сююв ону шашдырып къоймагъа турса. Тезликде гелечи гелгенлик ону янагъан юргине дарман бола. Сююв отуна тарыгъан къыз, назланмай, разилигин билдирип, ишни тынч битдире, къалымны хабарын да этмей...

Тойну болжаллы гюнню етише. Гёксув улусуну башы бюрче бийни къызыны алып гелеген эндирайлилени гелин ва сеп арбалары юртуну тёбенги къапусуна ювукълаша. Оланы Чечек бийкени къыркъызы да, Солтанмутну он ясаву да узата.

Кыыркъызы экиге пайланып, арбаланы орталыкъын алыш юрой. Олар кыыпчакъ йылкыны сайламлы алашаларына минген, садагын, окъжаясын такъгъан, тёбелери хораз къанат булан безенген такъя бёрклерин гийген.

Ясавланы учьевю гелин арбаланы, гиччирек керванны алды, къалгъанлары буса арты булан геле. Ииликлери кыысгъя гелген къумукъ атлагъя агъач ерин де къаплап минген, инбашларына темир окълу садакъ, беллерине кынгыр кылыч такъгъан шо уланлар гелинни гъар тюрлю хатар балагъдан сакълама-гъа гъазир.

Сылап-сыйпап гийим гийген кыыркъызы да, гюбе тёшлю ясавлар да гелинни гёз бебейидей къоруп, эсен-аман Эндирий къапугъя етдире.

Гъеч бир тюрлю къоркъунчлукъын, четимликтеги бойсынмай сырғалап гелген керванны бир гёлемсиз къапучу чёп де гёрмей чаналата. Ол, той адат-гъа гёре ёл кырыкъып, тогъасланы ачмай токътай. Керванны башын тутгъан биринчи ясав, къапучуну «масхарасын» ёрукъсуз яравсузлукъ санап, огъар къамучу урмагъя белсене.

— Адат! Адатны билмеймисен? Къумукъ тюгюлмюсен? — деп кычыра ясавгъа, къапучуну артында токътагъан бир нече жагъил.

Ясав, къамучусун гъавада ойнатып, артгъа бурула: «Беригиз къапучугъа тийшилисинг!» — деп, сеп арбагъа бувара. Къапучугъа сеп арбадан чилле къоль-явлукъ да, къозлар да ташлана. Тогъаслар ачыла ва гелин керван юртгъя гире.

Тёбен авулну генг орамыны бурунчагъында да, бийни мюлклери ерлешген аркъагъа бурулагъан тар тыгъырыкъда да жагъиллер, гелин керванны токътап, тийишли савгъатларын ала, шатлана.

Гелин, керван аркъагъа ойренип, ойгуз арбалар ва атлылар уллубийни къангалы къапуларына ете туруп, ону алдына чыкъгъан накъыра-зурнайлар со-гъулуп, агъвайчылар макъам тартып йырлап, кызылар ва уланлар къабакъ алда бийип, дюнья тойну шат сесине янгырып къала. Уллубийни тах отавуну къал-къысында токътап къарнай чалагъанлар чы янгырыв сесге айрыча гюч къоша.

Уллубийни тах отавуну къапулары ачыла. Бир якъда къатын-къызлар гъалалай айттып, биревю якъда жагъил эргишилер ананайны къыздырып, гелини-себи булан арбалар эркин абзаргъя гире. Гиевню инамлы «нёкери» Кылыш, гелинни арбадан гётепип алыш, аякъ тиопте яйылгъан халчагъя тюшоре, тирсегинден тутуп юрюте, уллубийни отав уюнню бийик посагъасыны ойр энегесине ону онг къолун тийдире, сонг янгыдан гётепип алыш, чубулдурукъгъа етишдирип, ойзү кыргъа, абзаргъа чыгъя. Шо мюгълетде уллубийни къал-къыбашындан ерге кёп къоз ва аралаш гюмюш акъча ташлана. Гелинни гьюрметинден адамлагъа себелеген шо савгъатлагъа, айрокъда гюмюш акъчагъа, яш да, уллу да ябурула, бирев биревню теберив-тюртюп болуп, къалмагъал гётепиле. Айрыча янгырыв сес булан ойкюрюп чалынгъан накъыра-зурнайны улуву, къарнайлары къувун салыву къалмагъалны солкъ эте. Жагъил уланлар ва къызлар гюп-гюп болуп айры токътай, харс ура, сюйдюмтаякъ узатыла. Той толу гючюне гире. Ону шат тавушу Эндирийни ойзюнде яшайгъанлагъа чы нечик де, ону ойрюндеги Гебеккъялагъа да, тёбениндеги Кызыльяр керменге де етише.

Гъалалай айтагъан къызлар гийген биюкме этекли, шарпаз белбавлу, къызыл-ала чыт гёлеклени арсар енглери, тирсекден сонг эки ачылып, уyst янны, артгъа чююрюлюп, байракъдай елпиллей.

Ананай айтагъан уланлар башларына акъ кийиз къалпакълар, устьлерине гёк исхарла къапталлар, аякъларына сакътиян чарыкълар булан гюмюш чалыв-лу ишымлар гийген. Беллерине гюмюш хынжаллар такъгъан шо жагыиллер къолларына ағъачкъомузлар тутгъан.

Абзарда той-йыбав гючлене. Зурнайчылар томалгъан якъларын тешип, накъирачылар, шишген теплерин ярып къоймагъа тура. Бийийген жагыилени санаву-саны ёкъ. Гёбелеклердеги учагъан кызылар да, къарақушлардай саркъагъан уланлар да, той абзарны ортасында айры жутлар болуп айланып, чанг чыгъартып бийийлер. Уллубийни тах отавуну экинчи къатыны узун пурхасында токътап ойреден таба къарайгъан бийке къатын-къызылар, къонакъ тиштайпалар тюпдеги шатлыкъны бек ушата, оyzлер де бийимеге-йыбанмагъа иштагындан къыл яра. Инче къолларыны йымышакъ аялары къабаражакъыны унтууп, олар къыздырып харс ура, оyzлер ушатгъан бийивчуге баракалла йибере, не де бир тюрлю савгъат багъышлай.

– Огъ, не тизив бийий экен бу эндириели жагыиллер! Уланына да, къызына да машаллагы буланы! – деп, къувана уланыны тоюна етишген Малика.

– Бизин къабарты жагыиллер де, эндириели жагыиллерден озса тюгюл къалышмай, – деп сёз къоша къызардашыны яннавурунда токътагъан Анзор.

– Ону да тергеме ярай. Бар чы тойда къабарты уланлар! – деп иржая Малика.

Анзор, къызардашыны янындан тайып, тюпге, абзаргъа тюше, къабарты къонакъланы табунуна гелип, бир уланны бийимеге чыгъарта. Накъыра-зурнай къабарты күйде чалына. Арты ерли, алды ерли саркъа юрюп бийимеге башлай къабартылы улан Темот. Эндириели Гюлкъызы да чыгъарыла орталыкъыга. Темот арты ерли, алды ерли саркъывун узата, ол гёндөленине туруп да йибере. Гюлкъызы, ону кююн билмей, эндириче гюрен айлана, арекде токътап улангъа къарай, сонг орталыкъыдан тая. Темот баягъы къайдасын давам эте. Халкъ огъар тамашағъа къарай, леззет чеге. Тек Темотгъа чы леззет тюгюл къызысыз бийимек! «Бийимеге къызыгъыз ёкъ буса, орталыкъыдан таяман!» – деп, оyz-оyzзюне ойлашмакъда Темот да бола, алдында къарайавуз, исбайы тиштайпа да гёрюнүп къала. Шо тиштайпа, гюлдей иржайып, геме тёшюн герип алгъа тербен-генде, ону алтын камаллы инче бели юзюм борладай иеле, аякълары тюплери-не май сюртюлгендей сырғалай, дёгерек билеклерин яйып ойрге гётергенде буса, ону сари дарай полшасыны тирсекден эки ачылагъан хабалы енглери, къарлыгъачны къанатларыдай, ойнай. Къарайавуз гёzelни бийивюн гъайран-лыгъы къабарты уланны саркъывун артгъа сала. Эки де жагыил бир-бириндөн къалышмасгъа къаст эте. Тиштайпаны къоллары, инче бармакълары ону юре-гиндеги ажайып сырланы ачагъанды йимик чебер ойнай. Гъасиликалам, ону бийивюн чеберлигине тюпдеги къараҳалкъ чы нечик де, ойредеги акъсюек къаравчулар да мюкюрлюк эте. Ону бийивю Маликаны юргине айрыча таъсир эте. «Гъейлер, къызыны перделер йимик ойнайгъан чебер бармакъларына гёз тиймесин!» – деп оyz-оyzзюне шыбышлап, ол ойреден тюпге, бийивчю тиштай-пагъа багъалы чилле къолгъапларын ташлай.

– Кимдир, гъейлер, бизин мунча гёңгюбюзню ачгъан, разилигибизни алгъан шо жагыил тиштайпа, пагъмулу бийивчю? – деп сорай ол янындағы тавкесине.

– Шо тиштайпа бизин уллубийибизни устазы Аваби эфендини олжасы Назлыханым, аявлу бийкем, – деп жавап къайтара тавке.

– Тыфу машаллаг! Гёз тиймесин! Бизин якъларда инсан гёрген пагьму тюгюл о тиштайпаны санларындағы чеберлик! Къайдан гелген гёzelдир ол? – деп сорай, тамашалығы сёнюп битмейген Малика.

– Ол Дербентде эмирни хансарайында бийиген...

– Бизин бий отавубузда да оғъар ер табулар! – демек булан, Малика сёзюн бёлүп, тюпде бийийгенлеге къаравун узата. Той юрюле. Накъыра бийимеге чакъыра. Йыбав гючлене.

Солтанмутну тоюну маңнасы халкъны къуру къуваныву булан дазуланмай. Йыбавгъа олтургъанлагъа ашамагъа-ичмеге зат нечакъы тарыкъ буса да бериле. Уллубий юртлуларыны бирисинден де савбол алмай. Чакъырылса да, гелип болмай уюнде къалгъан юрт ағылюлерине ол той пайын берип ийберте. Гъавайын йыбав, гъавайын ашав-ичив! Халкъны савлугъу! Табунлагъа пайланып олтургъанланы алдына къувурма, долма, чишлик салына, ичмеге бозаны ағыы да, сариси де, жапа да, муселлес де бериле. Сюйгенлер къамуш аякъ толтуруп къымыс да баса, тек чагъыр чы юрюлмей. Къатын-къызланы алдына къувурма-долма булан бирче татлиликлер де, шербет сувлар да салына. Ашгъа-сувгъа биревню де арзымалы къалмай. Шолайлыкъда той уйч гюнге чыгъя. Къонакълар, къудалар, къайынлар гетмеге сюйгенни билгенде, Солтанмут олагъа къаршылыкъ этмей. Гелинни узата гелген къыркъкъызыгъа маржан минчакълар, дарай къабалайлар бердирте, яхшы ёл ёрай. Къыркъкъызыгъа бийкеси булан савболлашма сююп гелин уйге гире. Башына ала гюлмелли байлагъян, устьюне алтын къарышмалы яшыл дарай къабалай, тар балакъларына инжи торлангъан къызыл шалбар гийген Чечек бийке чилле чубулдурукъдан чыгъып гёрине. Къыркъкъызыны бириси, болма ярай арасында тириси, аявлу бийкесин къучакълап, ойбе.

– Сенсиз биз не этербиз, аявлу бийкебиз! – деп, ол йыламсырай.

– Магъа да къыйын сизден айрылмакъ, аявлу къыркъкъызым! – деп тарлыгъя Чечек. Тек оъзюню бийкелигин сакълап, ол тез жыйыла.

– Мен сизин бугъавлагъандай сакъладым, гечип къююгъуз. Энни сиз азатсыз, гъар ким оъзюгюзге ихтиярлысыз. Сизге де уйленмеге, ожалакъ тикмеге заман гелген. Къайтыгъыз, азат къызлар, уйлеригизге. Савбулагъуз магъа этген къуллугъугъуз учун да! – деп, ол къыркъкъызыны уллусуна къайтара. Къыпчакъ алашаларыны түякъларындан учгъун ташлатып гъайдап чыгъып гете олар Эндирайден...

Тою да арив битип, олжасы да болуп, Солтанмут ағылю яшавун башлай. Олай демек – ол жамият яшавгъа хыр бере демек тюгюл. Уйленмек ону бийлигини ишлерине жаваплы янашывун гючлендире. Инг башлап ол ясавларын от – тюбек булан таъмин этивню масъаласын чечмеге гирише, кёп алтын акъча да берип, къанлы Къарасайны орусланы Терки «гордогуна» ийберип, сатып тюбеклер, от, гюлле алдырта.

Агъайы Къабартысына гетип битгенче, Солтанмут ону булан да лакъыр этип къарай.

– Оъзюнг булан къалгъан минг атлы ёлгъа енгил чыгъагъан күйнүю этмеге ярамасмы, агъайым? – деп сорай ол Анзоргъя.

– Оъзунге кёмек этген адамланы хуржунларын толтуруп йиберегенни ерине «енгил» деген не хабардыр, иним? Англамайман...

– Оланы хуржунларын авур этемен, алтын-гюмюшюм ёкъ тюгюл, тек инбашларын енгил этмеге сюемен, – деп, уллубий къардашина иржая.

– Олай нечик бола, иним?

– Сени минг атлынг магъя тюбеклерин сатсын, алсын гъагъын... Окъжая тақъса, енгил болмаймы дагъы инбашлагъа?

– Сени башынг яман ишлемей, иним. Тюз ойлашасан. Тек мен атлыларыма нечик англатайым?

– Сизге тынч тюбек тапмагъя, оруслар булан къатнайсыз. Стрележлерден сатып аларсыз. Мен сизге бергенни яртысын да алмажакъ воевод. Оғтар недир, пачаны тюбек савуту кёп, – деп, Солтанмут къардашина ой сала.

– Ойлашып къарамагъя ярай, – деп, Анзор йымышап жаваплана.

– Ойлашмагъя зат да ёкъ, агъайым. Бираз алдын Къарасай Терки городок-гъя барып беш юз тюбек алып гелди. Савут онда базарда да сатыла...

– Сен мени рази этип битдинг, иним. Тек алтынны къызгъанма! – деп, Анзор къардашина намус сала.

– Къызгъанмасман! Магъя бугюн тюбек савут алтындан да артыкъ! – деп, ругылу сеслене Солтанмут.

Экинчи гюн уллубий, айтгъанын берип къабартылы атлылардан минг тюбек ала. Ону Ширван давунда къазангъан алтыны бир гюнүне табула.

Эндирайни уллубий Солтанмут оъзуне, оъзге бир нече къабартылы бийге багъышлагъан Терик бой отлавлукълагъа да, сатыв-алывгъя да, къыйматлы савгъатлагъа да разилигин билдирген Анзор ва ону минг атлысы, тойдан сонг Эндирайде узакъ да токътамай, Къабарты элине къайта.

Бийлигини аманлыгъын сакълавну чааларын гёре туруп, Солтанмут Акъташ оъзенни Къызыльярында, Яхсайсувну Ташгечивюнде, Къуру оъзенни орта агъымында керменлер ишлете, оланы гъарисинде мингден кем болмагъан къадарда ясавларын сакълай.

Эндирайни оър янында уллубий къушкъонмас тегенекъден къора, тёбенинде буса таш бару тургъуза. Таш баруну алды булан къазылгъан терен сенгерни ягъаларына эмен азавлар орнатылып, ичине сув толтурула. Баруну къапусуну алдына сенгерни ябып къоягъан, тарыкъда буса жыйырылып ачылагъан шынжырлы кёпүр салына.

Бийлигини тах юртун бары да якъдан арив этип онгарывгъа Солтанмут айрыча тергев бере. Ол юртну базар майданын да, тезден берли алыш-беришибилер токъттайгъан, гъали буса эсгиленген ууч кервансарайны да ярашдырта, жума межит ишлете.

Ширванда, Шемахыда, Дербентде гёргенлеринден уылгю алып, ол Эндирайде фарс гъамам, мадраса, мактап учун янгы тизив биналар тикдире. Бийликини тах юрту янгырып, янгы опуракъ гийген яшёрюмдей безене бара.

Устазы Аваби эфендини тилегине къулакъ асып, уллубий, юртну арив еринде, Акъташ оъзенни ягъасында, гъужра учун бина къурдура. Эфенди онда юртлу яшлагъа билимлер бермеге, оъзю де илму ахтарыв ишлер юрютмеге уруна. Гъужрагъа ону янына охувчулар, муталимлер булан янаша юртлу хабарчылар да, йырчылар да геле. Авабини сиптечилиги булан ачылгъан ва ишлейген охув ожакъ элни «гъакътыл хазнасына» айлана. Ариден-бериден гелип

кервансарайда токътагъан бир-бир муштарлылар, дербишлер, гъатта алимлер ва язывчулар, Аваби эфендини гъужрасына гирип, ону булан маслагъатлаша, ону гъикая ва илму китапларын охуй. Оланы бирлери Авабиге де къольязывларындан маълумат къоя.

Аваби эфендини олжасы Назлыгъа гъужрада айрыча къуллукъ тапшурулгъан. Ол шонда оъзюню багъывчу касбусун камиллешдире, юртлу къатын-къызлагъа дарман якъдан болагъан кёмегин эте. Бир-бирде оғъар уллубийни отавуна барып Чечек бийкени савлугъун тергемеге де тюше. Бийке ону арив къаршылай, абулрай. Бара-бара эки де тиштайпа жан къурдашлар болуп да къала. Чечек бийке Назлыны багъывчу касбусуна сукълана, неге десе шо саниятгъа оъзюню де яшдан берли иштагъылгъы бар. Гёксув улусунда дув табиатгъа ювукъ яшав шартларда тарбиялангъан Чечек бийке авлакъ отланы, тамурланы гъариси бир тюрлю аврувгъа дарман экенин биле.

Эндирий бийликни башы Солтанмут элинин майишат гъалын беклещидириню чарапарын гёрмесе де къутулмай. Шону англап ол сынавлу арбачылары Таштемирни де, Ташболатны да сабанчысынавун туврадан-тувра ашлыкъ оъсдюрюнню тармагъына бакъдыра. Ата да, улан да, эндирий авлакъланы се-миз топуракъларын сюрюп, арпа-будай чачып, бай тюшом алыш, уллубийни беженлерин ашлыкъдан толтура.

Бийлигини къаракъалкына да Солтанмут сабан салмагъа, гъайван сакъламагъа имканлыкъ бере, бийлик учун сабанчылардан жыйылагъян ясакъны, гъар тюрлю тёлевлени, къоду салывланы, бийге арба егив, сабан сюрюп борчланы, атолугъа этилеген оъзге тюрлю ишлени дазуландыра. Къаракъалкъ уллубийни загъматчыгъа енгиллик береген шо чарапарын ушата, ол элде адиллик, токълукъ, парахатлыкъ болсун учун, яллыкъ билмей чалышагъанны гёре ва ону якълай.



## **Ибрагым МАГЬТИБЕКОВ**



Ибрагым Магътибеков 1972-нчи йылда Буйнакски районну Атланавул юртунда тувгъан. Ата юртундагъы орта школаны тамамлагъан сонг, Буйнакскидеги чебер школаны ва Дагъыстан чебер училищени охуп битдирген.

Охуйгъан йылларында ол Ушу спорт булан машгъул болгъан. 1989-нчу йылда Дагъыстанны бирикген командасына къошуулуп, Россияны оылчевиондеги ва халкъара ярышларда ортакъылыкъ этген.

1990-нchy йылларда Буйнакски шагъарда, ата юртунда ва Магъачкъалада тренер гысапда яшланы уйретген, ушудан «Меселем» деген оызюню школасын ачып иш гёрген, судья болуп да чалышгъан.

2002-нчи йылда «Бина» деген дизайн компаниясын ачып ишлеген. 2008-нчи йылдан тутуп Москвадагъы «Арт-Дизайн» деген студияда чалышгъан. 2010-нчу йылда Дагъыстангъа къайтып, Къуръангъа охума уйретеген школа-интернат ачгъан ва шонда 2020-нchy йыл болгъанча ишлеген.

2015-нчи йылда Мамма Дибир ар-Рочини атындагъы Дин илму ва халкъара байлавлукълар институтун охуп битдирген.

2014-нчю йылдан тутуп Дагъыстандагъы ва Россиядагъы уъзориолеге кёмек этеген тюрлю-тюрлю фондларда ишлеген.

2006-нchy йылдан тутуп ата юртундагъы, сонг Магъачкъаладагъы «Ихляс» деген межитлени имамы болуп ишлеген. Бугюнлерде Буйнакски районну Буғлен юртуну межитини имамы болуп чалыша.

И. Магътибеков 2015-нчи йылдан тутуп уланы Мухтар ва иниси Жамал булан кинематография булан да машгъул. 2018-нчи йылда Александр Миттаны атындагъы киношколагъа охума тюшүп, сценарист ва продюсер касбулагъа ес болгъан. Онгъя ювукъ къысгъа чебер фильмлеге продюсерлик этген. Шо фильмлэр Россияны ва дюньяны оылчевиондеги тюрлю-тюрлю кинофестивалдарда гёрсетилген. «Сав къалмакъ» деген фильмى Тюркияны Адана шагъарында оытгерилген «Алтын кежибаш» деген халкъара кинофестивалында ва Къазан шагъарда оытгерилген бусурман фестивалында гёрсетилген.

Буссагъаттагъы вакътиде И. Магътибеков Дагъыстандагъы «PalpanFilm» ва Москвадагъы «LaternaNovaProduction» деген кинокомпанияланы къурувчусу гысапда иш гёре. И. Магътибеков бугюнлерде «Мосфильм» деген концерни кюрчюсөндө, Москвадагъы продюсерлени де къуршап, анадаш халкъына бағышланғъан «Тав айланмасы», «Операция «Тавлу»», «Тилсиз тавуш» ва шолай оызге чебер фильмлени гъазирлевде иш гёрюп тура.

И. Магътибеков – къумукъ ва орус тилде яратылгъан кёп санавдагъы шиъруланы ва хабарланы автору.

## АНАНЫ ГЁЗЬЯШЛАРЫ

Чыт къумач булан торлангъан терезеден урагъан айны ярыгъы гиччи, тунукъ уйиню сюлдюрлер гёрюнердей ярыкъ эте. Грозный караватны темир башын къырав басгъан. Шону уьстюнде буса, къалын явлукъгъа да чырмалып, телеме-тешик болгъан тонну да гийип, чорайып олтургъан бир къарт къатын. Шо зыл къарангы мююшде оъзюнью йыртыллавугъу булан, шунда яшав бар деп айтагъанлай йыртыллап турагъан эки гёз терезеге тикленген гъалда. Сий-рек буса да, Абайны авзундан чыгъагъан акъ булуңдай пус уйиде жанлы зат барны белгилей. Учюнчю белги де – Николай пачаны заманындан къалгъан къантарлы тамсагъат бу къарт къатынны къалгъан оъмюрюон оылчайген йимик тамычыдай тамып турат. Сагъат, бирден юрийгенин алышдырып, шынжырлар тартылып йиберди. Зенг урулду. Гёзлери гёrmей буса да, эки керен «тонг-тонг» деген тавушдан сонг, Абай сагъат эки болгъанны англады. Сагъат, бираз къавгъалап, къайтып Абайны пусун оылчайгендай, юрийгенин давам этди.

Бираздан сонг караватны пуржунлары гъанцыллама башлады да, Абай, аста-аста караватындан тюшюп, мачијлерине аякъларын сукъду. Караватны сувукъ темир башын оъзюнью яркычлы агъачдай къолу булан тутуп, къарангылыкъыны ичинден ёл алыш юрюдю. Сонг аста-аста терезе бар якъгъа барып, торну чангларын да тюшюре туруп ачып, оъзюнью сокъур гёзлери булангъы бетин айны ярыгъына бакъдырыды. Бираз заманлар токътап, теренден тыныш да алыш, терезени янындан тайды, тахтамекге багъып юрюдю ва шону уьстюнде олтурду. Сонг бираз солувун алыш, шону тюбюндеги къуманы булангъы легенни тартып чыгъарды. Шоссагъат жанланып, алыш йиберип, билеклерин чююрдю, сувукъ сув булан жувунма башлады. Абайны гъар этеген гъаракаты, гъар иши уллу усталыкъ булан этиле эди деп айтса да ярай эди. Йыллар булан уйренип къалгъангъа ошай, оъзу де тындырыкълы койде, мекенли ерине етишдирип, бир де эринмей уйчер-уйчер этип жувунду. Гёзю гёрген адамны пагъмусу етишмежек эди ону йимик эки янгъа бир тамчы сувну чачыратмай жувунма! Шондан сонг Абай, юн жорапларын да тартып, явлугъуна да чырмалып, тонун да гийип, къолунда леген де булан терезеге багъып юрюдю. Терезени ачып, легендеги сувну бошатды, шо сув да ерге етишгенче, буз гесеклер болуп тюшюп къалды. Къырдагъы сувукълукъ, уйдеги сувукълукъ булан бирлешип, шу гиччи уйиню ичинде ел болуп айланды. Сонг, Абай терезени япгъаны булан дамп деп токътап да къалды. Терезени ярыгъындан тайып, Абай къарангы мююшге багъып юрюдю. Шонда буччагъы чүйрүлген терини ачып, къолларын кёкюреклерине тенг этди, гёrmейген гёзлерин кёкге де бакъдырып, узакъ бир затлар шыбышлай туруп токътады. Шондан сонг: «Аллагъу акибар!» – деп де айтып, къол байлады.

Сагъатны тинк-танкыны санаву тергевсюз къалды. Зенгни артындан зенг урулду, бу къарт къатын танг къатмай туруп шо терини уьстюнден дагъы таймады. Абай танг къатгъынча узакъ заман, япыракълары тёгюлген терекни бутакъларыдай къолларын да кёкге бакъдырып гётерип, Яратгъан Есибизге ялбарып,

алгъышлар тилеп турду: оылгенлерине, таныш-билишине, къардаш-къурдашына, хасокъда жанына аявлу биргине-бир сав къалғъан ювукъ адамына – оызнюю азиз уланына.

Абайны уланы, оызге жагыллар йимик, кёп йыллар алда тахшагъаргъа рызкъысын далап эте гетген. Ва амма аракъыны башын толтурма не де гүонери етмедиими, не де наисип болмадымы – гери къайтма бети ёкъ күйде къалды. Тек, тюзюн айтма герек, алдындагъы йыл гелип, анасыны уыонде гиччирик алышынывлар этип чи гетди: эсги болгъан, агъач булан ягъылагъан печин тайдырып йиберип, орнуна газ булан ишлейген къазан салды, чыракъларын, лампабашларын ташлап, шавла береген лампалар да салып, орнунда счётик де салып, гетген эди. Тек, не этерсен, бурай къыйывсуз заманлар гелип къаляжакъыны ким биле эди дагъы? Замансыз заман, къышны чиллесинде, газлар булан токланы къайтарагъанны ким билип бола эди дагъы?

Шолай танг билинди. Минмарагъа да минип, молла къарлыкъын тавушу булан намаз чакъырды. Молла намаз чакъырып битгени булан Абай, суждагъа барып, биргине-бир азиз уланы атасындан къалғъан ожакъгъа къайтгъанны сюоп, гъакъ юрекден Есибизге тилей турду. Ону сокъур гёзлеринден къайнап чыгъагъан гёзьяшлары, териге тамып, шону ичине гъазир сингип къала эди. Шолай узакъ заман башын гётермей Абай да къалды, оызюне шонча гъасирет болгъан гүонеш, ап-акъ къарны шавлалары булан йыртыллатып, табиатны жанландырып къойду.

Къарт Абайны дуалары къабул болгъан буса ярай, арадан учь гюн гетип, ону уланы юртуна къайтды. Къар кюрелмеген абзарда сав гюн, гелегенлени къаршылап, гетегенлени узатып, башын салландыргъан күйде гече болгъунча токътады. Олар да тозулгъан сонг, инг биринчилей уйде къалғъан зыл къарангы гечесинде, йыллангъан намазлыкъыны уьстюнде де токътап, Мустапа дадайындан тезде уйренген къайдада эсинде къалғъан затлар булан амал этип, намаз къылма токъташды. Суждагъа баргъанда, мангалайы териге ябушуп къалғъан бир буз гесекге тийди. Шо буз гесекде буса бары да узакъ гечелер булан Абайы этген дуалар, алгъышлар, тилевлер жыйылып, уланыны пусу, гёзьяшы булан ирип, яшавгъа чыкъма алгъасап тургъан болгъан экен.



## *Шаирни 70 йыллығына*

---



**Жават ЗАКАВОВ**

Жават Закавов 1952-нчи йылда Буйнакск районну Тёбен Къазаныш юртунда тувгъан. Тёбен Къазаныш школаны битдиргенде, 1971-нчи йылда Дағыстан пачалық университетни филология факультетине охумагъа тюше. Университетни битдирген сонг, Буйнакск районну юртларында мualлим болуп ишлей. Школада охуйгъан йылларындан берли журналистикағы гъашық Жават 1986-нчы – 1991-нчи йылларда къумукъ тилде чыгъағъан «Ленин ёлу» газетни мухбири. 1991-нчи 1994-нчюй йылларда яшлар учун чыгъағъан «Къарчыгъа» журналда адабият къуллукъчу, 1994–2019-нчы йылларда Хумторкъали районда чыгъағъан «Сарихум» газетни баш редактору болуп ишлеген. Бугунлерде «Ёлдаш» газетни мухбири болуп чалыша.

Ол «Ай ярықъ гечелер» (2006), «Тангъя ачылгъан эшик» (2007), «Къарақъуш» (2007), «Йырны къанаты» орус тилде (2010), «Яшлыгъымны оyzени» орус тилде (2010), «Юлдузлу янгур» (2012), «Йыр дюньям» (2018) йылларда къумукъ ва орус тиллерде чыкъгъан шиъру китапланы автору.

Жават Закавов Россияны Журналистлерини ва Россияны Язывчуларыны созуну члени. Дағыстан Республиканы маданиятыны ат къазангъан къуллукъчусу.

Бу йыл Жават Закавов тувгъанлы 70 йыл тамамлана. Журналны редакциясыны ва охувчуларыны атындан Жаватны бу агъвалат булан къутлай туруп, оғъар къатты савлукъ ва яратывчулукъ ёлунда янгы уystюнлюклер ёрайбыз!

## ГЕЛЕР БИР ГЮН

«Заман гелир – халкъ кюрлюкде яшайгъян,  
Къызбайлагъа тёшек салмай тёрюнде.  
Намарт бийлер мысгъылламас, хорламас,  
Мурдар итдей чирип ятар кёрюнде.»

Йырчы Къазакъ.

Къумукъ тюзюм эркин болар,  
Топурагъым таланмас гюн,  
Бар байлыгъым халкъгъа къалар,  
Халкъ зарланмас, тарланмас гюн,  
Жагъиллерим кырып къарамас,  
Топурагъым сыйлар, сакълар,  
Гелгинчилен иш сорамас,  
Ана элин сюер, якълар,  
Инаныгъыз, гелер бир гюн  
Оъз элине халкъ ес болар.  
Ятлар юлкъар башын-тюгюн,  
Ана элден ёкъ-тас болар.  
Гелер бир гюн, яшларымны  
Яшларына къалар элим.  
Къумукъ тюзде эркин яшап,  
Тазаланар къумукъ тилим.  
Гелер шо гюн – кант этмейли,  
Сюемен деп ант этмейли,  
Миллетбашлар халкъын суюсе,  
Къыйынына бишсе, гойсе.  
Аталардан къалгъан бизге  
Ана элни къорумасакъ,  
Балагъ къобар Къумукътюзге  
Бажармасакъ болуп биз сакъ.

## ТЕПТЕРИМ... ТАЗА

Тептерим къар басгъан авлакъдай таза...  
Къавшалгъан ат йимик бараман аста.  
Къаламым къысматым къярлагъа яза.  
Юрегим талпына яшамакъ къастда.  
Аврувну алдында тобукъдан туруп,  
Къул болма къастым ёкъ. Баш урман бир де.  
Умутум зор этип, къалалар къуруп,  
Кёп илгъам аламан оъзюме Оърден.

Яшарман гъар гюнью Тенгирим берген,  
Гъёкюнме багъана болмасын йимик.  
Минг макътав яшавда яратгъан Ерге,  
Ябуша чыныкъдым алмасны йимик.  
Гёз ачып гёргенде ярыгъын тангны,  
Савумну билгенде хошлана юрек,  
Гёңгюмню къытыкълай къушланы ангы –  
Гъар инсан танглардан къуванма герек.  
Яшавну башындан тайса да бир йыл,  
Янгы йыл гелгенде умутлар тува,  
Йыл гетип, къартлыкъыга элтеген бир ёл  
Оымюрню арбасын токътавсуз къува.  
Яшавдан тоймайлыш дюньядан гетсем,  
Насипдир «йыр арбам» халкъыма етсе.

## НЕ ТАМАША ДЕВЮРДЮР

«Савбол, Россия.  
Къулланы уълкеси,  
байланы уълкеси...»  
М.Ю. Лермонтов.

Не тамаша девюрдюр биз яшайгъан,  
Бу не уълке, къуллар булан байлар бар?!  
Жагъиллеге яшав ёлун башлайгъан  
Нече тюрлю оърчюгеген ойлар бар.  
Яшлар бавда яшлар байгъа, ярлыгъа  
Айрылалар. Бай яшлагъа не де бар.  
Дюнья «чуду», баягъы, шо барлагъа,  
Мадарсызгъа, гъай эливаш, бар зат тар.  
Яшлар бавда яшлар байгъа, ярлыгъа  
Айрылгъан сонг, торайгъанда не болар?!

Ким этежек ярлыланы ярлыгъын?  
Бай тайпалар гъар-бир ишде оър алар.  
Арасейден къаравашлыкъ, къулчулукъ  
Юз алтмыш йыл алда тайгъан, ёкъ болгъан,  
Тек не этесен, бугюнде де шо къылыш  
Юргине тюзлеп ургъан окъ болгъан.  
Аталарым къан-тер тёкген, аягъан  
Уллу Ватан еси ёкъдай талангъан.  
Пакъырлагъа ер ёкъ басма аягъын,  
Гъакимлеке аркъа таяп алдангъан.  
Сен, Ватаным, къайсылайын барасан?!

Къушну йимик къанатлары майрылгъан.

Бай-бийлени, ярлыланы арасы  
Кёк де, ер де йимик йыракъ айрылгъан.  
Бир заманғы душманларынг дос этип,  
Жагъиллеринг Европагъа сыйына.  
Яш наслуну турсакъ булай тас этип,  
Айт, Арасей, ким болажакъ гъайынгда?!

## ДАГЪЫ НАСИП ГЕРЕКМИ?

Яңғы йылда явду лопа-лопа къар,  
Ирип тая ерге тюшген-тюшгени.  
Сувлу къардай ирип бара оымрюом,  
Тюшегендай емишлени бишгени.  
Тереклер де эниш ийген башларын,  
Болмайгъандай къаршы турма къышлагъа.  
Сувукъумурза ойнатып гёз-къашларын,  
Саламлаша къар ойнайгъан яшлагъа.  
Къышлар булан тарт-соз этме амал ёкъ,  
Къагъруланып этедир о къышлыгъын.  
Сюйгенимни юрегине ёл тапмай,  
Къардай ирип гетди мени яшлыгъым.  
Гел, аявлум, къыйын-тынчны бёлейик,  
Эки бёлсек, енгил болур авур юк.  
Тенгirimден айырма деп тилейик,  
Юреклеге салып бираz сабурлукъ.  
Къардай ойнап, мен къонайым аянга,  
Исси аянг иритежек юрекни.  
Эки сюйген, бир-биревню аягъан  
Сююнежек. Дагъы насип герекми?!

## КЮР КЮЛКЮНГНЮ МЕН ТЮШГЕНМЕН ТОРУНА

Кюллю дюнья пашманлықъя тюшсе де,  
Сени кюлкүнг шону къувуп ёжакъ.  
Йыллар бою къатты еллер эшсе де,  
Сени кюлкүнг къайгыланы чаяжакъ.  
Кюр кюлкүнге бошар гъатта боранлар,  
Шайтан еллер тынып, дюнья яшгъаар.  
Къар-буз тайып, къувлуп къалыр орманлар,  
Шо кюлкүнгнү гюллөр ятлар, башгъалар.  
Юрекимни къылын кюйлеп къоягъан,  
Къурч кюлкүнг бар мени гёзюм ачагъан.

Къайгъы, дертим, болмагъандай чаягъан,  
Бир кюлкюнг бар Аламгъа ниор чачагъан.  
Сени жанлы кюр сесингден къанаман,  
Шо кюлкюнгден гюч аламан яшама.  
Кюй ёкъму экен, айт, къайтара, гъай аман,  
Яшавумну сени булан башлама?!  
Гёнгюм берип, гёнгюм алма кимим бар?  
Шат кюлкюнгню тюшгенмен мен торуна.  
Балики, шо жансыз болсам, жан салар,  
Кюлкюнг болар балагълардан къорума.

## ЙЫР ЯЗМАГЪА БАШЛАЙМАН

Гюз гелген, гюнлер къысгъа, Чыкъ геле чакъда-чакъда. Тамаша юрек къыса, Пашманлыкъ бардай чакъда. Сыгъанакъ булан янгур Тереземни сыйпалай. «Эртен болгъан, тур, яш, тур!» – Деп гъайым эте алай. Сюймесем де турмагъа, Хозгъаламан, тураман... Герек ишге бармагъа... Не этерсен, гъай аман! Тез бошама гъали де, Сагъа кёп иш къарагъан. Уланынгны гъайын эт Школагъа барагъан, – Деп гюзгю ел шыбышлай Къулагъыма астаракъ. Яйылгъан лепекемни, Чачларым сыйпап, тарап. Абзарда къалгъан мишик, Ачылып къалса эшик,	Уйге гирмеге къарай, Ишылып магъа ярай. Адам йимик, мишик де, Излейдир исси ерни. Кирпи йимик буюкъган, Ушатмай гюзгю елни. Гюзню де бар англасакъ Оъзтёрче лezзети. Гюзгю еллер, янгур-чыкъ Жувагъан йимик бетинг. Янгур ява жумалап, Ел чайкъай тереклени. Алаша булут япгъан Гёнгюлсюз юреклени. Сююнме сююнч де ёкъ, Къайгъы де ёкъ къайгъырма. Къаркъарада гюч де ёкъ, Ер де ёкъ базып барма. Санымдан санталыкъны Силкип тайдырып, атып. Йыр язмагъа башлайман, Гислеримни уятып.
---	--

## МИНГ МАКЪТАВ ТЕНГИРИМЕ

«Танг яхшы болсун!» – дейсен, Иржая туруп тангдан. Тангдагъы таза гъава Гюч, къуват бере сангъа.	Тангдагъы сюзюк ойлар Ярыкъ эте юзюнгню, Тазалай гёнгюллени, Ругъландыра оъзюнгню.
---	---

Танг булан уянадыр  
Сюювюм гъасиретли.  
Тангдагъы таза хыял  
Тазалай къайгъы-дертни.

Тангдагъы гюн шавлагъа  
Яшыл отлар ланц эте.  
Тангдагъы умутлагъа  
Айт, сюйгеним, не ете?

Тангны ала чыкълары  
Табиатны чаядыр.  
Сююп, сюйдюртюп билмей  
Гетген оымюр заядыр.

Яшадым, оымюр сюрдюм,  
Гъёкюнчюм ёкъ йыллагъа.  
Сюювюмню салгъанман  
Тангда язгъан йырлагъа.

Тереземден танг ярыкъ  
Урунгъанда гёзюме,  
Минг макътавлар этемен  
Тенгирииме, тюзю, мен.

Минг макътав Тенгирииме  
Танг ярыкъгъа уятгъан.  
Насиплидир гюн яшап,  
Гече парахат ятгъан.

Насиплимен гелип сен  
Тангым къутлап гетгенге.  
Есибизге разимен  
Сени къаршы этгенге.

Насиплидир гъар адам  
Талайлы болса тангы.  
Сюйгенимден ругъланып,  
Башлайман гюнню янгы.

## ТАВУШУНГ ЭШИТСЕМ...

Тавушунг эшитсем, талгъаным тая,  
Гюн де бир айрыча бек шавла яя.  
Елсиз шып эртенни эсиме сала,  
Сав гюнюм сююнчден, къуванчдан тола.  
Ойлу, йылы сёзюнг гёнгюмню ача,  
Сюювеге умутну урлугъун чача.  
Тамаша бир гюч бар тавушда шо шып,  
Сёйлемей къойсанг сен, гетемен шашып.  
Сёйлесенг, гёремен сабурдан саркъып,  
Сувларда юзеген акъ къувну къалкъып,  
Чалына къулякъыгъа анамны гъайлы  
Сёзлери, гъалымны билмеге сююп.  
Гёремен кёк юзюн юлдузлу, айлы,  
Шып гечелени де турагъан уюп.  
Тавушунг, ойзендей шарыллап агъа,  
Шо тавуш ругъ бере йыр язма магъа.

## **КЪОЙ, ГЁНГЮЛЮМ САВ ДЮНЬЯНЫ ГЬАВЛАСЫН**

Тюбю тешик черме йимик гёнгюлюм...  
Сююнчлерим бири къалмай бошагъан.  
Абзар алда орнатылгъан гёк гюлюм  
Не себепден гёзюн юмгъан, тавшалгъан?  
Гёнгюм ачма гёзелим ёкъ янымда,  
Умутларсыз тува, къата гёк танглар.  
Жаным чыкъма турагъандай санымдан,  
Мени гъалым ким билежек, ким англар?!

Бир сююнчюм – оылме къоймай сакълайгъан  
Уланым бар – Асхар тавум, умутум.  
Дагъы гиши болмас мени якълайгъан  
Къыйынлы гюн. Кёплер битген унутуп.  
Гёкшумал гюз яя нюрюн, шавласын...  
Язбаш йимик исси, йылы эртени.  
Къой, гёнгюлюм сав дюньяны гъавласын,  
Енгер йимик ичимдеги дертлени.



## **Хамисат ХИЗРИЕВА**



## **ДАИМ БИРЧЕСИЗ**

Гёргесем де сизин хыйлы,  
Суратыгъыз тёрде сыйлы,  
Сёйлейгендей йылы-йылы,  
Жыя эсимни.

Мен гичи күш бала эдим,  
Сизден сюонч ала эдим,  
Бал ютгъандай бола эдим,  
Насипли эдим.

Акъ күшлардай учуп гетип,  
Ахыратгъа чакъсыз етип,  
Яшларыгъыз етим этип,  
Къайгъы тирелди.  
Ёлларымны йырагъысыз,  
Женнетлени чырагъысыз,  
Атам, анам, о дюньягъыз  
Аллагъ онгарсын.

## **ТЮШЛЕРИМДЕ САМА ЯША, АЯВЛУМ**

Айрылывну отун магъа иширдинг,  
Ареклерде къюоп, баврум бишердинг,  
Турмас йимик тизлеримден чёкдюрдюнг,  
Тынмас йимик зарлы гёзьяш тёкдюрдюнг.

Тюшлериме гел, аявлум, тилеймен,  
Тюшлеримде сюонемен, кюлеймен,

Гёзюм ачсам, гетежегинг билемен,  
Гетме мени тюшлеримден, тилеймен.

Тюлде йимик тюшлериме етесен,  
Гёрюнмесенг, магъа кыйын этесен.  
Талчыкълы гюн болуп аркъа таявум,  
Тюшлеримде сама яша, аявлум.

## АНА ТИЛИМ

Ана тилим, азиз тилим,  
Илмуланы кёпюрө.  
Оызгелердей айланмайсан  
Бугъа йимик ойкюрөп

Йылы елдей йымышакъсан,  
Сюзюк сувдай тазасан.  
Эл арада абурлусан,  
Баздырасан, базасан.

Анабызын увузудай,  
Къаныбызгъа батгъансан,  
Къуннакълангъан яшны йимик,  
Бешигимде ятгъансан.

Ана тилим, сеслерингде  
Бёлелейни йыры бар,  
Накъышлангъан сёзлерингде  
Ананы минг сыры бар.

Ана тилим, нюр себелей  
Иссилигинг, ярыгъынг,  
Ана тилим анам йимик  
Яшавумну тарыгъы.

Ана тилим – Асхар тавум,  
Умутумну къулагъы,  
Гъеч заманда къурумажакъ  
Мени Кавсар булагъым.

Татывлусан, тузу, бурчу  
Ярашынгъан аш йимик,  
Эркелеймен къучагъынгда,  
Анасына яш йимик.

Ана тилим, бал кюмесинг  
Узатасан толтуруп,  
Бал пайтайсан табиатны  
Тизлеринде олтуруп.

Тышпачалыкъ тилде сёйлеп,  
Ана тилден кюсмейик.  
Ругъ байлыкъдан айрылмайыкъ,  
Тахларындан тюшмейик.

Ана тилде сёйлеп билмек –  
Ана тилге къуллукъ, бил.  
Ана тилде сёйле, къулум,  
Акъсамасын къумукъ тил!

## АМАЛЛАРЫМ

Амалларым – юрегимни яшмыны,  
Ярыгъына тынышым генг алына.  
Амалларым – сюювюмню ташгъыны,  
Чомуламан сююнчюмню балына.

Амалларым, жаным йимик аявлу,  
Дарман болуп етишелер ярагъа.  
Авур гюнюм болуп аркъа таявум,  
Сююнч къатыш болуп чыгъа арагъа.

Амаллар – о уллу наисип билгенге,  
Къулач яйып къаршылама бараман.  
Амалларым жыйылышип гелгенде,  
Дюньяланы еси йимик боламан.

Гайранлыгъы, гёзеллиги кююмню,  
Амалланы сюювюндөн алгъандыр.  
Амаллагъа бакъган уллу сюювню,  
Кызыашлагъа ата-ана салгъандыр.

Сёзлеримни айландырып йырлагъа,  
Йырларымда амалларым алгъышлап,  
Бир токътамай йырлар эдим олагъа,  
Инг де арив йырларымны багъышлап.

## СЮЮВ

Сююв, неге гёзяш болуп агъасан?  
Гёзяшынгда кириңгенмен, юзгенмен.  
Сююв, сен чи уллу оьгей анасан,  
Нече-нече умутларым уъзгенсен.

Бир герtinge кьюшуп, булгъап юз ялгъан,  
Къайгъыланы агъуларын ютдурдунг.  
Къолларымса сагъа багъып узалгъан,  
Кызыгъанмайлышты кызыгъан темир тутдурдунг.

Нече-нече мени кёкге бозартдынг,  
Нече керен тиiletтирдинг Тенгирден?  
Чишлик этип оьпге-баврум кызызартдынг,  
Тек юрегим болма ярай темирден.

Пегъливанчы болгъанман ток телингде,  
Тюшмесе де башымдагъы бир тюгюм.  
Неге тюгюл юрегимни тёрюнде,  
Болма ярай шаирликни бюртюгю.

## ТЕК МАГЬА СЕНСИЗ.... .

Бир гюн гюмез кёк къарапып къалды,  
Айлана якъыны буулутлар алды.  
Яшмын яшнады, ялын ташлады,  
Хапарсыздан буз явма башлады.

Терек чайкъалды, батылды терге,  
Къуш бала бирден йыгъылды ерге.  
Гюллери тюшген терек тырнала,  
Къуш учуп болмай, ерде къыйнала.

... Магъа да шолай яшмын яшнады,  
Терекдей боюм къуруп башлады.  
Ялгъан сёзлеге юрегим бишген,  
Языкъман, къушдай терекден тюшген.

Гюл терекге чи мен тез етермен,  
Къайтып яшнама кёмек этермен.  
Языкъ къушну да, сыйпап аларман,  
Къуш уясына элтип саларман.


Буулутлар тайып, гюн чыгъар бирден,  
Гюл ийис яяр тереклер ерде.  
Къуш, къанатланып, кёклеге етер,  
Тек магъа сенсиз ким кёмек этер?



# **Драматургия**

---

**Чингиз АЙТМАТОВ**



## **ГЁБЕК ИТ**

Чингиз Айтматовнұ «Денгиз бойлап чаба Гёбек ит ...» деген повестине ғёре, кысыгъартылып бериле).

... тюпсөз учурумну устьюнде – къарангылықъ, сувну устью булан Аллагыны Ругъу гезей.

**Бириңчи баш.**

**Бириңчи сурат.**

Къарангылықъ. Къарангылықъда шыбышлайгъан тавушлар эшитиле. Олар Сувана къавумну къатынлары. Къатынлар оyzлени эренлерине аманлықъ тилемелер.

**Къатынланы тилемеві:**

Рагъмулу Ругълар, бизин эренлерибизни яман ругълардан – кирлдерден сакълагызы! Эренлеге денгиз булан яшлайын къатнама тюше. Уланларыбыз аталары булан гъавгъа бирче чыкъса, яман ругълар къазаплана, олагъа бир ба-лагъ къопдурма къарай. Бирине бир къыйын гелтирип, биревюсөн – дагыы бир де не сувгъа, не агъачгъа гирмесге ант этдире. Олар бек оьчлю, адамлагъа яманлықъ этме күй излеп айлана.

Рагъмулу Ругълар! Бизин эренлерибизни яман ругъланы – кирлени жа-засындан арек этигиз!

**Ананы тилемегі:**

Рагъмулу Ругълар! Бугюн мени балам – уланым Кириск Окъчу къавумну айтылгъан гъавчулары булан денгизге бириңчилей чыгъа. Ол гъали де яш. Ону адашдырма, гёнгюлсөз этме бир зат да тюгюл. Ол оьсюп, аякъга ту-руп битсе чи, яман ругълар – кирлер оғъар бир кар этип де болмажакъ эди. Гючлюлерден олар къоркъя.

Ер юзүндө денгизде гъав этмекден къыйын ва къоркъунчлу бир зат да ёкъдур. «Гъактыл башдан, бажарывлулукъ яшдан!» – деп, бырынгылар тегин айтмагъан. «Далапсыз – тухумгъа юк», – деп де айтыла. О буса: «Эргиши да-лапчылықъга гиччиден уйренме тарыкъ!» – демек.

Рагъмулу Ругълар! Эмрайин ва Кириск – ата ва улан гъавгъа бирче чыкъгъанны кинрлер билмесин, тилеймен сизге! Къой олар, Кириск гъали де гиччи, авзундан сариси де таймагъан деп турсун! Ондан не болажагъы гъали де белгисиз, амма гележекни ким айтып бола?! Балики, гъавчулар, къарт да болгъанбыз деп, гъавчулукъну къоюп да къояр. Балики, тухумну аркъя таяву, азық табывчусу Кириск болар! Шолай болма да герек чи! Болуп да гелген. Наслудан наслугъя!

Берекетли Топуракъ! Къудратлы Сув! Тилеймен сизге балам Кирисге кёмекчи болугъуз! Къой, ол айтылгъан гъавчу болсун! Гъавда тюшген азыкъны уллугъя да, яшгъя да тенг пайламагъа огъар насып болсун...

*Музлукъ чабып чыгъя.*

**Музлукъ.** Кириск къайда? Гетдими денгизге?

**Анасы** (*къатты буварып*). Сен не сёйлейсен, Музлукъ? Ол агъачгъа гетгенни сен билмеймисен?

**Музлукъ.** Агъачгъа?

**Анасы** (*шыбышилап*). Эренлер денгизге чыгъагъанда, гъар заман шолай деп айт, къызым ... (*бек къычырып*). Гъей, Кириск, агъачланы къуруларын алма къара! Сакъ бол, агъачлыкъда адашып къалма!

**Музлукъ.** Кёп агъач гелтири ... тез къайтмагъа къара!

**Анасы.** Тюз айтасан, Музлукъ!

**Музлукъ.** Ол агъачдан къайтгъан сонг...

**Анасы** (*хыяллы күйде*)... Сонг болажакъ байрам! Уллу отлар ягъажакъбыз... Берекетли денгизни алгъышлап, йырлар айтажакъбыз... къоркъув билмей, гъав етеген, бизин Окъчу тухумну эревиоллери Оргъанны макътап, мени уягълюм – Эмрайинни ва иниси Мылгъунну эсерип... Олар уйретежек Кирискни... Сувананы къавумун артдырагъан, варислерине варислер къошагъан күйлек...

*Гетелер. Теплер тююле. Шаман теби.*

Не ерлерде юзесен сен, Сувана?

Сени къайнар къанынгдан ярала яшав,

Сени къайнар къанынгдан яралгъанбыз бу дерияда!

Сени исси къарнынг – лап тизив ер дюнъяда!

Не ерлерде юзесен сен, Сувана?

Сени акъ кёкреклеринг – нерпаланы<sup>1</sup> башлары йимик,

Сени акъ кёкреклеринг – эмдирген бизин денгиз ягъада.

Не ерлерде юзесен сен, Сувана?

Сагъа багъып юзер бугюн лап гючлю эрен,

Къарнынг сени чечек ачсын деп бюрден,

Къавумунг сени артсын деп ерде...

**Экинчи сурат.**

Сагънагъа къайыкъыны алып уыч эргиши чыгъя: Оргъан, Эмрайин, Мылгъун. Кириск чабып геле.

**Мылгъун.** Бугъар къара сен! Биз чи сен уйде янтая, – деп тура эдик. Къолунгдан да тутуп, сени уйте элтген, – деп ойлаша эдик.

---

<sup>1</sup> Нерпа – тюйленни бир журасы.

**Кириск.** Не эте! Гиччи бебейменми мен, къолумдан тутуп элтме?

**Мылгъун.** Я, масхара этемен! Бир-биревге тогъушмайлы, ялкып ойле-йикми?!

*Оргъан денгизге къарай. Эренлер юклерин ерлешдире. Кириск Оргъанны янына геле.*

**Оргъан.** Гече юхламадынгмы?

*Кириск башын силлей.*

**Оргъан.** Мен де гёз юммай, танг къатдырдым... Денгизни урувундан ерлер къартыллай эди, эшитдингми?

**Кириск.** Эшитдим... толкъунлар бир яман ойкюре эди... къачан токътай экен...

**Оргъан.** Да-а-а... Алдын бары зат башгъача болгъан. Шо Лувр ойрдек болмагъан буса, дюньябыз бүс-бүтүн башгъа болажакъ эди – ерлер сувгъа къаршы, сувлар ерге къаршы давламажакъ эди. О заманларда табиатда къуру ер болма да болмагъан... Янгыз сув болгъан.

**Кириск.** Янгыз сув?

**Оргъан.** Дюр.

**Кириск.** О не ойрдектир Лувр деген?

**Оргъан.** Бакъ-бакъ – генг танаву булангъы къыр ойрдек! Гъали де уча бола уьстюбюз булан сирив-сирив болуп. О заманларда шо Лувр ойрдек сав дюньяда йымырткъасын салма къуру ер табып болмай, яп-янгыз уча болгъан.

**Кириск.** Ойрдекге уя тикмеге не от, не къамуш сама болмагъанмы?

**Оргъан** (*башын чайкъай*). Айлана якъ сув, арты-алды ёкъ дерия – денгиз... Лувр ойрдек йымырткъасы сувгъа тюшүп къалардан къоркъуп, къычыра туруп, сувну уьстю булан уча ... Шо заманда ойрдек, сувгъа къонуп, олтура – тёшюндөн къанатларын юлкъуп, къувун тёшеп, сувну уьстюнде уя тиге. Гъона, шо сувну уьстюнде къалкъыйгъан уядан таба, дюньяда ер яратылма башлай. Шондан берли сув – ерге, ер буса – сувгъа къаршы ябуша. Адамгъа сувну да, ерни де арасында къалма тынч тюгюл.

**Кириск.** Неге?

**Оргъан.** Неге тюгюл де денгиз адамланы топуракъгъа байлангъаны саялы сюймей. Сен сюемисен бизин геме тёбебизни?

**Кириск.** Сюемен...

**Оргъан.** Гёбек итни тёбеси деп огъар негер айтагъанны билемисен?

**Кириск.** Ону ким де биле. Шо лап бийик тёбени аты шолай экенге! Гертиденде, о Гёбек итге ойтесиз ошай, ойзу де денгизни бою булан чабагъан йимик... Денгизни ичинде кёп йыракъдан да гёрюне.

**Оргъан.** Токъта, токъта.... Сен къайдан билесен ону? Сен чи денгизде бир де болмагъансан?

**Кириск.** Атам айтып билемен. Мен ойзум де сюемен Гёбек итни тёбесин, ону бийклигин сюемен! Ону лап башына чыгъып, денгизге къарамагъа, онда ойсеген емишлени жыймагъа сюемен. Суву тиш чартлата, айрыча татывлу.

**Оргъан.** Дюр-дюр... Тербенейик!

*Денгизге чыгъалар.*

*Денгиз тыныши ала. Сув да, къуру да бир бирине къайнар койде урунгъанда, сувукъ пулслар, тютюн йимик, бурула туруп юрой. Денгиз ойкюре, дувлай. Гёбек итни тёбеси буса яшии бийикде, гертиден де, ариден*

*къарагъанда, денгиз бойлап чабагъан итни эсге сала. Гёбек ит ерлешиген ер, денгизни теренинден де, агъачлыкъны къалынындан да, къолну аясында ийник, ачыкъ гёрюне. Шундан таба танг ярыкъда гиччи къайыкъ денгизге чыгъа.*

Эмрайин ва Мылгъун кюсмен чала, къалакъланы экиси де бир оылчевде юрюте. Атасы, заманда бир, уланына багъып, «Гыы, нечикдир дагызы?» – дегенлей, сакъал тюбюндөн къарап, иржая. Къарт Оргъан буса, сёнген юллесин де соруп, олтургъан. Гёбек ит бирден гёрюнмейген болду, барысы да жанланып ийберди.

**Эмрайин.** Гёбек ит уюне гетди!

**Мылгъун.** Гетди, гетди!

**Эмрайин.** Кириск, сен эс этдингми? Биз юзебиз – Гёбек ит буса денгизни бою булан чаба.

**Мылгъун.** Къачан къарасант, Гёбек ит гёз алдынгда бола. Сонг бирден ёкъ болуп къала. Буса, Гёбек ит уюне къайтгъан. Ер буса бизден хыйлы ариде къалгъан...

**Оргъан.** Шолаймы экен? Къайтгъанга ошай. Шолай буса, ишлер арив бара. Гъей, Кириск, Гёбек итте бери къайт деп къычырма сюймеймисен, балики, къайтып да къалар?

*Барысы да кюлей, Кириск де кюлей.*

**Кириск.** Буса, къайыкъны артгъа бурма тюшежек – сонг къайтажакъ!

**Оргъан.** Алгъасайгъангъа ошайсан! Ишге урунайыкъ. Таман къарагъанынг. Къарагъан булан денгиз битеген зат тюгюл. Къоркъуп сама турмаймысан? Башлап бир тири гёрюне эдинг ...

**Кириск.** Ёкъ, Окъчум, къоркъмайман! Къоркъма не бар мунда?

**Оргъан.** Денгизге биринчилей чыгъасан.

**Кириск.** Эсиме де гелмей.

**Оргъан.** Мен буса, биринчи гезик, тюзюн айтайым, бек къоркъган эдим. Къарайман: сувдан ягъалар гёрюнмей. Айлана якъ толкъунлардан толгъан. Уйге къайтмагъа сюемен... Сора олагъа – Эмрайинге, Мылгъунгъа, нечик эди олагъа?

*Олар жавап орнуна, кюсмен чала турup, башын силлеп, иржаялар.*

**Кириск.** Мен буса къоркъмайман!

**Оргъан.** Гючлю яшсан сен! Айт гъали, Гёбек ит къайсы янда къалды?

**Кириск.** Шо янда!

**Оргъан.** Мекенлими? Къолунг чу къартыллай.

*Къолуну къартыллайгъанын еңме къарап, яши бираз онгъяп багъып гёрсетди.*

**Кириск.** Гъона, шонда!

**Оргъан.** Гъали тюз гёрсетдинг! Эгер къайыкъ бурну булан токътаса, Гёбек ит къайсы янда болажакъ?

**Кириск.** Шонда!

**Оргъан.** Ел бизин о якъгъа буруп къойса?

**Кириск.** О янда!

**Оргъан.** Яхшы, айт гъали, гёзлеринге бир зат да гёрюнмей, айлана янынгда сувдан къайры зат гёрюнмей буса, не этежексен?

**Кириск.** Мени гёзлерим гёре...

**Оргъян.** Къайсы гёзлеринг?

**Кириск.** Не билейим, къайсы экенни. Балики, олар мени къурсагъымда-  
дыр, гёрюнмей буса да, гёредир.

*Бары да кюлейлер.*

**Оргъян.** О да тюз. Бола олай гёзлер. Амма олар къурсакъда болмай.

**Кириск.** Меники буса къурсакъда.

**Оргъян.** Дюр, дюр, яхши гёргенге ошай къурсагъынгдагъы гёзлеринг...

Олай буса, Гёбек ит бизин гъавну уйде турагъан кюйде юрюте. Бизин арты-  
быз булан чабып турған буса, ол батылып къалмасмы эди?

**Кириск.** Озокъда!

**Оргъян.** Гёбек ит бизге не учун тарыкъ, билемисен? Уйде де къалып, би-  
зин уйлеребизни сакълагъаны ва биз гъав этеген ерге, адашмайлыш итишмек  
учун тарыкъ. Дагъы тарыкъмы бизге Гёбек ит, тюгюлмю?

**Кириск.** Тюгюл! Гъали биз къайсылай юзме герекни овзюбюз де гёребиз.

**Оргъян.** Яхши ойлашсанг? Алгъасама гъали ...

**Кириск.** Гъали шунда Гёбек ит негер тарыкъдыр?

**Оргъян.** Негер тарыкъдыр? Уйге нечик къайтажакъсан? Къайсылай юзе-  
жексен? Къайсы якъыга? Англаймысан? Етишгендокъ, эсде сакълама къара –  
атав Гёбек итте не яны булан бакъган – сонг билежексен, къайтывда къайсы  
ёлну танглама герек ва не вакъти чыкъма тюшегенни.

**Кириск.** Къарангы буса? Гече геч бусакъ денгизде? Бир зат да гёрюнмей  
буса? Гы? Сонг нечик билме герек Гёбек ит не ерде экенни, къайсы янда экен-  
ни? Гы? Айт!

**Оргъян.** Шо заманда да билме бола! Шо саялы да юлдузлар бар! Юл-  
дузлар тюз ёлну гёrsетежек! Эгер де къайсы юлдуз къайда экенни мекенли  
били бусанг. Уйренерсен, заман бар гъали де. Сен Лувр оърдекни уълкерин  
билемисен?

**Кириск.** Билемен деп тураман...

**Эмрайин.** Аз-маз биле, мен огъар гёrsетгенмен. О азлыкъ эте. Дагъы да  
уйренме герек...

*Бары да тынып токътагъан.*

**Кириск** (*овзюне*). Денгиз... Денгиз... Гёбек итни тёбесинде, мен чабып  
ойнайгъанда гёрген денгиз тюгюлсен ... Сен башгъасан... Янгыз сув... терен  
ва къарангы... янгыз акъ булутлардан толгъан кёк... дагъы бир зат да ёкъ  
сувдан къайры, не къыш, не яз, не орманлар...

Гёбек ит къайсы янда экенни эсде сакълама герек, дагъы да эсде сакълама  
герек ел къайсы яндан эшегенни, тёбеге гюн къайсы яндан бағыагъаны, булут-  
ланы да унутма тюшмей, тас этмес учун ёлну... элтеген уйге... анама, гиччи  
къызырдашым Псулкъа... оьсюп гелеген гиччи Музлукъа...

### **Учциончю сурат.**

*Анасы, Псулк ва Музлукъ опуракъ тигелер.*

**Анасы.** Бурун заманларда, гъалиден кёп алда, денгиз ягъада яшайгъан учь  
агъа-ини болгъан. Уллусу бек югюрюк, бары ерге етишеген, чалт яш болгъан.  
Ол къубагийик гишини къызы булан уйлене ва бары къубагийик табунланы  
есси болуп, тундрагъа гёче. Гиччиси буса гызы алыш юройген ва бек тюз

урагъан окъчу болгъан. Ол да оъзюне агъач есисини къызын алыш, гъавчу болуп, тайгагъа гете.

**Музлукъ. Органчысы?**

**Анасы.** Органчысы буса – акъсакъ болгъан. Не чабып, не гызы алыш, не окъ атып бажармайгъангъа, бирев де огъар, къатын этип, къызын бермей болгъан. Агъасы да, иниси де муун гёммек денгизни ягъасында, яп-янгыз да къюоп, гетгенлер. Ол буса, балыкъ тутуп, шону булан яшавлукъ эте болгъан.

**Псулк. Языкъ...**

**Анасы.** Бир гюн ол денгизге тор да ташлап, олтуруп турагъанда, ону торунда бир жан тырпиллап йибере. Къарай – гъайран болуп къала! Торда – Сувана! Аривлюгюн айтып битдирме къыйын! Къаркъарасы – гюмюшден къуюлгъандай къувлуй, тёшю – къар йимик ап-акъ, гёзлери – оттадай яна, учгъунлар чача. Улан Сувананы тордан чыгъарып, гётерип ала. Сувана, гюмюш къанатлардай къувлуйгъан къоллары булан уланны бойнун къучакълай... Къучакълашгъан күйде, къайыкъда авуп да къалалар... Шо заман ол, оъзюню къайыгъы, кёклеге атылып, денгизни толкъунларына урунуп, чайкъала деп ойлаша ... Сонг, толпан сейир болгъанда, Сувана къайыкъдан атылып, денгизге тюшюп, юзюп гете. Улан огъар: «Гетме, Сувана, къайт!» – деп ялбара, ол буса сесленмеген күйде, денгизни теренине сингип, ёкъ болуп къала.

**Псулк. Толпан да ёкъда къайыкъ неге олай чайкъала эди?**

**Анасы.** Бар эди толпан... бар эди... Шо толпан оланы ичинде эди... Оысгенде, оъзюнг де англарсан... Гече де, гюн де ол, гёзюндөн гёзьяш тёгюп: «Къайт да, Сувана! Къайтмай бусанг, ариден сама бир гёрюн дагы!» – деп, ялбара туруп, денгизни бою булан, сарнай юрой:

**Не ерлерде юзесен сен, Сувана?**

Денгизни суву артылагъанда да, денгизни суву тартылагъанда да, юрой, сарнай:

**Не ерлерде юзесен сен, Сувана?**

Ай ярыкълы гечелер де юрой, сарнай:

Денгиз – мени сагъынчым,

Денгиз – мени гёзьяшым...

Ер – мени янгыз башым!

Къарангы гечелер де юрой, сарнай:

Не ерлерде юзесен сен, Сувана?

Сув артылагъанда да юрой, сарнай,

Сув тартылагъанда да юрой, сарнай...

**Музлукъ. Сонг не болду?**

**Анасы.** Яйны бир яллав гюнүнде, Сувана гёрюнмесми экен деп, денгизге бозаргъан күйде, улан ягъа булан юрой. Бирден йылайгъан яшны тавушу чалына, ол тавушгъа багъып чаба. Яп-ялангъач сабий... сувну сайында да олтуруп: «Кимдир мени атам?», «Къайда мени атам? – деп йылай. Сабий ону гёргендокъ: «Атам! Мени аявлу атам! Ал мени къолунга, мен сени уланынгман», – деп, атасына гиччи къолларын узата. Ол, баласын алыш, бавруна баса...

Улан тез оъсе, уллу бола. Гъавгъа юроп башлай. Айланагъа белгили бола: къатты улан, далаплы улан, къоччакъ улан! – деп, аты данггъа чыгъа. Уланы бес абурулап, огъар агъач къавумну адамлары оъзлени аривлюкге айтыл-

гъан биргине - бир къызын берелер. Яшлар да тува. Шолайлыкъда, Сувананы къавуму артма баштай. Шондан берли байрамларда шо йыр йырлана:

Не ерлерде юзесен сен, Сувана?

Сени къайнар къанынгдан ярала яшав...

Сени къайнар къанынгдан яралгъанбыз бу дерияда!

Сени исси къарнынг – лап арив ер дюньяда!

Не ерлерде юзесен сен, Сувана?

Сени акъ кёкреклеринг – нерпаланы башлары йимик...

Сени акъ кёкреклеринг – эмдирген бизин денгиз ягъада.

Не ерлерде юзесен сен, Сувана?

Сагъа багъып юзе бугюн лап гючлю эрен,

Къарнынг сени чечек ачсын деп бюрден,

Къавумунг сени артсын деп ерде...

*Къарангылыкъ. Сувана чыгъа. Гъайран гёzel. Ол овзюне тарта, овзюне чакъыра.*

**Дёртюнчу сурат.**

*Денгиз. Толкъулар. Къайыкъ. Оргъаны Сувана булангъы биринчи эсделеклери.*

**Оргъан.** Сувана... Мени къуванчым, мени талчыгъым... дюньяларда чек-ген мени азабым... Юрекни лап яшыргъын сырларын англама къарадым – инсанны гъакъылы англатып болмайгъан, тюшлерибизде гёрюнеген, жанынг къыйнайгъан гёрюнющлер булангъы, гёрюнмейген байлавну сырын ачма, англама къарадым ... болмадым. Ва дайм де шо тюшлени къайтып-къайтып гёрмеге сюемен... гъасиретликден гъалсыз болуп, сени сагъынып оыле туруп, Сувана, сени булангъы къайнар ёлугъувну гёзлеймен.

Сувана... Сагъа гъасиретимден, Сени гъайран сиювюнгню яныувун сез-мек учун, лап гючлю юзеген хортмагъа айланып, денгизлени теренине чо-мулар эдим... Сен буса, балыкъ кебингни ташлап, гъайран гёzel къатынгъа айланажакъсан... Биз, бир-биревге, тие-тиймей юзе, бир-бирде бир-бирибиз-ге енгил уруна туруп, янаша юзежекбиз... Янгыз биз экев ва уллу денгиз... Экибиз де, яшав овзюндөн башланагъан ва овзю булан битеген татлиликтин татывун сезе туруп, даймге бир-бирибизге сингип къалажакъбыз...

**Кириск.** Окъчум! Окъчум! Уян! Эмрайин, Мылгъун! Атавгъа етишдик! Гъона – Гиччи Эмчек!

**Оргъан.** Не атав? Болма күй ёкъ...

*Туман геле. Гъавчулар бу не экенни англап болмай.*

**Оргъан.** Ёкъ, бу атав тюгюл. Гиччи Эмчекге гъали де хыйлы юзме герек. О – биревю ягъада. Атавгъа ошамай деп турман, атав болма күй ёкъ.

**Мылгун.** Булай атав бу сувларда бир заманда да болмагъан, биз гёрген зат тюгюл. Гиччи Эмчек буса сол янда, бу не зат экенни мен чи билмеймен.

**Эмрайин.** Туман сама тюгюлмю? Не де булутму экен? Балики, толкъун-дур? Толкъун буса, неге тербенмей дагъы?

**Оргъан.** Шосу бар чы да, не зат экени белгисиз? Туманмы, булутму, ким биле ону, мундан къарап? Тек атав тюгюл. Туман буса чы, суюнме зат ёкъ.

**Эмрайин.** Къайырмас, ел алышынмай турса, шодур. Не зат буса да, тер-бенмей, къатып чы тура. Бизге о якъда этме зат ёкъ, турсун шо еринде.

*Юзюв узатыла.*

**Эмрайин.** Муна, Гиччи Эмчек! Гёремисен, Кириск?

**Кириск.** Гёремен! Гиччинев зат, туташ ташлыкъ, не ошай эмчекге!

*Эркеклер кюлей.*

**Оргъан.** Юзейикми... Ташланы арасындан оланы ятывун тапма уйрен.

Дагыы ёгъесе, сенден герти гъавчу болмажакъ.

Кириск тергевлю къарай. Мылгъун ва Эмрайин шо заманны ичинде кюсмен чала.

**Оргъан.** Гыы, гёрдюнгмю сен?

**Кириск.** Гёргедим...

**Мылгъун.** Гъона шовву итти ташны гёремисен, сынгъан тишге ошайгъан, шогъар ювукъда къызыгъылт бузлавну гёремисен, шоланы ортасына къара!

**Кириск.** Гёрдюм! Гёрдюм!

*Мундан къарагъанда, Кириск денгиз йыртгъычланы сыртларын гёре – зор къаркъарапы, тюклио къуйрукълу йыртгъычлар тербенмейли ята. Ариден оланы уллу ташлардан айырмагъа къыйын.*

*Шо мюгълетден уруп яшни гъалеклик еледи. Башлана тура – муна герти денгиз йыргычлар! Муна – уллу гъав!*

*Эмрайин, Мылгъун ва Кириск денгиз йыргычланы ятывuna онгарыла. Яшина турup, гёрюнмейли, олагъа багъып тербенелер. Кириск, олардан артда къалмагъан күйде юрой, юргеги гъалек урагъанны ва овзюн ойкемлик булан гъалеклик къуршайгъанны сезе башлады.*

*Олар, йыртгъычланы ятывuna ёлун узата турup, сюйкеле, авур тыныши ала, къаркъарасындан тер ағыза турup, о янгъа, бу янгъа тергевлю къарагъан күйде, юрой. Гъав башлама онгайлы ерге етишип, арив ерлешип, тынып токътадылар.*

**Кириск.** Тийме сама тийгей эди! Тийгей эди!

**Эмрайин.** Ур!

Кириск гёзлеп урду, тиймеди.

**Эмрайин.** Дагыы да ур! Тез бол!

Кириск бираз долана къалды. Мылгъун, бу онгайсызлыкъыны тозлей турup, эки керен урду. Гъавчулар яралы нерпагъа багъып чапдылар.

**Мылгъун.** Къайырмас, сени уьстюнлюклеринг гъали де алда. Орта эмчекке юзежекбиз, онда гёрерсен нерпаланы уясын!

**Кириск.** Бираз алгъасадым...

**Эмрайин.** Огъар сен къыйналма. Бир ургъандокъ, гъавчу болуп къалмай. Атышып боласан, азыкъ сенден къачмажакъ, Кириск!

*Эмрайин къайыкъыга Оргъанны янына юрюдю.*

**Кириск.** Сувуп да битмеген, исси күйде...

**Мылгъун.** Адамлар биз гелтиреген азыкъыга къарагъан, нерпаланы эти, майы болмаса, яшавлукъ этме къыйын... Майы да арив, дёрт бармакъыны къаялынлыгъында. Яман болмады!

*Эмрайин къайтды, ону бир зат чы къыйнай. Ону булан Оргъан да бар.*

**Эмрайин.** Алгъасама герек! Чакъны ушатмай турман!

**Оргъан.** Биз рази экенни Курунг эшитсин! Башы яман башланмады!

*Оргъан олтуруп, нерпаны бавурун гесеклер этип туврады. Бираз туз да себелеп, гъавчулар бавурну бал татышып, ашап иибердилер...*

**Мылгъун.** Исси-иссилей нече де арив де бола татыву. Юрек тутажакъ...

**Оргъан.** Чий бавурну Кириск герти эргиши йимик ашай! Ютуп йибер, кёп ютма къара! Гече сувукъ болажакъ, ушюмеклик бар. Бавур буса къаркъарада иссиликни сакълай. Бары аврувгъя – эм де дюр оъзю.

**Эмрайин.** Кёп ашап къойдуқъ, шоссагъат сувсал да болдуқъ.

**Оргъан.** Орта эмчекге етишгенде, чайны иситербиз, сувну къюоп туралыкъ. Тербенейик. (*нерпаны юрегинден бир гесекни гесип*) Савбол, атавну еси-си – Курунг! Сен де багъышла бизин, нерпа!

**Бары да къайыкъында мине. Юзелер.**

**Оргъан.** Бирараздан Орта эмчек гёрюнежек.

**Кириск.** Окъчум! Сув сюемен!

**Оргъан.** Онча бавур да ашап, сув сюймейми? Биз барыбыз да сув сюебиз, шолай тюгюлмю?

*Эмрайин ва Мылгъун дюр дегенлей, жавап гысапда, башын силлей.*

**Оргъан.** Буса, бирараз сувлар да ичип, сонг тютюн де чыгъарарабыз...

*Оргъан, сувну чоргъадан сюзюп чыгъарып, багъыр чомучға тёгюп онгара.*

**Оргъан.** Ма, ич! Сонг къалгъанлагъя да берерсен! Тёкмей ич! (*Кириск иче*) Мадар болдуму? Гёзлеринг айтып тура болмагъанны! Бирараз къуйым дагы да. Бавур – гючлю зат! Ягъада болгъан бусакъ, челең булан исенг де къайыр-мажакъ эдим!

**Кириск.** Огъ, къандым ичип!

*Сонг кюсменчилеге къуйду. Кириск сув булангъы чомучну гъарисине оъзю элтип бере. Бу экев чю чомучну шоссагъат тюбюн чыгъарды, дагъы да къуйма да тюшдио.*

**Оргъан.** Сен гъали де гиччисен, оланы къаркъарасына да къара! Иши де къыйын. Кюсменчилер сувну кёп сюе. Сиз де гъали, акъ этип йибермегиз. Оъзен ягъада олтурмагъансыз!

Мылгъун. Да-а, оъзен ягъада олтургъан бусакъ, не писсиревибюз бар эди сени сувунга. Не гючлю затдыр о – чий бавур!

**Бешинчи сурат.**

*Оргъан юллесин толтура, тарта. Сувананы экинчилей эсгерилтивю.*

**Оргъан.** Адам сюйген зат тюшонде неге болмай экен? Ким къоймай? Кимден гъасилли? Маънасы недир? Сувананы унутма сююп, не де этемен. Оъзюм-оъзюме: «Неге мен о гъакъда ойлашаман? – деп сорайман. Бары-ёгъу да белгисиз Сувананы сагынагъан чагъыммы мени? Ажжал инбашынгда токътагъанда да, умутлар сёнмей экен... юрек къарт болма сюймей... Шо саялы башынга шолай ойлар да геле, шолай тюшлер де гёрюне. Оъзюм де шо тюшлер, къайтып-къайтып, гёрюнгенни сюемен, Сувана булангъы ёлугъувну чыдамсыз гёзлеймен.

*Сувана чыгъа. Оъзюне тарта, чакъыра.*

**Оргъан.** Муна дагъы да гелдинг! Сёссиоз токътагъансан ... Бир сёз сама айт! Ял эт мени... не этежегимни оъзюм де билмей тураман. Сени мен нече де сюемен, эшитемисен? Янгыз сенсен мени насили этип болажакъ... Сёйле!

**Кириск.** Къарагъыз! Къарагъыз!

*Гюмезни ябып, денгизни устю булан гелеген къалын къара туман гёрюне. Дюньяны савлай ютуп къойма сюегендей, бирараз алдын Кириск оъзюн*

*атавгъа ошатгъан якъдан, къарагъанны къоркъутагъан, кюлтюс толпан, ел къувалап, ташгынлайын басып геле. Шо мюгълетде туманны ярып гелеген зор уллу толкъунну ачувлу акырызыу айланы якъны оькюртюп къойду.*

**Алатолпан.**

**Эмрайин.** Къайыкъыны бур!

**Оргъан.** Елни эсде сакълагызы! Вёре, елни унутмагызы!

**Мылгъун.** Толкъун! Толкъун! Ура туралай!

**Эмрайин.** Къайыкъыны бур!

*Гёз юмуп, гёз ачгъынча, олар бир дюньядан башгъа дюньягъа чыгъып къала. Кирлер, толкъунлар булан бирче, буланы къайыгъын бир якъдан бир якъгъа ташлай. Не кёк, не денгиз гёрюнмей – алатолпан. Къайыкъыны бир оърге, бир тюпге ата, бир - бирде толкъунлары арасында тюе, токъалай.*

**Кириск.** А-а-а-а...

**Оргъан.** Мени тут! Магъа илинме къара! Бек тут!

*Толкъун бираз сейир бола, амма, къара ажжалдай, къалын туман, шо бир кюйде, тербенмей токътагъан.*

**Орман.** Гье-е-ей! Менмен! Кириск мени булан! Эшитемисиз?

**Эмрайин.** Эшитебиз! Биз ерибиздебиз!

**Оргъан.** Ел эсигиздеми?

**Мылгъун.** Ондан не пайда?

*Оргъан.* Биз къайыкъыны бурагъанда, ел къыбла-гюнтувшдан таба эше эди. (*Огъар бирев де жавапланмады*). Биз Кириск булан къайыкъдагы сувну ташлап ийбережекбиз, сиз де чыдама къарагызы. Кириск, сен къоркъма. Гел, сувну ташлап ийберейик. Ёгъесе, бизге дагъы да къыйын болажакъ. Муна, мен саплуну да тапдым, сен де чомуч булан сувну ташлап ийбер. Алдынгмы чомучну? Ал деймен сагъя!..

**Кириск.** Алдым, окъчум, алдым. Узакъ къалажакъбызмы дагъы да? Магъа къоркъунчлу.

**Оргъан.** Магъа да къоркъунчлу... Биз эргишилербиз, чыдамасакъ болмай.

**Кириск.** Биз батылмажакъбызмы, окъчум?

**Оргъан.** Батылмажакъбыз... Батылсакъ, бизге шолай буюргъан болажакъ. Бир къолунг булан мени тут, биревюсю булан сувну ташлама къара. Кириск, муна бизин сув бочкебиз де табылды. Вёре, сакъ бол! Ону бек тут! Бочкени тас этме ярамай! Сувсуз къалгъынча, оылгенибиз къолай. Англадынгмы? Янгыз оъзюнге таян... эшитемисен?

*Бираз солкъ болгъан толпан, янгыдан уллу гюч булан гётегилди.*

**Эмрайин.** Бары затны ташла!

**Мылгъун.** Ташла! Ба - ты - ла - быз!

*Тавшуу къарлыкъъянча, бары яман сёзлени къычыра туруп, Эмрайин ва Оргъан нерпаны гъаран балагъыга къайыкъдан тюшюроп, тюбеги-неси булан, къайыкъдагы бары затны денгизге атды.*

**Алтынчы сурат.**

**Уянны.**

*Оргъан биринчи уянды. Ол оъзю не ерде экенин ва айлананы аралап алгъан, оъзлени къуршап, тербенмей токътагъан не зат экенин англап бол-*

*май турду. Шо буса – оъзюню толу еслигин билдирип, тынып токътагъан, Уллу туман эди...*

*Гёзлери бираз ачыла туруп, къарт Оргъан къаранғылықъны ичинден гёрюнеген къайыкъны ва адамланы сюлдюрлерин эс этди. Гечеги толпан булан ябуша туруп, гъалсыз болгъан Эмрайин ва Мылгъун – гъариси гъар янгъя ташлангъан. Кириск сувгъя йибиген ва сувукъдан ушиюгенликден, жыйырылып ятгъан.*

**Кириск** (уюна туруп). Окъчум, окъчум! Сувсапбыз!

**Оргъан.** Сувну барыгъызгъа да бир йимик бережекмен. Толпандан сонг сувну къангъынча ичме герек. Къалгъан янына, мен тийишли гёрген күйде, кимге нечакы къуйсам, шончакы ичежексиз...

*Сонг бочкени чайкъап, сув белине ерли барны билдирип. Сув къуя.*

**Мылгъун.** Онгмагъыр Туман... Ерни, Кёкню ютуп, дюньяны ёкълап къойду...

**Эмрайин.** Бу гече де тунлукъда ойтсе ярай... Кёкде бир юлдуз сама гёрюнмей...

**Мылгъун.** Налат болгъур, Туман!

*Сувана къавумну къатынлары гъавчулагъа тилеклер эте.*

1. Кёклени Ругъу! Тилейбиз сагъа! Юлдузларын якъ кёкню!

2. Еллени есси! Уян! Гъавчулагъа кёмек эт!

3. Кёклени Ругъу! Еллени есси! Кёмек этигиз!

4. Кёклер юлдузларын якъса, гъавчулар ёл табар эди! Шу зулматдан къутулуп, уйге къайтар эдилер.

5. Тилейбиз сизге! Рагъмулу ругълар! Оланы уйге, ана топуракъгъа, къудратлы Гёбек итге къайтагъан ёлун ярыкъ этигиз!

**Анасы.** Сен нечиксен, балам Кириск? Гёбек итни тёбесинде уллу отлар якъгъанбыз...

**Кириск.** Анам... сув сюемен... сув... Эсингдеми, анам, авруйгъаным эсингдеми... терлеп-бишип, сыкъма-сув эдим... шо заманда да ичим сувсапгъа яллай эди... гъали де шолай ичим гюе... Анам! Сув сюемен... сув...

**Анасы.** Эсимде, балам... оъзюм де бек къоркъгъан эдим... Атанг да ёкъ уйде... дентизге гетген...

**Кириск.** Мен буса сув сюе эдим... Атам тез къайтып, сув бергенни сюе эдим...

**Анасы.** Сагъа сув ярамай эди, яшым... къумач гесекни дым этип, эринлөринге гъаран тийдире эдим... Бираз чыда, яшым! Эртенге ачылып къалажакъсан, – деп, сагъа къарап, бозлай эдим...

Кириск, яшым, эмли сувлар гелтир деп, Бийдаякъга тиле, балам! Аста булан ичингден: «Бийдаякъ къушум! Бийдаякъ! Эмли сувлар гелтир магъя, Бийдаякъ! – деп, арив этип, Бийдаякъга айта тур. Сонг гёрерсен, ол, учуп гелип, бетинге салкъын чыкъланы бюркюп, эмли сувлар ичирип, сени саппа-сав этип къояжакъ... Арив тиле, яшым...

*Анасы гете.*

**Кириск.** Сув бер да, Бийдаякъ! Бийдаякъ! Сув бер да!

**Оргъан.** Не сюесен, Кириск?

**Кириск.** Сув ... Сув...

**Оргъан.** Ёкъ, Кириск. Бираз чыдама тюшежек.

*Туманнында бирдагы бир гече түвдү. Ойрде бир юлдуз сама гёрюнмей. Юзмекни маңнасы ёкъ.*

*Кёкде юлдузлар гёрюнмесми экен деп къарайлар. Гёрюнмеди. Ел сама чыкъмасмы экен деп къарайлар. Чыкъмады.*

*Кириск де юлдузланы къаравуллай эди. Тюнегюн ахшамгъы агъвалатлар ону абдыратды, юргине къоркъув къуйду. Амма тюнегюнгө алаторпандан чыкъгъаны, бары къыйынлыкъ битди, балагъдан къутулдукъ деген умутлагъя инамлыкъ бере эди. Гёбек итге къайтма юрги алгъасай, къангъынча сув ичме, тойгъунча ашишама сюе. Дағы узакъ чыдама гъалы къалмагъан, узакълангъан сайын сувсаптыгъы арта, ачдан ичи къыра... болған чакъы тез уюне, анасына етишиме алгъасай...*

**Кириск.** Сув... Сув...

**Эмрайин.** Оргъан...

**Мылгъун.** Оргъан!

*Энни лап да къыйынлы ерине – сув пайлавгъа етишигенни ангап, Оргъан силкинпелетди.*

*Эртен вакты. Оргъан сувну оъзю къуя. Башлап ол сувну Кирискге узатды. Сонг Мылгъун ичди. Ондан сонг – Эмрайин. Олар ичеген күйеге къарасанг, къоркъувунг геле... Гъали оъзюню гезиги етишиди, ол оъзюне бир тамчы сама сув къуймады.*

**Эмрайин.** Олай неге этесен, окъчум. Барыбызгъа да бир йимик къуй! Тюнегюн де шолай этдинг, бизге къуюп, оъзюнг ичмединг. Оыле бусакъ, бирче оълейик!

**Оргъан.** Магъа болмаса да ярай!

**Эмрайин.** Ёкъ, тиоз этмейсен! Буса, мен де ичмежекмен!

**Оргъан.** Я мунда ичме зат да ёкъ! Не сёйлейсиз сиз! Мен саялы да Кириск ичсин! Ма, Кириск, ич. Бир затгъа да ойлашма.

**Мылгъун.** Ич!

**Эмрайин.** Ич...

**Оргъан.** Ич.

**Кириск.** Ёкъ... Ичмеймен...

**Оргъан.** Сен билемисен мен нечакъы сув ичгенмен бу яшавда! Сагъа буса гъали де кёп яшама тарыкъ... Англадынгмы мени, Кириск? Ич! Сен ичме герексен! Сен мени гъакъымда ойлашма. Ма!

**Кириск** ичди.

**Оргъан.** Гыы, нечик этейик? Юзебизми?

**Бирев де жасапланмады.**

**Эмрайин** (терен кюстюнют). Къайда юзейик?

**Мылгъун** (ачувланып). Къайда юзейик деген не? Юзебиз! Юзюп тургъаныбыз къолай, шу ерде оылгунче!

**Эмрайин.** Бу туманда, къайда юзегенингни де билмей, юзмекни не маңнасы бар?

**Мылгъун.** Магъа туман авара тюгюл! Сени шо туманынга тюкюрмеге де сюймеймен! Ёгъесе, мен шу къайыкъын чойре айландырып къояжакъман, барыбыз да балыкълагъа аш болагъан күйде! Англадынгмы мени, Сакъаллы Эмрайин?! Юзебиз! Англадынгмы?..

**Эмрайин.** Сабур бол, Мылгъун! Мен чи сёз ёругъуна айтгъан эдим. Юзе бусакъ, юзейик. Токътап тургъанча, юзген къолай. Тюз айтасан. Къайда, юздюк!

*Къалакъланы оюкълары янгыдан къылжыллады. Амма къайыкъны еринден тербенивю гысленмеди, еринде къалкын турагъанда иймик эди.*

**Мылгъун.** Мен буса шо сени туманынга тюкюрме де сюймеймен! Тюкюрме де! Эшитемисен сен, Сакъаллы Эмрайин? Мен биз бек юзгенни сюемен! Тербен, сакъаллы, эшитемисен мени? Тюкюрме де сюймеймен шо сени туманынга! Айландыр къалакъланы! Айландыр деймен сагъа!

*Эмрайин де бу оюнгъа гириши. Мылгъун ва Эмрайин бири биринден артда къалмайгъан күйде, къутургъан жсанланы иймик, уллу ачуу, оъчю бардай, бары гючюн салып кюсмен чала.*

**Мылгъун.** Адаршай! Адаршай!

*Хыйлы заман шолай турду.*

**Оргъан.** Гъали магъя тынглагъыз. Булай йыллар бола. Етти, сегиз, он гюонлер де къала денгизни уьстюн туман басгъан күйде, шо да – дюньягъа тюшген къыргын, аврув иймик зат. Шолай туман буса шу туман – къысматыбыз бизин къыйынлы болма багъыйлы. Ашыбыз да аз къалгъан, сувубуз да. Мен ойлашагъан зат – бизге яхшы тергевлю болма тарыкъ – кёкден гёзлери-бизни айырмай, гъавагъа къулакъ асып турмасакъ болмай – ябалакъ учмагъя имканлы. Ерни де, атавну да арасында бусакъ, ябалакъ бизге ёл гёрсетме бола. Къушлар ачыкъ денгизде, бир янгъа да бурмагъан күйде, тувра учалар.

**Мылгъун** (*тунукъ*). Эгер биз ерни де, атавну да арасында тюгюл бусакъ?

**Оргъан** (*сабур*). Олай буса, гёrmежекбиз ябалакъны.

**Мылгъун** (*тунукъ*). Эгер шо ябалакъ бизин уьстюбюзден учмайлы, айла-ып, башгъа яндан учса, шо заманда не болажакъ?

**Оргъан** (*сабур*). Шо заманда да гёrmежекбиз ябалакъны.

**Мылгъун** (*ачувлана туруп*). Гёrmежекбиз да? Олай болгъанда ябалакъны биз гёrmежекбиз? Гёrmежек бусакъ, негер токътагъанбыз? Къурсакъ аврув бармы мунда?

*Мылгъун къайыкъны бурнуна да чыгъып, къалакъга таянып, къанкъайып токътагъан.*

**Мылгъун.** Гье-е й, сен къанчыкъ болмасанг, къанчыкъ! Еллени есси бусанг, гёрсет гъунерингни! Къайда сени еликген еллеринг? Орунунг оюлгъур, оълиоп сама къалмагъанмысан, къанчыкъны бири, къанчыкъ?! Яда сени саякъ итлер аралап, шо ит талагъырынгны, къайсына бакъдырагъынны билмей, къуйругъунгну да гётерип, токътагъанмысан? Яда барысына да бирче бакъдырагъанмысан шо хужунгну? Жавап бер! Неде сен унутгъанмысан бу къалын туманда биз къамалып турагъанны? Бизин булан гиччинев яш барны сен билмеймисен? Ол сув сюе, эшитемисен? Сув сюе! Бизин орнубузда сен не этер эдинг? Еллени есси бусанг, йибер еллерингни! Йибермей бусанг, тыкъ шолалы да шо нас къуйругъунгну тюбюне! Эшитемисен? Лап да гючлю боранланы йибер! Йибер, къанчыкъ! Йибер толпанларынгни! Уруп авдарсын къайыкъны! Толкъунлагъа гёмюп къойсун! Гъай, сен, наажжас! Йибер, шо сени ябагъы сыпатынгни мен тюкюрюкге боягъынча! Сув яравума йибитгенче бетингни! Муна сагъа! Ма сагъа! Ма!

*Мылгъун къалакъны ташлап, къолларын бетине де къаплап, къычырып, йылай.*

**Мылгъун.** Бириндеп бири увакъ яшларым... Эки къызым... уланым... овзю де янгы юрюп башлагъан ...

**Кириск.** Окъчум! Окъчум! Мылгъун агъа неге йылай?

**Оргъан.** Гъали токътажакъ. Сен къоркъма. Бары затгъа къулакъ асып турма. Бола олай. Бар зат арив болажакъ.

*Эмрайин юлкъунгъан къалакъны къайыкъегъа, овзюню гъамангъы ерине, къакъды.*

**Эмрайин.** Сабур бол, Мылгъун. Сен тюз айтасан, тумангъа тюшгенче, толпангъа тюшген къолай. Бираз токътайыкъ, денгиз ачылып къалар. Не этме герек ...

*Тыныв.*

**Кириск (аста).** Окъчум, о сен айтагъан ябалакъ атавгъа негер уча?

**Оргъан.** Мен сагъа айтма унуп къалгъанман, булай уллу туманда денгизни уьстюнде янгыз ябалакъ бола учуп. Ол атавлагъа гъав этме уча, бир-бирде нерпаланы балаларын тута. Ону гёзлери гечелер де, гюндюз йимик, арив гёре. Овзю де ол уллу, къуватлы къуш да дюр.

**Кириск.** Мени болгъан буса эди шолай гёзлерим... Къарап, къайсылай юзме герекни шоссагъат билежек эдим, шоссагъат ягъагъа етишип, къангъынча сув ичежек эдим.... Магъа буса эди шолай гёзлер...

**Оргъан.** Эгъ... Гъар кимни овзюню гёзлери бола ... (*тыныв*). Сагъа бек къыйынмы? Чыдама къара. Чыдасанг, яхшы гъавчу болажакъсан. Сувну гъакъында ойлашма, башгъа затланы ойлашма къара.

*Еттинчи сурат.*

*Оргъан, тавну тёбесине къонгъан къаракъуши йимик болуп, къайыкъны къуйрукъ янында олтургъан. Къарт ахырынчылай тартма, тютюн чыгъарма сюйсе де, Сувананы гъакъындағы ойлар гъакъылын елеген... Сувана буса ёкъ...*

**Оргъан.** Не ерлерде юзесен сен, Сувана?.. Мен овзюмню гючюмню, чыдамлыгъымны ва адамлыгъымны дазуларын бек яхшы билемен. Амма яшни къызгъанаман... О саялы магъа шу ёлну тангламагъа тюше...

*Сувана геле. Олар бир-бирине, гёзлерин айырмагъан күйде, тигилип токътагъан.*

**Сувана.** Узакъ къалмай жаныбыз гъасирет ерлеге юзежекбиз... Тюшлерибизде дайм талпынагъан сююнню дув денгизине чомулажакъбыз ...

**Оргъан.** Юзербизми экен?.. Бир гезик, ягъагъа етише туруп, гемебиз тобукъыга да гелмейген, сай ерде, бурну булан къайыргъа гирип къалды. Тюшлюп къарайман, къарасам – къайырда, жан талашып, тырпыллайгъан сени гёремен... сени къутгъарма чабаман. Аякъларымны гётерип болмайман, батмакълыкъ овзюне тарта... Аякълар магъа тынгламай...

**Сувана.** Мен буса къырыйынгдаман, къол узатсанг, етишесен...

**Оргъан.** Къучагъыма сени де алыш, башым айланагъанындан темтирей туруп, ягъагъа гъаран етишдим. Сени юрегинг, торгъа тюшген торгъайдай, оырге-тёбен атылагъанын сеземен... тарлыгъывум тамагъыма тыгъылгъан... тыламай гъаран токътагъанман...

**Сувана.** Мен буса, гёзлеримден къан акъдырып, йылайман, мени эркин денгизге къайтар деп, ял барып тилеймен...

**Оргъан.** Неге?

**Сувана.** Мен сени денгизде болмаса сююп болмайман, денгизсиз мен бувуламан, оълемен.

**Оргъан.** Сени, магъя да къарап, йылайгъанынга дагъы чыдап болмадым. Сени денгизге де йиберип, оъзюм гъалсыз, гъавкъатсыз болуп, яп-янгыз къалдым ...

**Сувана.** Гъали биз, тюшлерибизде дайм оъзюне гъасиретли талпынағъан, сюювню герти дюнъясына юзежекбиз...

*Юзюп гете. Оргъан ону артындан къайыкъдан тюшме сюе. Эмрайин ону тутуп, токътата.*

**Эмрайин.** Озокъда, мен сагъя гъакъыл уйретме болмайман, оъзюнг ойлаш, окъчум! Сен гъакъыллы адамсан, оъзюнг билежексен.

**Оргъан.** Ойлашгъанман, яхши күйде ойлашгъанман, шулай яхши болажакъ.

**Эмрайин.** Биз барыбыз да бир къайыкъдабыз, язывубуз да бизин бир болма герек.

**Оргъан (ичи ачытып).** Языв... Языв... Язывдан къачма күй ёкъ, сюйсенг къабул эт, сюйсенг къаршы чыкъ. Ахырыбыз къаршы гелген сонг, оъзгелер алгъасамасын учун, биревлер оъзлени алгъасатма герек.

*Эмрайинны жавабы англашынмады, булар тынып токътады.*

**Оргъан.** Мылгъун не этип туралы?

**Эмрайин.** Ята шо бир кююнде.

**Оргъан.** Ята деймисен? Тургъанда огъар айт. Мен ону бек абурлай эдим. Ол – уллу гъавчу. Яман адам да тюгюл. Мен гъаман да огъар гъюрмет этгеммен.

**Эмрайин.** Айтартман, окъчум (*гючден ётгюре*). Барын да айтартман. Бирараз токътагъан бусанг? Балики, туман тайып къалар ...

**Оргъан.** Ёкъ, болмайман. Гёрмеймисен? Мени гъалым ёкъ. Яхши ит де, оълегенде, адам гёзден ари тайып, оъле дей... Мен оъзюм... Мен де гючлю адамман. Сувана буса мени тюшлериме гъар заман геле эди. Сен англамажакъсан ...

**Эмрайин.** Эсингдеми, окъчум, алда бизге савдюгерчи купеслер гелген эди. Оланы бириси, бир уллу уылкеде денгизни ахырына ерли яяв юрюп чыкъгъан бек гючлю адам болгъан деп хабарлай эди... Шолай адамлар бола чы...

**Оргъан.** Олай буса, ол бек гючлю адам болгъан! Бизин Сувана да шолай бек гючлю...

**Эмрайин.** Токъта. Алгъасама ...

**Оргъан.** Таман! Герек чакъы да турдум... Токътатма мени. Дагъы чыдама гючюм къалмагъан...

**Эмрайин.** Тун къарангы ...

**Оргъан.** Не башгъадыр...

**Эмрайин.** Мени сагъя айтагъаным бар...

**Оргъан.** Сёз битетен зат тюгюл. Бизден сонг да битмей.

**Эмрайин.** Къап-къарангы.

**Оргъан.** Токътатма мени. Мен гётермежекмен, гъалым битип туралы. Оъзюм юрюп барма сюемен...

**Эмрайин.** Къап-къарангы...

**Оргъан.** Сиз чыдама къарагъыз, аз буса да, сув да бар...

*Сувана геле. Оргъан ону къолун да тутуп, экиси де бирче гетелер.*

***Сегизинчи сурат.***

**Кириск уяна.**

**Кириск.** Окъчум, сув сюемен, сув... Тюшюмде магъа Лувр оърдек гёрюндию. Окъчум, сен къайдасан?

**Эмрайин** (ону къучакълай). Къычырма огъар! Къычырма! Ёкъ сени окъчунг! Чакъырма ону! Ол Сувананы янына гетди.

**Кириск.** Къайда мени окъчум? Къайда окъчум?

**Эмрайин.** Йылама! Магъа тынгла! Сабур бол! Йылама, ол сагъа сув берерсен деди! Сен йыламасанг, сагъа сув да бережекмен. Тек йылама. Гёрерсен, туман да таяжакъ...

*Кириск тынгламай, атасыны къолларындан къутгъарылма сюе.*

**Эмрайин.** Гъали юзежекбиз! Къара, юзе турабыз! Мылгъун, тур буссагъат, тур даймен сагъа! Юздюк!

*Мылгъун кюсмен чала. Кириск йылай.*

**Кириск.** Бийдаякъ, сув бер! Сув бер, Бийдаякъ! Сув бер!

*Яңғы глон. Къайыкъда гъали уьчев къалгъан.*

**Мылгъун.** Сувну пайла!

*Эмрайин сувну тонгдуруп, гъарисине бир нече тамчы тиеген кюйде пайлай.*

**Мылгъун.** Гъай, нажжас туман! Шу туманны тайып гёрсем, оылсем де къайырмай эдим! Денгизге оъзюм атылып тюшежек эдим, сюоне туруп! Дюньяны ярыгъын гёрме күй болса!

**Кириск.** Бийдаякъ, сув бер да!..

*Музлукъ чыгъа.*

**Музлукъ.** Эсингдеми биз Гёбек итни бетинден сырғалап ойнагъаныкъ? Сен, чыр-чырынгдан айлана туруп, тюшегенде, кюлейген кююбюз! Бизге къарап гюнеш оъзю де кюлей эди. Бизин шат тавушларыбыздан къулакъларыбыз тутулма аз къала эди. Ингде къужурлусу – Бир! Эки! Уъч! – дегенде, атылып, аякъгъа турма герек эди. Биринчи гезик барысы да йыгъыла эди, сен буса йыгъылмай эдинг!

**Кириск.** Янымда сен баргъа йыгъылмай эдим.

**Музлукъ.** Биз бир биревню къучакълап да ийбере эдик ...

**Кириск.** Бизин гъайран гъислерибизге бирев де шекленмей эди.

**Музлукъ.** Ойнап ялкыгъанда, оъзенге сув ичмеге чабагъаныбыз...

**Кириск.** Бийдаякъ, сув бер да! Сув бер да, Бийдаякъ!

**Музлукъ.** Не арив эди!

**Кириск.** Сен нече де аривсен, Музлукъ... Сен уллу болгъанда, башгъа янгъа – башгъа хоншулагъа эрге чыгъажакъ деп сёйлейлер...

**Музлукъ.** Къара! Мен нечакъы чурпу, нечакъы къуру агъач жыйгъанман! Мени отум барындан да гючлю янажакъ! Сен гёрерсен мени отумну, Кириск...

*Музлукъ гете.*

***Тогъузунчу сурат.***

*Бирдагъы глон. Кириск аишкъазаны авруп, бюкленип къалгъан. Чыдан болмайгъан кюйде авруй.*

**Кириск.** Бийдаякъ къуши, сув гелтир да! Сув гелтир да, Бийдаякъ къуши!

Мылгъун къайыкъны ягъына да авуп, саплу булан денгиз сувун иче.

**Эмрайин.** Мылгъун! Мылгъун! Сен не этесен? Токъта!

**Мылгъун.** Ювукъ гелме, Сакъаллы! Оылтурежекмен!

Мылгъун къолундагъы саплуну къайыкъны ичине ташлап, тынышгъа бувула туруп, чалхасындан авду.

**Мылгъун.** Ичим, бавурум гюе!

**Эмрайин.** Айт да, не этейим? Не кёмек этейим сагъа? Бочкени тюбюнде бираз сув бар. Къуяйым, ич да!

**Мылгъун.** Тарыкъ тюгюл. Энни тарыкъ тюгюл. Мискин окъчум йимик, гече болгъунча чыдама сюйген эдим, бажарылмай.

Шугъар да шюкюрлюк этемен, ёгъесе, сувну барын да ичип битдиражек эдим... Мени гезигим де гелди... Мен де гетемен. Оызюп юрюп болагъандан берли...

**Эмрайин.** Мылгъун... тилеймен сагъа...

**Мылгъун.** Сен магъа бир сёз де айтма, Эмрайин, айтма, геч болду... Сиз – ата да, улан да, оызюгюз къаарсызы. Шулай яхши болур. Багъышлагъыз мени... Ата да, улан да, сиз къалыгъыз, сув да бар, аз буса да... Мен бир абат алсам бола... (*Темтиреи туруп*). Сен магъа пуршав этме, Сакъаллы! Пуршав этме магъа! Аман къалыгъыз! Балики, сизге наисип болар... Мен буссагъат... Сен буса къайыкъны учуруп гъайда!.. Магъа багъып юрюсенг, къайыкъны айландырып къояжакъман. Гъали буса чал кюсменни! Чал, Сакъаллы! Къувала! Ёгъесе, къайыкъны авландырып къояжакъман...

**Кириск** (языкъсынып, йыламсырай). Мылгъун агъай! Мылгъун агъай! Гетме да!

Мылгъун буздай сувгъа тюшюп гете.

**Мылгъун.** Ёюлугъуз! Ёюлугъуз шундан!

Зангирагъан шыплыкъны денгизге атылгъан бирдағъы бир адамны ачыкъычырыгъы бузду. Эмрайин къайыкъны артгъа бурду.

**Эмрайин.** Мылгъун! Мылгъун! Биз чи яп-янгыз къалдыкъ... Мени лап инангъан инивиом Мылгъун!..

*Йылайлар.*

### *Оңунчу сурат.*

Гюн битип бара. Къайыкъда экев – атасы ва уланы.

**Кириск** (сандыракълай). Бийдаякъ къуш, сув бер да...

**Эмрайин.** Кириск, уян! Тур, сув ичейик...

Яш саплудагъы оызюню пайын гётерип ичди. Эмрайин оызюне де къуйду, бочкени тюбюнде къалгъан сувну гёргенде, къатып къалды.

**Эмрайин.** Ма, тут! (Эмрайын бочкени башын бегетип, тюбюнде къалгъан сувну гёрген сонг). Ич!

**Кириск.** Сен ичмеймисен?

**Эмрайин.** Сонг ичежекмен. Сен, магъа къарамай, ич!

(Кириск ичди). Нечикдир?

**Кириск.** Арив.

**Эмрайин.** Сен бир затдан да къоркъма. Бир тамчы сув болмаса да, адам эки-үч гюн сувсуз туруп бола. Не болса да, къоркъма...

**Кириск.** Шо саялы ичмедингми?

**Эмрайин.** Дюр.

**Кириск.** Ашсыз нечакъы туруп бола? Биз ашамайгъаныкъ хыйлы бола.

**Эмрайин.** Сув болса, таман. Сен ону къюоп, юхлама къара. Мени сагъа айтагъаным бар. Тургъанда, яхшымы? Гъали, юхла!

**Кириск.** Атам!

**Эмрайин.** Юхла... Кириск! (*Кириск юхлай*) Мени заманым да бите тура...  
Олжам ...

**Эмрайинны олжасы геле.**

Мен сени биринчи гюндөн берли сююп къалдым. Сен уйде не ойлашагъанны, мен денгизде турагъан күйде де билемен. Башданокъ да шолай эди. Мен не ойлашагъанны, уйде туруп, сен де биле эдинг.

**Олжасы.** О бизин яшыртгъын сырбызы, бизин татли талайыбызы...

**Эмрайин.** Кириск тувуп да битгинче, бары-ёгъу да белгисиз заманда, мен сагъа бизин уланыбызы болажакъ дедим...

**Олжасы.** Аста, кирлэр эшитмесин! Не билесен?

**Эмрайин.** Сен бугюн шо гъакъда ойлаша эдинг. Шолай болгъанны сюе эдинг ...

**Олжасы.** Сен нечик сюе эдинг?

**Эмрайин.** Сен билесен чи, сен не ойлашсанг, мен билемен, сен не сюе бусант, мен де сюемен...

**Олжасы.** Мен буса сен шолай болгъанны сюедир деп ойлаша эдим... Сен денгизге гетгенде, уйде сени ругъунг болсун, бизин туважакъ уланыбызы сени барлыгъынгны сезсин, сагъа ошасын деп, сени сакътиян шалбарынгны да гийгемен...

**Эмрайин.** Сен мени инг де гёzel, оьтесиз кёп сюеген олжамсан ...

**Олжасы.** Бизин уланыбызы бек тизив улан ... Сени сакътиян шалбарынг себепли ...

**Эмрайин.** Дюр! Ону тувмакълыгъы мени бүс-бютюн алышдырды. Яшавумну маъналы этди, къарькъарама гюч, къуват къошду. Ата болмакъ – уллу наисип! Шо саялы сагъа, уланым Кирискге – бек разимен...

*Олжасы гете. Мылгъун геле.*

**Эмрайин.** Огъар къатты буварма тарыкъ – не болуп къалса да, ол къайыкъда къалма герек. Суву битип, оылме тюшгенде де, ол Оргъан, Мылгъун, ахырда, мен – атасы йимик, чарасызлыкъдан денгизге атылмай, къайыкъда оылмеге герек! Къайыкъда! Къысмат...

**Мылгъун.** Къысмат...

**Эмрайин.** Къагърулу къысмат... Он бир йыллыкъ яш къайыкъда ... яп-янгыз, бу уллу туманнынчинде, сувсаплыкъдан, ачлыкъдан ойлежек... Ёкъ, ёкъ, мен ону янгыз къюоп болмажакъман... ону яп-янгыз, ашсыз, сувсуз оылме къойгъунча, бирче оылгенибиз къолай...

**Мылгъун.** Языв...

**Эмрайин.** Ичим яллай, бавурум гюе... гъали мен сени англайман, Мылгъун, Кириск болмагъан буса, сени артынгдан мен де гетежек эдим... О саялы... яшавгъа умут ёкъ буса да, заманны созмакъ – къоркъунчлу, тавакаллыкъ этгинче, ахырынчы гючлер де кемий...

**Кириск** (*сандыракълай*). Бийдаякъ къуш, сув гелтири! Бийдаякъ къуш, сув бер...

**Эмрайин.** Ш-ш-ш... Англадым, Мылгъун, мен озюмню яшавумну уланымда узатмакъ учун яшадым, шо саялы ойлме де ойлемен. Алдын о гъакъда ойлашмай эдим, огъар себеп де ёкъ эди... Эсингдеми, Мылгъун, биз уллу тerekни гесегенде, терек мени уьстюме авуп гелегени, сен буса къычырасан...

**Мылгъун.** Сакъ бол!

**Эмрайин.** Эсимде... шо мюгълетде мен уланымны ойлашды... о заман ол гиччинев яш эди... шо ойлюм аралагъан мюгълетде, уланым менсиз къала-жакъ деп ойлашды... Терек буса авуп, мени къырыйыма тюшдю...

Мени тухумум да къуруй туралай (*Кирискге къарай*) Нечакъы къалгъан? Бир гюн? Эки гюн? Узакъгъа бармас... Шо – мени талчыкъырагъан, шо – мени талайсызыгъым... Мен, ойлегениме тюгюл, огъар яллайман, огъар гюемен ... уланыма...

**Мылгъун** (*ону бёле*). Вёре...

**Эмрайин.** Дюр...Дюр... Англадым, иним. Гелемен...

*Эмрайин Кирискни уьстюне ябагъы елбесин яба, Мылгъунгъа багъын юрой. Къучакълаша туралы, гетелер.*

### **Он биринчи сурат.**

*Кириск уяна. Ол къайыкъда яп-янгыз.*

**Кириск.** А-а-а-а-а-а!!!!!! Атам!.. Къайдан да ятды! Къайдан да юхлады! Сен гетежекни билген бусам, мен къоямы эдим? Мен чи сагъа тишим, тырна-гъым булан илинип къалажакъ эдим! Сени ойлме йибереми эдим, атам? Ойле бусакъ, бирче ойлер эдик! Атам! Атам! Неге мени янгыз къойдунг?! Атам!

*Ол къайыкъны ичине гёмюлюп, йылай. Сонг къолу сув бёчкеге тие. Къалгъан сувну гётепин иче.*

**Толкъунлар.** Къоркъма! Гел бизин яныбызгъа! Атанг да мунда! Мылгъун агъайынг да мунда! Окъчунг да мунда! Олар сагъа къарагъан. Биз барыбыз да сагъа къарагъанбыз! Сени гёзлейбиз! Мунда олагъа яхши. Сагъа да яхши болажакъ.

*Кириск гече къайыкъны чайкъалывуна ва толкъунланы къавгъасына уянды. Ол уьстюнде токътагъан юлдузланы гёре! Гёзлери яшдан толгъан кийде, юлдузлагъа къарап, йылай. Ол, толкъунлар да, еллар де къувалап, туманны тайдырып, кёк ачылып, дюньясы яп-ярыкъ болуп къалгъангъа сююнлюп йылай. Ол озюн гъали де не гёзлейгеннى билмей, дюньяны ярыгъын гёргөнгө сююн... йылай...*

**Кириск.** Еллар, толкъунлар! Мен сизин эшитемен! Юлдузлар, Ай! Мен сизин гёремен! Сиз къайыны юлдузларысыз? Окъчум Оргъанни юлдузу къайы? Мылгъун агъаны юлдузу? Атам Эмрайинни юлдузу къайысыдыр? Олар бары да денгизде! Олар юлдузланы гёргемеге гъасирет гетди! Сизин гюнагъыгъыз ёкъ! Уллу туман сизин яшырып къойду. Мен де, магъа къойгъан сувну ичейим, аз зат къалгъан. Чыдамлыгъым бите туралы. Мен де узакъгъа бармажакъман...

**Толкъунлар.** Языв бар... Языв... Яш эшитме герек. Ол башын гётепди. Эшитди. Эшитди.

**Ябалакъ уча.**

## **Кириск. Ябалакъ! Ябалакъ!**

*Кирис, бары гючюн жыйып, къайыкъыгъа ябушиду. Ол дагъы бир затны да ойлашма болмай эди, ону ою – елде ва ябалакъ учагъан ёлда эди.*

**Кириск.** Ел, сен токъта! Гетип къалма. Мен сени атынгны билмеймен. Сюйсенг мени агъам бол! Тек кёмек эт! Сюйсенг мен сагъа Окъчу Оргъан деп айтайды. Сонг таныжакъсан мени...

Мен сени сюемен, мени юлдузум! Мен сагъа багъып гелемен. Гетме, сёнюп къалма! Сени атынгны билмеймен. Хатиринг къалмасын. Сюйсенг мен сагъа атамны атын берейим. Сен буса магъа кёмекчи бол, Эмрайинни юлдузу! Вёре, сёнме, булутланы артында яшынма... Магъа сени ярыгъынг тарыкъ!

Толкъунлар, сиз мени къайыгъымны тебересиз. Не яхшыдыр сизин барыгъыз! Сиз Мылгъын агъаны толкъунларысыз! Вёре, гетип къалмагъыз! Магъа кёмек этигиз! Мени янгыз къоймагъыз!..

*Яш, эсинде къалгъан ёл булан, къолларын рульдан айырмагъан кюйде, елни кёмеги булан болгъан чакъы чалтыкъда юзювюн узата.*

*Башы айланмакъын гючюнден ол, къартыллайгъан къоллары булан, гёзлери юмулгъан кюйде, къыргъа багъып созулма гъитинди. Гёзлерин ачды ва адап къалды. Гёбек ит къайыкъын алды булан чаба! Ону тёбесинден таба къувунгъа якъыган, гъали сёнюп барагъан отну гёк тютиюнью гётерилип геле...*

## **Денгиз бойлап чабагъан Гёбек ит!**

Мен къайтып гелемен сагъа,

Гелемен къайтып янгыз –

Окъчум Ормансыз,

Мылгъун агъасыз,

Атам Эмрайинсиз...

Олар къайда къалгъанны сора магъа сен,

Тек бир башлап, тойгъунчагъа,

Сув ичмеге къой мени сен...

Сув ичмеге къой...

*Кириск, шо сёзлер ону гъали башланагъан ва арт гюнүнен ерли чалына-жакъ оъз йырыны кюрчю сёзлери экенге тюшюндю...*

*Къумукъ тилге Супиянат Мамаева таржума этген.*



# **Эсделиклер**

---

**САГЫНАНЫ ГЁРМЕКЛИ УСТАСЫ,  
РСФСР-НИ ХАЛКЪ АРТИСТИ Г. А. РУСТАМОВНУ  
110 ЙЫЛЛЫГЪЫНА**

## **ЯРЫКЪ ЭСДЕЛИКЛЕРИМ**

Гъамит Рустамов булангъы мени таныш болувум булагай башланды. Мен Москвадагъы оыр адабият курсланы битдирип къайтгъанда, бирини артындан бирин дегенлей эки пьеса яздым. Гъамит Алиевич шоланы охуп чыкъгъан сонг, магъа булагай деди:

— Магъамматсолтан, сени пьесалар язма пагъунг бар. Яшавгъа генг күйде къарама да бажарасан. Сагъа мени шулай таклифим бар: гел бизин Къумукъ театргъя, адабият бёлюкге ёлбашчылыкъ эт. Оъзюнг билесен чи, Алимпаша Салаватов да театргъя гелген сонг башлады мекенли драматургия асарлар яратмагъа.

Рустамов айтгъанны этип, театргъя бардым ва шогъар сонг сююндюм. Ону яшавуна, яратывчулукъ пагъусуна, артистлер булан гъал гелишидирип, гъакъыл гелишдирип болагъан кююне къарап, кёп затгъа гёзюм ачылды, кёп затны уйрендим. Рустамов Дагъыстанда лап да гючлю, лап да пагъмулу режиссёр экенге толу күйде тюшюндюм. Ол 1939-нчу йылда Москвадагъы оыр охув ожакъгъа тюшюп, режиссёрлукъ касбугъа инг биринчилей ес болгъан. Мен шо вакътиде Хасавортдагъы педучилищеде охуй эдим. Рустамов салагъан спектаклелеге къарамакъ учун Къумукъ театргъя иш этип нече керен де гелдим.



Къумукъ театр Рустамов учун кёп сюеген экинчи ую эди. Драматургияны тармагъында ишлеме гъасиретлиги булангъы авторланы театргъя къуршамакъ учун Гъамит Алиевич гъакъ юрекден къаст этэ эди. Сийсе сынавлу автор болсун, сийсе пьесалар язма янгы башлап турагъян автор болсун, Рустамов гъар пьесаны тындырыкълы күйде охуп чыкъгъан сонг, авторгъя оъзюню ойлары-пикрулары нечик экенни айтып, пьесаны уystюнде ишлевни не ёрукъда давам этме герекни, не ерлерин алышдырма тарыкъыны, къайсы игитлени келпетлерин гючлендирмese ярамайгъанны ачып-чечип айтып бере эди. Узун сёзни къысгъасы, Гъамит Алиевич театр учун яралгъан адам эди.

Рустамовнун гъакъындагъы эсделиклеримни айта туруп, бирдагъы булагай бир затны айрыча эсгерме сюемен. Шо да недир десегиз, ону бек уллу режиссёрлукъ пагъусу барлыкъдан къайры да, ойтесиз уста күйде сурат

этмеге де бола эди. Айтагъаным, гъар янгы спектакль салынгъынча алда артистлер гиймеге тарыкъ костюмлени, опуракъланы эскизлерин Рустамов оъзю эте эди. Чинкдеси, артистлер Рустамов этген эскизлеге гёре тигилген опуракъланы бек ушата эдилер. Бирдагъы бир булай затны эсгерсем арив болур. Йырчы Къазакъны яшав ёлуна ва яратывчулукъ къысматына байлавлу мени пьесама гёре салынгъан спектакльни афишасын да Рустамов оъзю этген эди.

Янгы спектакльни салывну барышында артистлени янындан да, режиссёрну янындан да гъар тюрлю пикрулар, ойлар тувула. Бир-бирде шо ойлар, шо пикрулар бир-бирине къаршы чыгъагъан гезиклер де болмай къалмай. Айтагъаным, айрокъда рольланы пайлав тынч масъала тюгюл. Ачувланма, къарсалама тарыкъ ерде де Гъамит Алиевич сабурлукъдан чыкъмайлыш, артистлөгө акъырып-къычырып сёйлевден сакъланада эди.

Рустамов оър даражалы, оър пагъмусу булангъы режиссёр гъисапда Къумукъ театрны сагынасында айтма бир бек белсенип, оъз касбусуна оътесиз бек берилип ишлейген шо йылларда театр сезонну вакътисинде эгер беш янгы спектакль салына буса, шолардан уъчюсю дагъыстанлы авторланы, экиси буса тыш уълкели авторланы пьесалары болмагъа тарыкъ эди. Дагъыстанлы авторланы пьесаларына гёре спектакллөр салмакъдан эсе, тыш уълкели авторланы драматургия асарларына гёре спектакллөр салмакъ къыйын эди. Неге десегиз, шо спектакльлени салмакъ учун шо авторлар яшайгъан уълкелени яшаву, инчесанияты, маданийты булан яхши күйде таныш бола герек. Муна шо ягъындан алгъанда, Рустамовну гъар уълкени яшавундан, адатларындан шайлыш англаву барны исбаттайгъан мисаллар аз тюгюл эди.

Гъамит Алиевични режиссёрлукъ касбуғъа бакъгъан якъдагъы пагъмусу спектакльден спектакльге, йылдан-йылгъа оъсе ва оъсе барагъанны мен «Йырчы Къазакъ» деген пьесама гёре о спектакль салагъанда айрокъда ачыкъ күйде гёрдюм. Ол шо спектакльни уъстюнде гече де, гюн де дегенлей кёп ишледи. Бизин алдыбызда Йырчы Къазакъны ролюн ким ойнама тарыкъ деген масала токтатды. Шо йыл 15 адам Москвадагъы Щукинни атындагъы оър театр унилищеде охуй эди. Олар эсгерилген охув ожакъыны битдиригинче сав йыл къарадыкъ. Биз Йырчы Къазакъны ролюн ойнап болажагъына шеклик этмейли, Айгум Айгумовну гёз алгъа туттъан эдик. Спектакльге 30-дан да артыкъ артист къуршалды. Башында Барият Муратова да булан бизин сююмлю артистлерибиз спектакльдеги оъзлени ролларын бек арив ойнадылар. Айгум Айгумов буса бары пагъмусун, бары гючюн салып, Йырчы Къазакъны келпетин нечакъы бола буса да яхши даражада яратды.

Мен Рустамов авруп, тёшекге байлангъанда да, огъар дюньядан гетме бираз къалгъанда да, ону янында болдум. Кёп затны гъакъында ойлашым, айтылгъан режиссёрну яшавуну гъакъында кёп гъасиллер чыгъардым. Гъамит Алиевич оъзюню сюегин театрдан таба чыгъармакъны васият этген эди. Ону шо васиятын да күтдюк. Ол арабыздан гетсе де, халкъыбызынды юргинден гетмежек.

**Магъамматсолтан Ягъияев,  
Дагъыстанны халкъ язывчусу.  
1995 й.**

## УНУТУЛМАЙГЪАН ЁЛУГЪУВ

«Ону юзюнде кюстюнюнүң гъис этдим».

Автор.

Мен Къумукъ театрны тарихин тезден берли ахтараман. Шо гъакъда ва биzin белгили сагъачыларыбызын гъакъында кёп язғанман. Шоланы арасында Гъамит Алиевич Рустамов да бар.

Бу гезик мени Рустамов булангъы ол яшавдан гетгинче бир-эки сагъатлар алдын болгъан ёлугъувну гъакъында эсгермеге сюемен. Шо 1995-нчи йылны август айыны ахырынчы гюнлери эди.

Адамны эсинде, оюнда узакъ йыллар, гъатта савлай оымрюоне къалагъан мюгълетлер бола экен. Къумукъ театрны айттылгъан режиссёру Гъамит Алиевич Рустамов булан болгъан шо ахырынчы ёлугъувумну мюгълетлери эсимден таймай.

Рустамов авур күйде авруп, Магъачкъаладагъы Гъажиевни атындагъы орамда ерлешген азарханада ята эди. Эсгерилген ёлугъув о дюньягъа гёчгюнчө бир ярым сагъат алда болду. Ону эси дурус эди. Шо герти бир ярым сагъат ёлугъувда мени булан Дагъыстанны халкъ язывчусу Магъамматсолтан Ягъияев де бар эди.

Мен Къумукъ театрны тарихин къысгъаракъ гёзден гечирдим. Къумукъланы театр санияты 1880-нчи, 1906-нчы, 1917-нчи йыллардан баш ала. Тек не этерсен, бугюн умуми тарихибизни шо агъамиятлы бутагъына гъайлы янашагъан адам ёкъ...

– Сиз, Гъамит Алиевич, 1917-нчи йылларда театр жамиятны, «Тойну» яратгъан Темирболат Бийболатовну пагъмулу шекиртисиз. О да, сиз де къумукъ халкъ театрны, «Хор-хорланы», пегъливанланы оюнларын оъзюгюзню саниятыгъызыда уста күйде къоллагъансыз.

– Дурус, Далгъат, – деп, Гъамит Алиевич, башы булан икрам этип, терен тартып кюстюндю. Огъар сейлемеге къыйын эди.

Гъамит Алиевични кюстюнлю күйде айтгъан «дурус» деген бир сёзүнде мен ону яшавуну артдагъы йылларында болуп турагъан талчыкъланы сездим. Яни, гетген юз йыллыкъыны ахырларында Къумукъ театрға пагъмулу, оър билими булангъы касбучулар гелди. Тек олар къумукъ халкъыны театр мердешлериин уйренмеге амракъ тюгюллөр. Олар янгыз орус, европа театрны мердешлериинде, системасында тарбиялангъанлар...

– Зубайыл Хиясов чы шолардан айрыла бугъай, – деп, Магъамматсолтан Ягъияев кюлеп, тогъушув этди.

– Бир гезик, – деймен, – мени Къумукъ театрны бир жагъил режиссёру булан манавлу шулай лакъырым болду: «Режиссёр – къойчу (тек бу ерде мен актёрланы къойлар булан тенглешдирмеймен), дейгеним, айланч сокъмакълы чубурувда къойчугъа сиривиден кёп артда къалма да, кёп алгъа чыгъып гетме де ярамай. Дағыы ёгъесе, эки де гезикде сирив къайсы сокъмакъдан юрюжегин билмей адашмакъ бар. Ва шулай мисал гелтирдим. «1933-нчю йыл Къумукъ

театрда В. Шекспирни «Отеллосу» салынгъан. Пьесаны ахырында Отелло къатыны Дездемонаны бувуп оылтюре. Шо мюгъетде залда олтургъан бирев: «Не этесен ону бувуп, хынжалынгны бас!» – деп къычыргъан.

– Бугюн биз шолайбыз, – деди Рустамов. Шо сёзлерде мен ону гене терен кюстюнювон гъис этдим. Амма ону шо кюстюнювон анадаш Къумукъ театрона бакъгъан суюв булан байлаву эди.

Озокъда, профессионал къайдада чалышагъан Къумукъ театрны яратылыну булакъ башында токътагъан Гъамит Алиевич Рустамовну яшавунда театр булан байлавлу сююнчю агъвалатлар аз болмагъан. Амма айрокъда яшавуну артдагъы йылларында кюстюнлю гюнлери де көп болгъан. Ол ёлугъувну вакътисинде шону яшырмады.

Гертилей де, шогъар ону бетиндеги терен бюрюшмелери, ойлу гёзлери, сорукъгъан, азгъан юзю шагыатлыкъ эте эди.

Рустамовну инче саниятдагъы чалышывуну зорлугъуну гъакъында хабарлай туруп, мен Магъамматсолтан Ягъияев булан бирге ону уюне гелдим.

Арадан көп де гетмей, «Гъамит Рустамов гечинген», – деген къайгъылы хабар элге яйылды...

Д. Алкъылычев  
1995 й.

## ШАВЛАЛЫ ЮЛДУЗ ЭДИ

Магъя, художник гъисапда, республиканы театрларында он бешге ювукъ режиссёр булан ишлемеге тюшген. Къачан буса да, мен сагынада ясандыргъан спектаклени эсгерме тюшсе, бирче ишлеген режиссёрну да эсге аламан. Гъар художникни оъзюню айрыча сюеген режиссёру да бола. Гъамит Алиевич Рустамов да магъя шолай режиссёр эди. Ол, аслу ёлу – яшавну герти кюиде гёрсетмек учун чебер яратывчулукъ методу булан ишлейген режиссёр эди. Мени биринчи абатларым ону булан байлавлу.

1969-нчу йыл мени Гъамит Алиевич булан биринчи ишим Б. Нушичини пьесасына гёре салынгъан «Министрни къатыны» деген спектакль эди. Сагынаны ясандырылгъан кюоне оър къыймат берилди. Шо театрны алтын фондуна да гирди.

1992-нчи йыл Гъамит Алиевич арадан йигирма йыл гетип, пенсиядан ишге къайтып, Баммат Атаевни Темирболат Бийболатовгъа багышлангъан «Темирболат» деген пьесасын салды. Мени булан ахырынчы спектаклин этмеге башлагъанда, ол:

– Бизге Темирболат йимик адамланы эсден тайдырмагъя, гёнгюлден тюшюрмеге ярамай. Олай адамлар бизин байлыгъыбыз, ругъ варислигибиз. Ону булан мен узакъ йыллар ишлегенмен. Келпети уллу ва бек терен. Бир урунуп яратмагъа къыйын. Шо къыйынлыкъга да къарамайлы, магъя ишлеме тюшдю, – деди.

Гъамит Алиевич, гъар гюн ишге бек муштарлы кюиде гелип, масхаралар да этип, тарыкъ буса, мени булан яда композитор булан ёлугъуп, сонг репетициясы битгенде де, уйге гетмей, геч болгъунча, гъар актёр булан айрыча ишлей эди. Гече уйде гелген пикрусун эртен магъя айтма алгъасай эди. Гъамит

Алиевич суратдан не девюрде нечик гийине болгъан, тыш пачалыкъ класси-  
клини костюмлерини тарихин билегенден къайры, выставкалагъа, музейлеге  
барып, гъар яндан бары затны билмеге гъаракат этип, художниклер, компози-  
торлар, драматурглар, шаирлер ва олай да шагъарны интеллигенциясы булан-  
гъы ёлугъувларын да узмей эди.

Москванды гъактында хабар чыкъса, оъзюне билим ва касбу берген ГИ-  
ТИС-деги учителлерин: К. Смышляевни, Н. Охлопковну, И. Берсеневни эсге де  
алып, олагъа баш ийип, гъюрмет де этемен, – дей эди.

Июль айда Гъамит Алиевич театртагъа гелди. Лакъыр этмеге оътесиз кёп  
сюе эди, мени булан санаторийге бармагъа да сюйдю. Шо гюн ол магъа оъзю  
булан болгъан бурай бир ишни эсгерди.

– 1935-нчи йыл биринчи керен К. С. Станиславскийни репетициясына  
къарама деп, театртагъа бардыкъ. Залда олтургъанда къолумдагъы газетлени, не  
янгылыкълар бар экен деп, ачып къарадым. Сагънадан Станиславский: «Бизде,  
театрда газет охумай», – деп къычырды. Бурулуп къарасам, газет тутгъан бирев  
де ёкъ, о сёзлер магъа айттылгъан болгъан экен.

Шолай низамгъа мен бек тамаша болгъан эдим. Бугюн болгъунча шо ни-  
зам булан юрюме де юрюгенмен, Станиславский булангъы ёлугъувум мени  
эсимде ва юргимде даймликке къалгъан, – деди ол.

1970-нчи йыл магъа Гъамит Алиевич этдирген Станиславскийни сураты  
буссагъатда да илинип турат.

– Мен етишген бары да уьстюнлюклерде мен инг башлап иш ёлдашлары-  
ма, театртагъа борчлуман. Анадаш театрымны яратмагъа ва шону булан оъктем  
болмагъа сюемен, – деп, сёзюн давам этди, Гъамит Алиевич.

Тезден театрда, оъзю айтып турагъан репетиционный залгъа илинеген Мо-  
сквада декадада болгъан А. Пушкинни «Таш къонакъ», Г. Рустамовну «Терек  
тюпде», А. Салаватовну «Айгъази» деген спектаклерини ва онда болгъан ёлу-  
гъувланы суратларын, театрны тарихи тас болуп къалмасын деп, шоланы да  
илип, музей йимик этип, юрги парахат да болуп: «Тангала Шамхал Алиевич  
Шамхаловлагъа баарарбызы», – деди ол магъа. Шамхал белгили гёз доктор, илму-  
ланы кандидаты, композитор, бизин къонакълай чакъыргъан эди.

Биз башлап, гёз аврувланы кафедрасына гирдик, Шамхал Алиевични на-  
сигъатларына да тынглап, сонг институттагъа репетиция юрюлеген залына бар-  
дыкъ. Шонда Гъамит Алиевич кёп арив сёзлер айтды музейни де эсге алыш, –  
магъа разилигин де билдириди.

Шамхалов биринчи, янгы чыгъаргъан кюон (вальсын) мандолинада сокъ-  
ду. Гъамит Алиевич гъакъ юрекден рази болду ва: «Къой, ачылсын жавгъар  
хазналы юрек», – деп, Шамхаловну къучакълады.

Шо мени Гъамит Алиевич булангъы ахырынчы ёлугъувум болуп токъта-  
жагъына ким инана эди?! Гъамит Алиевич гечинген деген къайгъылы хабаргъа  
башлап мен инанып да битмедиим. Умутлар кёп эди, тек Аллагъдан гелген аж-  
жалгъа амал ёкъ.

Гъамит Алиевични гёмме барагъанда да, гёмюп гелегенде де чакъыны йыла-  
ву, бизин къайгъыбызгъа ортакъчылыкъ этип, пашман юреклеребизге дагъы да  
пашманлыкъ сала турду. Бюргелишип, булут басды тавланы.

Гъамит Алиевич, магъа язып берген китапларындагъы дослукъгъа, къур-  
дашлыкъга, эсделикке багъышлангъан сёзлер юргимде даймге къалажакъ.



А. Къурумов Г. Рустамов булан



1967 й.



Къумукъ халкъ, Къумукъ театр, Дагъыстанны кёп милләтли халкълары, бизин учителибиз, актёр, режиссёр ва драматург, яратывчулукъда герти күйде бизин учун уылгю болгъян, таза юрекли ва оыр даражада къылыкълы, бютюн уылкеде айтылгъан сагънаны устасы, классик Гъамит Алиевич Рустамовну тас этди. Бийик тавланы арасында баш бийиги де бола, кёп юлдузланны арасында айрыча шавла берегенлери де, Гъамит Алиевич, даймге Дагъыстанны инче саниятыны шавла береген юлдзу гъисапда бизин эсибизде даймге къалажакъ.

**Наби Бамматов,**  
ССРР-ни  
художниклерини союзуну  
члени, А. Салаватовну  
атындағы пачалыкъ  
Къумукъ музыкалы-драма  
театрны баш художниги.  
1995 й.

# *Илму*

---

## КЪУМУКЪ ТИЛНИ ТАМУРЛАРЫН АХТАРАГЪАН АЛИМ

(Къалсын Къадиргъажиевни 80 йыллыгъына)

Къумукъ тилни илму ёлунда ахтарыв иш юрютюп, мекенли дарражалагъа етишген алимлерииз аз тюгюл. Оланы арасында Юсуп Джанмавовну, Атай Магъаммадовну, Ибрагим Керимовну, Зайнал Бамматовну, Джангиши Хангишиевни, Нураммат Оылмесовну, Нурмагъаммат Гъажиагъматовну ва хыйлы оъзгелерин эсгерме ярай. Шоланы сыдрасына Къалсын Къадиргъажиевде гире.

Яхсайлы Салагъны уланы Къалсын Къадиргъажиев 1941-нчи йылны феврал айыны йигирма биринде Хасавюрт шагъарда тувгъан. Башлапгъы билимни шо шагъарда алгъан. Атасыны касбусуна гёре буланы агълюсю бир ерден бир ерге гёче туруп, Къалсын охувун Дербент шагъарда давам этген. Буланы агълюсю 1953 йылда Магъачкъала шагъаргъа гёче. Орта охув ожакъыны (школаны) Магъачкъала шагъарда битип, шо вакътиде яш улан мунда загъмат яшавун башлагъан. 1961–1964 йылларда Къалсын къурулуш идарада чырчы болуп (каменщик), сонг III Интернационалны атындагъы фабрикде токарь болуп чалышгъан.

Охувгъа амракълыгъы, ана тилине, адабиятына бакъгъан сююю ону Дағыстан пачалыкъ университетни филология факультетине гелтирген. Оыр охув ожакъыны уьстюнлю куйде тамамлагъан улан (охув йыллары 1964–1969) илмуну ёлун танглама токъташа. Насипге, ону сыйлы муратлары яшавгъа чыгъя. Охувун университетде битгендокъ, Къалсынны СССР-ни илмулар академиясыны Дағыстан филиалыны Гь. Цадасаны атындагъы Тарих, тил ва адабият институтуна илму къуллукъчу гъисапда ишге кабул эте. Шо замандан тутуп Къалсын Къадиргъажиев къумукъ тилни сөз байлыгъын (лексикасын) ахтарыв ишге чомула ва гёrmекли натижалагъа етише.

1981 йылда Къ. Къадиргъажиев Москвадагъы илмулар академиясыны Языкоzнание институтунда (Институт языкоzнания) «Къумукъ тилни тувма сөз байлыгъы» («Исконная лексика кумыкского языка») дейген кандидатлыкъ диссертациясын якълай.

Кёп де гетмей, 1999-нчу йылда Дағыстан пачалыкъ университетде «Къумукъ тилде атлыкъыны морфологиясыны тарихи гелиши»



(«Историческая морфология имени в кумыкском языке») дейген докторлукъ диссертациясын да якълай.

Къалсын Къадиргъажиев кёп йылланы узагъында, 1969–1995 йылларда Гь. Цадасаны атындагъы Тарих, тил ва адабият институтунда (гъалиги аты – Гь. Цадасаны атындагъы Тил, адабият ва инчесаният институту) илму тармакътга толу кюйде берилип, къумукъ тилни сёз байлыгъын ахтарыв этген. Ону кёбюсю илму языв ишлери шо институтун архивинде сакълана.

Тюрлю себеплеге гёре 1995-нчи йылда Къ. Къадиргъажиевге хыйлы заман ишлеген ерин къюоп, Дагъыстан пачалыкъ педагогика университетте ишге чыкъма тюше. Тюрк (турецкий) тил кафедрасында кёп йыллар ишлеп, ол профессор деген атгъа ес бола. Бу вакъти ону илму ёлбашчылыгъы булан кёп санавда яш алимлер кандидатлыкъ диссертациялар язып, къумукъ яш алимлени санаву арта.

Бир вакъти Къ. Къадиргъажиев Тюркия пачалыгъына чакъырылып, онда ишлеп де гелген. Шо байлавлугъуну натижасында, Тюркияда чыкъгъан кёп томлукъ тюрк халкъланы адабиятыны антологиясын чыгъарывда ортакъчылыкъ этген. Къумукъ адабиятгъа багъышлангъан томгъа гирген асарланы къумукъчадан тюрк тилге Къ. Къадиргъажиев гёчюрген.

Буссагъатгъы вакътиде Къ. Къадиргъажиев пенсияда болса да, илму ишин къоймай, ахтарывларын давам эте. Ондан къайры, басмадан чыкъмай бир-бир ишлерин камилешдирип, басмагъа гъазирлеп де турған.

Къ. Къадиргъажиев ана тилине багъышлангъан юзден артыкъ макъалааны, онгъа юувукъ монография китапланы автору. Ону макътавгъа лайыкълы илму чалышыву тийишли къыйматлар алгъан. Къ. Къадиргъажиев Дагъыстаннын ат къазангъан илму къуллукъчусу деген атгъа да ес болгъан.

Къалсын Къадиргъажиевни монографияларыны, китапларыны бирлеңирин эсгерсек, «Къумукъ ва тюрк тарихни сырлары Каспий денгизден Эгей денгизге ерли» («Загадки кумыкской и тюркской истории от Каспийского до Эгейского морей (сравнительное историко-филологическое исследование)». Магъачкала, 1992), «Къумукъ ва тюрк тиллени тарихи-тенглешдирип ахтарывну масъалалары» («Проблемы сравнительно-исторического изучения кумыкского и тюркских языков». Махачкала, 1998), «Япон ва тюрк тиллени тарихи-тенглешдирип грамматикасы» («Сравнительно-историческая грамматика японского и тюркских языков: фонетика, морфология». Магъачкала, 1999), «Япон ва тюрк тиллени тарихи-этимология сёзлюгю» («Историко-этимологический словарь японского и тюркских языков». Т.И. Магъачкала, 2005) эсгерме ярай.

Сонг да Къ. Къадиргъажиев къумукъ сёзлюклени тизивде де ортакъчылыкъ этген, бир-бир гъарпларын язып. Ол иш ёлдашлары булан соавторлукъда сёйлев сёзлюклер де чыгъаргъан, масала, «Орусча-къумукъча сёйлев сёзлюк» («Русско-кумыкский разговорник». Магъачкала, 1992. – А. Гъажиев булан бирликде), «Орусча-къумукъча-инглисче-туркче сёйлев сёзлюк» («Русско-кумыкско-англо-турецкий разговорник». Магъачкала, 1995. – У. Батырмурзаева булан бирликде).

Бары да эсгерилген китаплар не де спонсорланы кёмеги булан, не де оъзю авторну харжына чыгъарылгъанын да эсгерме тюше.

Китапланы атларындан да гёрюнеген күйде, Къ. Къадиргъажиев кёбюсю къумукъ тилни тувма белгилерин гёрсетме, ону оъзге тюрк тиллер булан байлавлугъун ачыкълама къаст эте. Ва бу ёлда тил ахтарывчу алим къумукъ халкъны тарихи ёлун гёрсетме күй таба.

Бу къайда башлапгъы ктапларындан бири «Къумукъ ва тюрк тарихни сырлары Каспий денгизден Эгей денгизге ерли» дейгенинде айрокъда арив сезиле. Бу китапда автор къумукъ тилден таба, ону бай ва бырындан гелеген сёз байлыгъындан таба къумукъ халкъны оъзге къардаш тюрк халкълар булангъы ювукълугъун, бирлигин гёрсетме бажаргъян.

Къумукъ тилдеги сёзлени ич маънасындан таба, тарихи гелишинден (этимологиясындан) таба алим ону тарихи ёлун ачма да къаст эте. Оъзюно ойларын, илму пикруларын автор тарихи алимлени ахтарывлары булан урушдуруп, тенглешдирип исбат этегени ону ишни мукъятлыгъын гёрсете.

Бу ва сонггъу китапларында Къ. Къадиргъажиев «протокъумукъ» («алдынгы къумукъ»), «прототюрк» («алдынгы тюрк») дейген англавланы къоллай. Алдын тюрк тилли къавумлар бир халкъ болгъан деген пикруну айта. Ва оланы гелиши гъалиги девюорден кёп алдын, беш минг йыллар альякъда (V тысячелетие до н.э.) башлангъанын ёрай.

Демек, тил ахтарывчу алим болуп, сёзлени тарихи гелишин (этимологиясын) гёрсетип, ол къумукъланы бырынгы девюорюне кёпюр ата. Къумукълар, озокъда, оъзге къардаш халкълар булан бирге, бырындан берли белгили, минг йыллыкъ бютюн дюнья боюндагы тарихде мекенли гызыз къойгъан къавумланы, пачалыкъланы варислери бола деген натижагъа геле.

Озокъда, къумукъланы бырынгылыгъын исбатлама чалышгъан Къ. Къадиргъажиев бир-бир алимлени ягъындан якълав тапмады, гъатта разисизлигин тувдурду. Ону къаравларын гъатта къумукъ алимлериизден къабул этмегенлери де болду. (Бу сёзлени мен оланы кем этип айтмайман. Бу – илму масъала. Гъар кимни оъз янашыву бола. Бизинкилер – Къ. Къадиргъажиевни далиллерин исбатлы гёrmей эди. Мен оъзюм тил алим тюгюл экенге гёре, бу масъалада оъз янымы айтып болмайман.)

Бу илму къаравларыны себебинден, бир тайпаны ягъындан танкъытгъа тутулуп, Къ. Къадиргъажиев хыйлы йыллар ишлеген институтдан гетме борчлу болду.


Тек сонггъунда да къумукъ алим бу къайдалы ахтарывларын нечик де токътатмады, къайтара – дагъы да бек узатды. Умуми тюрк тиллеге аласалып, оланы тарихи дазулары генг ва терен экенин гёрсетме къаст этди. Шо ёлунда тюрк ва япон тиллени ошашлыгъы кёп экенин исбаттайгъан эки томлукъ китабын чыгъарды.

Къ. Къадиргъажиев излевчю алим болуп, сёзлени тарихи гелишин суратлама гъавасланып, оъзюно халкъыны эжелги, унтулуп да битген дегенлей сагыфаларын ачма чалыша. Озокъда, бу ёлда бары да зат ким де къабул этердей тегиш, исбатлы да болмас, ва янгылышлар да гетмей къалмас. Амма Къ. Къадиргъажиев бу ёлгъа гъакъ берилгенлиги, ону бек билиминден къайры, къумукъ халкъгъа сюювюн, аминлигин де гёрсете. Шо гыслени ону китаплары охувчуларда да тувдурла.

Чагъына да, аврувларына да енгилмей чалышагъан ювугъубуз Къалсынгъа янгы уьстюнлюклер ёрамакъ сюннет. Басмагъа гъазир, ва басмагъа

гъазирлерин халкъ арада аян этме, басмадан чыгъарма харж-мая да табулмай къалмас деп умут этип, иншааллагъ, шо муратны гёз алгъа тутабыз.

Къалсын Къадиргъажиев бүгүн янгыз алым болуп къалмай. Биз, къумукълар, кимбиз, тамурларыбыз къайды элте, тарихибиз нечик болгъан – бу, ва бурай ойзге гъар-бир менлиги бар миллетини уланыны алдында турагъан соравлагъа гыюрметли алимибиз тындыштырыкълы жавап берген. Гъакимиятлыкъ якъдан эшеген елге гёре юрюмей, тийишли гёргенин, халкъына гелишегенин язгъан. Шо саялы Къалсын язгъанны маңнасы илму къалибинден чыгъа, ва къумукълукъ, милли жагъылыкъ дейген гыслени уята. Шо саялы Къалсын Къадиргъажиев бизин халкъыны алдынлы эрлеринден бири деп багъалама гъакъыбыз бар.



# ЯЛЛЫКЪ БИЛМЕЙГЕН АЛИМ

## Очерк

*Илмугъа багъышлангъан сююв –  
о гъакъыкъатгъа къуллукъ этеген сююв.  
Шо саялы да юрекни тазалыгъы  
алим учун чинк де асил мурат.*

Фейербах Людвиг Андреас,  
немис философ.

Аты дангъя айтылгъан тёбенкъазанышлы уллу алим ва шайых Абусупиян Акаевни эпизиз бай руть варислиги бизин юртлу нечесе къызлагъя ва уланлагъа мактапны лап яхши къыйматлагъя охуп битдирме ва оъзлени билимин алим даражагъя етишдирме таъсир этген. Гъамит Агъматович Бучаев, Элмира Адилгереевна Дайтбекова, Камил Гъамитович Ханмурзаев, агъа-ини Жалалутдин ва Шагъабутдин Агъматовлар йимик бизин юртлу докторланы, профессорланы ва академиклени атлары, Арасейни айланып, бютюн дюньягъа яйылгъан. Мен бу очеркимде бирдагъы бир машгъур алимни гъакъында лакъыр этме сюемен.

Гъасан Магъамматрасулович Оразаев 1947-нчи йыл, январ айны 20-сында Тёбен Къазанышда саният устаны ағылюсунде тувгъан. Юртдагъы орта школаны охуп битдирген сонг, 1966–1969-нчу йылларда асгер къуллугъун күтген. Дагъыстан пачалыкъ университетге охума тюшюп, ону тыш эллени тиллерин уйретеген факультетин яхши къыйматлар булан битдирген. 1977-нчи йылдан башлап, бугюнлөгө ерли Дагъыстан илму центрни тарихи, археология ва этнография институтунда старший илму къуллукъчу болуп ишлей.

Ташып ағыагъан уллу оъзенлер де гиччи булакълардан башлана. Илмугъя бакъгъан сююв де Гъасанны юрегинде мактапда охуйгъан яш заманында уянгъан. Тёбен Къазанышны ортасында ерлешген Гъасанланы уйлери юртлулар кёп сююп барагъан ожакъ эди. Эпизиз ачыкъ юрекли Магъамматрасулгъя ва ону олжасы Нюржагъангъа абур-сый этип ахшамлар мунда хабаргъа кёп эргишилер ва къатынгишилер жыйыла эди. Тёбенавулда яшайгъан Жамав деген гишини хабарлары айрокъда къужурлу болгъан. Ол къольязмаларда ва бусурман китапларда язылгъан дастанланы, назмуланы, хабарланы гёнгюнден биле. «Юсуп булан Зулайханы», «Дагъир ва Зугъраны», Шихаммат къадини «Сапар ёлдашын», «Пайхаммарланы таварихин», Абусупиян апендини мавлетлерин арив ангы булан айта. Бир мююшде олтуруп Жамав агъавгъя



тинглап турагъан 12 йыллыкъ Гъасан тарихи асарланы игитлерине ва оланы гъюнерлерине эпсиз уллу гъюрмет этген. Ол аз заманны ичинде атасыны зу-хунда бар бусурман китапланы ажамча охума уйренген, сонг оланаң къумукъ язывгъа гёчюрген. Школа чагында таржума этген шо тарихи асарлары бу-лангъы кёп япыракълы тептерлери Гъасанны китапханасында буссагъат да сакыланып турған.

Гъасанны асгерге къуллукъ этме чакъыргъанда, ону бир къулагъына сувукъ тийип, яхшы эшиптей болгъан. Башгъалар гиччирик тетигин де залим этип айланагъанда, яшдан берли намусгъа байланып гелген Гъасан, комис-сияны членлерине: «Мени асгерге алыгъыз», – деп тилеген. Гъасан Вологда деген йыракъ шимал шагъарда учь йыл Ватангъа къуллукъ этип, чыныгъып гелди.

Дагъыстан пачалыкъ университетни о замангъы ректору Абуталип Аби-лович Абилов къол салып берген характеристикада булагъа сатырлар бар: «Гъа-сан Магъамматрасолович Оразаев университетде охугъан беш йылны уза-гъында гъар не затны да билме сюеген, бажарывлу ва эпсиз низамлы студент гъисапда танылды. Ол гъар йыл «дёрт» ва «беш» къыйматлагъа охуп турду. Студентлени илму жамиятында жагъ күйде ортакъылыкъ этди. Яхшы охуй-гъаны саялы, кёп керенлер савгъатланды. Илму-ахтарыв ишлерде гёрсетген гъаракаты учун университетни алимлерини совети Гь. Оразаевни аспиранту-рада охумакъ учун таклиф эте».

Амма Гъасан Оразаев охувун аспирантурада узатмагъан. Неге тюгюл, университетде охуй туруп, ол учь йыл гечеги дарслагъа юрюп, тарихи курс-ланы лап яхшы къыйматлагъа битдирген. Ол ярышгъа гъазирленген аргъу-макъдай, оъзюн ишде сынама алгъасагъан ва 1977-нчи йылда СССР-ни илму-лар академиясыны Дагъыстан филиалында тарих, археология ва этнография институтну илму къуллукъчусу болуп ишлеме башлагъан.

Бу йыл Гъасан Магъамматрасолович шо бир ишде, бир къуллукъда ча-лышагъанлы къыркъ беш йыл бите. Оъзю сайлагъан касбугъа гъакъ юрекден янашагъан алим Оразаев шо къыркъ беш йылны кимни де гъайрангъа къал-дырардай натижалар булан къаршылай. Ол 400-ге ювукъ илму асарны автору да дюр. Шолардан элли беши айрыча китаплар болуп чыкъгъан. Гъасан Ора-заев онлар булангъы илму китапланы редактору да дюр.

Ол ажам ва латип язывлардан юзлер булангъы тюрлю асарланы къумукъ тилге гёчюрген. Гъасан Магъамматрасолович оъзюню яратывчулугъунда уллу алим Абусупиян Акаевни ругъ варислигин къумукъ охувчугъа етишдир-мек деген мариатлы ишни бойнұна алгъан. Шо бек къыйын борчну намуслу күйде күтме де күте. 1993-нчю, 1997-нчи, 2010-нчу ва 2021-нчи йылларда Гъасан Оразаев «Пайхаммарны ёлу булан» деген дёрт китапны басмадан чыгъарды. Абусупиян апендини шиъруларын, тюркюлерин-назмұларын, дастанларын, масалларын, хабарларын ва башгъа асарларын къумукъ охув-чулар онча да яхшы къабул этди чи, 6800 экземпляр булангъы шо дёрт де китапны тиражы шоссагъат яйлып битди.

Гъасан Оразаев «Мавлетлер» деген китапны устьюнде де тындырыкъ-лы күйде ишледи. Бары да къумукъча мавлетлени текстлерин ажам язывдан кириллицагъа гёчюрдю ва олагъа баянлықълар берди. Шо китап эки керен –

2005-нчи ва 2006-нчы йылларда басмадан чыкъды. 2000 тираж булан чыкъгъан шо китаплар да къумукъ охувчулагъа азлықъ этди. Шо эки де китапны чомарт улан, къумукъ алим Нариман Абдуразакъов оъз харжына чыгъаргъан эди. Мен Гъасан Магъамматрасоловични бирдагъы-бир китабыны гъакъында лакъыр этме сюемен. Шо да – эндирайли Магъаммат Аваби Акъташини «Дербент-наме» деген тарихи асары. Асарда VII асруда Гюнтувшдан гелип, бусурман дин Дағыстангъа ва башгъа ерлеге нечик яйылгъаны гъакъында айтыла. Китапгъа «Дербент-намени» къумукъ, орус ва ингилис тиллерде язылгъан къольязывлатры жыйылгъан. Асарны орус тилге Гъасан Оразаев гёчюрген ва оғъар баш сөз язгъан. Ингилис тил савлай дюнъягъа яйылгъанын айтсакъ, бу китапны Арасейден тышда да нечик уллу абуру болажакъыны билежекбиз. Дербент шагъарны 2000 йыллыкъ байрамына багъышланып басмадан чыкъгъан бу китапны бир экземпляры айрыча уллу этилип ва алтын булан накъышланып, бизин пачалыгъыбызыны Президенти В. Путинге савгъат этилип берилгенликни де айтсакъ, Гъ. Оразаевге этилген абур-сый нечик оър даражада экени англашылажакъ. Сөз ёругъуна айтып къояйым, Гъасан Оразаев «Дербент-намени» 1992-нчи, 2012-нчи, 2014-нчю ва 2018-нчи йылларда он беш тилде (дағыстан ва тыш пачалыкъ) китаплар этип басмадан чыгъарды. Шо китапланы умуми санаву алты мингге ювукъ экенин де айрыча эсгерме сюебиз.

Гъасан Магъамматрасолович гъар йыл къумукъ юртлагъа илму сапарлар эте. Ол кёбюсю гъалда Эндирай, Яхсай, Тёбен Къазаныш, Гъели, Къарабудагъент, Кёстек юртларда бола. Бу юртланы тамазалары булан ёлугъа, межитлеке вакъфу этилип берилген тезги арап китапланы, къольязмаланы ахтарып таба. Азербайджанда, Тюркияда, Мисриде, Магъаммат-Мурза Мавраевни Темирханшурадагъы басмаханасында чыкъыган кёп эсги китапланы ва къольязмаланы да тапгъан.

Шо илму маълуматлар Гъасан Оразаев гъар йыл язагъан монографияла-гъа ва макъалалагъа аслам къошум болуп токтый. Амма терен дериясына чомулгъан Гъасан Оразаевге кёп-кёп янгы ахтарывлар этме тюше. Шо мурат булан ол Магъачкъаладагъы, Ставрополь крайдагъы, Аштархан, Ленинград областлардагъы ва Москвадагъы пачалыкъ архивлерде кёп керенлер болгъан, тарыкъ къольязмаланы, эсги китапланы тапгъан.

Гъасан Оразаев Москвадагъы, Санкт-Петербургдагъы, Софиядагъы (Болгария) пачалыкъ китапханалагъа да бир нече керен баргъан. Оланы фондларында Темиркъазыкъ Кавказда, чинкдеси, Дағыстанда аввал заманларда болгъан агъвалатланы гъакъында айтылагъан, тюрк тилде язылгъан кёп къольязмаланы ва эсги китапланы тийишли япыракъларын гёчюрүп алгъан. Чинкдеси, Истамбул шагъарда басмадан чыкъыган Жалалутдин Къоркъмасовну «Константинопольгъа ёл гёрсетивчю» деген багъасы ёкъ китап булан таныш болгъан. Шо архивлерден ва китапханалардан табылгъан материаллары арасындан къумукъ шавхаллар ва башгъа бийлер XVII асруда орус пачаланы атына язгъан кагъылар, ногъайлары орус гъакимлар булангъы политика ва жамият аралыкъларын аян этеген къольязмалар, Санкт-Петербургдагъы император университетни дарс беривчюсю яхсайлы Магъаммат-апенди Османовну гъакъында язылгъан кёп санавдагъы документлер Гъасан Оразаевни илму хазнасына уллу къошум болду.

1994–1995-нчи йылларда Гъасан Оразаев тюрк илму жамиятны чакъырыву булан Анкара шагъарда болду, ондагъы университетлени бирисинде ишледи. Аслу мурат – дюньяда тюрк тилде сёйлейген миллетлени умуми грамматикасын яратмакъ.

Гъасан Оразаев де, башгъа пачалыкълардан гелген ёлдашлар да къаныгъывлу күйде ишлеп, шо илму асарны язып битдирген. Тюркияда яшагъан йылларында Гъасан Оразаев XIX ва XX асрну башында Дагъыстандан гёчюп гетген кёп къумукъ ағылолер булан да, олар яшайғъан юртлар булан да таныш болғын. Къумукъ тамурлары булангъы белгили жамият ва политика чалышывчулар булан лакъыр этген. Бизин къумукълар оъзлени элинден йыракъда яшаса да, тилин, адатларын, культурасын тас этмегенинден эпизис сюонген.

Бютюн Арасейге белгили арабист, тарихи илмуланы доктору, профессор Амри Рзаевич Шихсайтов булай язғын: «Гъасан Магъамматрасолович Оразаевни яратывчулукъ гъаракаты алимлени дюньясында уллу гъйранлыкъ түvdura. Илмуну тарихчилери шону теренден уйренме герек». Гертиден де, Гъасан Оразаев – яллыкъ билмейген алим.

Ол Москвада юргегине этилген операциядан сонг да, курортларда ял ала-ман деп айланмады, шоссагъат ишге гиришип къалды. Бир заманы ичинде бир нече китапны уystюндө ишлей. Бугюнлерде Эндирайли Ташав-Гъажини гъакъында алим ёлдашы Исмайыл Ханмурзаев булан бирче китап язып битген ва узакъ къалмай басмадан чыгъажакъ. Ташав-Гъажи имам Шамилни айтылғын найыбы болғын. Мычыгъышгъа гёчюп, онда кёп йыллар яшагъан, ерли халкъны уллу абурун къазангъан. Саясанда гечинген. Мунда оғъар уллу зиярат ишленген.

Гъасан Оразаевни къумукъланы ислам адабиятына, тюркюлер язғын Умму Камалны, Багъадат Алини, къакъашуралы Абдурагъманнны ва оъзге аввалгъы шаирлери бизни яратывчулугъуна багъышлангъан илму асарлары да терен маъналы экенине бир де шеклик этмейбиз.

Гъасан Оразаев артдагы йылларда басмадан чыгъаргъан «Къумукъ язывчулар. IX-XXI асрлар» (Даггиз, 2014 й., 300 экз.), «Юсуп пайхаммарны гъакъында китап» (изд-во «Абусупиян», 2015 й., 300 экз.), Шихамматкъади Эрпелиини «Гъюсейинни хабары» (изд-во «Абусупиян», 2015 й., 300 экз.). «Ана тилиме савгъят» (изд-во «Алеф», 2018 й., 300 экз.) ва 200 йыллар алъякъда Эндирайни таварихин язғын Къанамат Абдулавовну «Эндирайни таварихи» (изд-во «Абусупиян», 2020 й., 300 экз.) деген китапларын да эсгерсек, ол къумукъ халкъ учун этеген марипатлы ишлени нечик уллу агъамияты барын ташдырма болабыз.

Гъасан Оразаев – къумукъ халкъны разилигин къазангъан алим. Оғъар къумукълар «бизин халкъ алимибиз» деп де айта. Шо буса оғъар пачалыкъ бермеген гъюреметли атлардан да сыйлы.

Гъасан да, Умрагъыл де оъзлени татывлу агълюсюнде уъч авлетни оъсдюрген ва тарбиялагъан. Олар уучевю де оър билимлер де алып, онгача ағылолер де къуруп, иш булан да машгъул болуп, яшавда оъз ерин тапгъанлар.

Бугюнлерде Россияны язывчуларыны соозуну члени, алим, таржумачы, публицист Гъасан Магъамматрасолович Оразаевге 75 йыл бите. Биз ону

юбилейи булан гъакъ юрекден къутлайбыз. Гёз алгъа тутгъан муратларына  
етишмек учун огъар яхшы савлукъ, узакъ оымюр ва хадиргүонлер ёрайбыз.

Сапар чыкъсанг, къачып гече юхунг да,  
Тангаланы танг къатывун гёзлейсен.  
Эжеллени яшырылгъан зухунда  
Тарихни къольязмаларын излейсен.

Тапгъанларынг тёбе – аракъ болса да,  
Бирдагъы да умут булан яшайсан.  
Пагъму якъдан tengлешдирип алса да,  
Абусупиян апендиге ошайсан.

**Магъаммат-Наби ХАЛИЛОВ,**  
**шайр ва язывчү.**



*Аявлу охувчулар!  
Ана тилибизде чыгъагъан  
«Тангчолпан» журналына  
язылма унутуп  
къалмагъыз!*

# *Паржумалар*

---

АНЕМПОДИСТ СОФРОНОВ – АЛАМПА,  
якъут халкъыны уллу шаири

\*\*\*

Изну бер магъа йырлама,  
Изну бер!  
Неге сен къоймайсан йырлама мени?  
Изну бер магъа йырлама,  
Изну бер!  
Къой дагъы йырлайым, йырлайым энни!  
Бал юхунгну бёлмен сени мен,  
Ойларынгны агъымын уъзмен,  
Уъркютмен къушларын  
Юхунгну сени...  
Сакълыгъын бузман!  
Аста-аста,  
Чыгъармай сесим,  
Ичимден сарнайым, къой да!  
Пашман этмен сени  
Осал йыр йырлап,  
Йылатман юрингинг,  
Зар йырым сарнап.  
Уятмас сени гъеч  
Къычырыкъ сесим,  
Гётеринк авазым  
Эшитмес гъеч ким!  
Аста-аста,  
Чыгъармай сесим,  
Ичимден сарнайым, къой да!  
Йырлайым юхулу  
Юзюнгню гъайран,  
Чиллесин чачынгны  
Эшилген гъайран.  
Къашларынгны къара  
Тюбюндөн таба  
Ачылып гелеген  
Гёзлени къара  
Йырлайым ярыгъын,  
Йырлама къой да!  
Йырлайым къызаргъан  
Къызыл энглеринг,  
Ошайгъян гюлюне

Оъзек ерлени.  
Эринлер ачылса,  
Къувлуп янагъан  
Инжи тишлерингни  
Йырлайым, къой да!  
Тынышынг тербетип,  
Ойнайгъан юваши  
Тёшюнгню толкъунун  
Йырлайым, къой да!  
Аста -аста,  
Чыгъармай сесим,  
Ичимден йырлайым,  
Йырлама къой да!  
Гюнешдей ярыгъын  
Яйгъан оърлерде,  
Йырлайым бир сени  
Барынг ерлерде!  
Янгыз сен тарыкъсан,  
Тарыкъсан магъа.  
Дюньяны малындан  
Артыкъсан магъа!  
Сюемен сени мен  
Къайнар къанымдан,  
Артыкъсан магъа сен  
Азиз жанымдан.  
Гъазирмен гюйме  
Сени учун отда,  
Учурумдан учма,  
Ташгъында акъма.  
Сени учун гюллеге  
Тёшюм берермен,  
Кепинг бузмас учун  
Оъзюм оълермен.  
Бюс-бютюн оъмюром  
Сагъа багъышлап,  
Яшарман янгыз бир  
Сени алгъышлап.  
Неге сен къоймайсан йырлама мени?  
Къой дагъы йырлайым, йырлайым энни!  
Аста -аста,  
Чыгъармай сесим,  
Ичимден йырлайым!  
Йырлайым, къой да!

*Къумукъ тилине Супиянат Мамаева таржума этген.*



Марина ЦВЕТАЕВА

\*\*\*

Бир де болуп чачырайгъан тамычылар,  
Яшмынлагъа ошап бир де мекенли,  
Кёп алда мен язагъан шиърулар,  
Билмей эдим оьзюм шаир экенни.

Яшлыкъ гъакъда, ойлюм гъакъда язылгъан  
Шиъруларым, болуп шайтан балалар,  
Тюлюмде де къарсалатма къасткъылгъан,  
Тюшюмде де къара къувун салалар.

Шиъруларым тура мени чанг басып,  
Тюкенлерде ташлангъан ез багъырдай,  
Эрте, не геч чыгъар бугъай багъасы,  
Кюмеслерде кёп йыллангъан чагъырдай.

\*\*\*

Бир терезе бар,  
Ярыгъы яна.  
Не де ойдалар,  
Не де йыбана.

Экев шат куйде  
Не йыбанч сезе.  
Бола гъар уйде  
Шолай терезе.

Я досу йыракъ,  
Ювукъму – сюонч.

Яна юз чыракъ,  
Яда буса – уъч.

Башым шо гъакъда  
Ойлардан толгъан.  
Мен бар ожакъ да  
Шо куйде болгъан.

Яна о неге  
Сёнмей нече йыл?  
Ярыкъ терезеге,  
Досум, сужда къыл!

\*\*\*

Акъгъа къара деп айтса,  
Болур артда гьёкюнчлю.  
Къаргыш башына къайтса,  
Дюньяны суду гючлю.

Сёгюп ольтоп бара гюн,  
Сёк, не этесен сакъ болуп?!  
Балики, мен шо къара гюн  
Тирилермен акъ болуп.

\*\*\*

Айтылмагъанман элге,  
Беземисгин яшайман.  
Йыракъ атавдан гелген  
Ят гишиге ошайман.

Этмей халкъга писирев,  
Юхум къачып ятарман.  
Аш биширсин деп бирев,  
Үюмню яллатарман.

Къарадынг – танышымсан,  
Уйге гирдингми – яша.

Къылыкълы болур инсан,  
Къылыкъ къангъа къатыша.

Кепиме гелсе, айны  
Къондуарман аяма,  
О мени ушатмаймы,  
Гетсин! Ону аяман.

Бичакъ салгъан ярагъа  
Къарайман, жыйып гючюм,  
Сувгъа гёзю къарагъан  
Бир ятгъа етмек учун.

\*\*\*

Барасан, таныш гиши,  
Башынг саллангъан гъалда.  
Гъона, сендей мердешим,  
Бар эди мени алда.

Оху сен, ольтоп гетмей,  
Не язгъан сынташыма.  
Атым – Марина. Этмей,  
Оылдум нече яшыма.

Къабурдан къоркъма энни,  
Кюле. Ачмасман гёзюм.  
Кюлеме тюшмейгенде,  
Кёп кюлегенмен оъзюм.

Сюйгенмен сюегенде,  
Яш чагъымда, озокъда.

Ольтоп гетгенмен мен де,  
Ольтоп гетгинче, токъта.

Токъта, юлкъуп ал чечек,  
Ал, аша къыр жиелек.  
Къабурда оысгенге, бек  
Татывлу болма герек.

Башынгны тёбен салма,  
Пашманлыкъны къой энни.  
Тынч мени эсге алма,  
Унутма да тынч мени.

Нюр ява сагъа шундан,  
Сен тюшмегин абурдан...  
Силкинме тавушумдан  
Чалынагъан къабурдан.

*Къумукъчагъа ШАЛЬБЕРИЕВ гёчюрген.*

## *Ана тил – алтын хазна*

---



**Абдулкерим САЙТОВ,**  
педагогика илмұлданы кандидаты

### **КЪУМУКЪ ТИЛНИ ОРФОГРАФИЯСЫ (ТЮЗЪЯЗЫВ) ВА ПУНКТУАЦИЯСЫ (ТОКЪТАВ БЕЛГИЛЕР)**

Къумукъ тилни грамматикасында гъалиге ерли чечилмеген яда толу чечилмеген масъалалар бар. Шо масъалалар, биринчилей, авуз тилде къумукъ тилни орфоэпиясы (тюз сёйлев), языв тилде орфографиясы (тюзъязыв – термин гысапда шулай язылма таклиф этиле) ва пунктуациясы (токътав белгилер) булан байлавлу. Бизин школа охув китапларыбызда, чебер китапларда, къумукъ тилде чыгъаяған печат къуралларда, радио ва телевидение берилишлерде, йыравланы тилинде гъар тюрлю янгылышлар ёлгъя йибериле. Олар, гүндөн гюң көп болса тюгюл, аз болмай, шо буса тилибизни сакълав ва оъсдюров йимик ағьамиятлы масъалалагъа уллу четимликлер түвдүра. Бугюн биз шоланы алдын алмакъ муратда, уystюнде токътап, тилилму гөзден ахтарып, себеплерин ачыкъ этип, бир ёрукъгъя, низамгъа салып, сёйлев ва языв нормаланы мекенлешдиреген къайдалаланы уystюнде иш гёрюп турабыз.

Бу тема ("Къумукъ тилни орфографиясы ва пунктуациясы") мени Дағыстан илму центры тасдықъ этген планлықъ темам. Биз ону негъакъ алмагъанбыз: гележекде янгыртылып, толумлашдырылып чыкъмагъя герек орфография сёзлюкню гөзалгъа тутуп, къумукъча язып турабыз.

Бу ишде биз къумукъ тилни орфография сёзлюклерин савлай гери урмайбыз, реформа этмейбиз, олагъя таянабыз ва аслу ичделигин сакълайбыз. Озокъда, эсгерилип гетгени йимик, чечилме герек масъалалар бар. Кюрчю гысапда 3.3. Бамматов, А.Г. Магъамматов, Ж.М. Хангишиев 1989 –нчу йылда чыгъарагъан "Къумукъ орфографиясы ва орфография сёзлюгю" деген сёзлюкню алғынбыз.

Гетген йыл республиканы Гъукуматыны янындан ана тиллерден орфография комиссиялар къурулгъан. Узакъ къалмай, шолар иш гёрмеге герек. Биз,

шо комиссияны члени гысапда, ойрде эсгерилген масъалаланы уьстюнде алданокъ ишге гиришгенбиз. Къумукъ тилни орфографиясыны ва пунктуациясыны гъакъында материал, бёлюклеге бёлюнүп, газетибизде чыгъарылажакъ.

Ишни мукъаятлы кютмек, бирликге гелмек учун, тилимчулар, муаллимлер, къумукъ тилге иштагъылар булан пикру алышдырмакъ тийишлидир.

## **Къумукъ тилде алынгъан сёзлени язылыши**

Шу макъалада къумукъ тилге ойзге тиллерден гирген сёзлени айтылышы ва язылыши гъакъында сёйлене.

Къайсы тилни де лексика байлыгъында ойзге тиллерден алынып къолланагъан сёзлер белгили ерни тута. Гъалиги къумукъ тилде арап, фарс, орус тиллерден, орус тилден таба ойзге Европа тиллерден алынгъан хыйлы сёз къоллана (бир-бир диалектлерде ерли тиллерден гирген сёзлер де къоллана, масала, гъайдакъ, тавтюп диалектлерде дарги тилден гирген сёзлер бар). Бугюн къумукъ адабият тилде ойзге тиллерден алынып къоолланагъан сёзлени санаву савлай къумукъ тилни лексикасыны 25–35 % –ин тутуп токътай. Шо сёзлени санаву тилде арта, демек, къумукъ тилни гъалиги заманда лексика байлыгъын артдырывда шу гыл аслу ёл болуп токътай. Оланы бирлери ойз тилинде нечик языла буса, къумукъ тилде де шолай языла, айрокъда арт вакътилерде гиргенлери; бирлери къумукъ тилни ич законларына кюрчүленип языла. Буланы тюз язылышин бир къайдагъа гийирип бажарылмай. Буссагъатгы деворде ойзге милли тиллерде де ахтарывчуланы арасында бу масъалагъа гёз къаратывлар къыйышып гелмей, бир ёрукъгъа салынмагъан.

Белгили йимик, къумукъ алфавит орус алфавитни кюрчюсонде къабул этилген. Къумукъ алфавитдеги бары да гъарплар эки де тилде бир йимик языв-белгилер (графика белгилер) булан бериле буса да, олар англатагъан авазланы арасында кёп башгъалыкълар бар, айрокъда тутукъ авазланы арасында. Бугюн орус ва къумукъ эки тилни янаша уйренивню натижасында (двуязычие) къумукъланы авуз тилинде ва языунда кёп къадарда хаталар тувлуна.

А. Халидов ойзюню 2014-нчю йылда Грозный шагъарда чыкъын "Мычыгъыш тилни орфография нормаларын низамгъа салывну проекти" деген китабында "Алынгъан сёзлени язылыши тилде нечик айтыла буса, шолай язылма герек", – деп яза (бу ердеги ва гелеген гёчюрювлер – бизинки. – С.А.). Авторну бу сёзлери къумукъ тилни бугюнгю гылана да къыйыша. Арт вакътилерде айры-айры чебер асарланы ичинде ёлугъагъан, тилде эркин къолланагъан орус тилден гелген ва гелип турагъан сёзлеге бугюнгэ къыйышагъан процессге йимик къарамагъа тюше, неге тюгюл халкъланы дюнья ойлчевионде социал-экономика, маданият, инчесаният, илму аралыкълар, гъалиги алдынлы технологияланы къоллав, техника, спорт терминлени халкъара ойлчевде къолланышы бары да халкълагъа ортакъ. Шоланы бирлерин биз гёчюрюп къоллай бусакъ да, бирлерин гёчюрюп болмайбыз, алынгъан күйде къоллама борчлубуз. Булай сёзлер тилни бай этсе тюгюл, ону ярлы этмей.

Бугюн халкъны умуми билим даражасы артгъан, къумукъланы, айрокъда шагъарлы къумукъланы орусча сёйлевю орус тилни нормаларыны дазусундан чыкъмай. Демек, арт вакътиде тилге гелеген сёзлени, ал вакътилерде йимик,

къумукъ тилни законларына къыйышдырып, алышдырып къолламакъны маңнасы ёкъ. Масала, компьютер, интернет, сайт, сервер, файл, факс, офис, фирма ва ш. б. сёзлер къумукъланы тилинде орус тилде йимик айтыла ва языла. Оланы эсги къайдалагъа къыйышдырмакъны бир маңнасы да ёкъ: бугун опис, пайл, пирма деп бирев да айтмай.

Тюпде къумукъ тилде шолай сёzlени язылышыны къайдалары бериле.

1. Ерли тиллерден гелген сёзлер, арап, фарс тиллерден гелген сёзлер фонетика принципге гёре (къумукъча айтылагъан күйде) языла: хуцири, мичари, ханц, китап, себеп, касбу, илму, муаллим, ренк, мурат ва ш. б.

Эсгери. Къумукъ тилде сёznю ахырында [д], [б], [ѓ] авазлар къолланмай. Арап ва фарс тиллерден гелген сёzlени ахырындагъы шо авазлар оyzлени санғырав жутларына айланып айтыла ва шолай да языла: т, п, к, амма шолай сёzлер түрленип, эки созукъну арасында къолланса, шо тутукълар янғырав жутларына айлана ва шолай да языла: китап – китабы, мурат – мурады, тек бир-бир сёzлерде шолай алышыныв болмай: Мурат –Мураты, ренк – ренки. Бу къайдагъа орус тилден гелген сёzlени язылышы бойсынмай: доклад – доклады, клуб – клубу, митинг – митинги ва ш. б.

2. Орус тилден гелген сёzlени язылышы эки аслу къайдагъа таби бола:

2. 1. Къумукъ тилге тездөн гелип, ону аваз къурулушуна къыйышып битген сёzлер къумукъча айтылагъан күйде языла (фонетика принцип). Масала: педире, кампет, газет, картоп, пуржун, кепек, сигарет, машин.

Шулай сёzlени арасында бирлери арт вакътилерде, айрокъда яшёрюмлени тилинде, орус тилде йимик айтылып къолланып башлагъан. Биз сойсек де, сюймесек де, бара-бара бу сёzлер орус тилде йимик язылма да язылашакъ (тилде язывдан авуз сёйлев таъсирли болуп токътай). Булай процесс оyzге тиллерде де юрюлоп тура, ону токътатып болмай. Шо себепден къумукъ тилде бу тайпа сёzlени эки тюрлю айтылыши ва язылыши гъалиге сакъланып тура. Масала: карават – кровать, паннуз – поднос, поч – почта, сумавар – самовар, панар – фонарь, квартир – квартира, кас – касса, тон – тонна ва оyzг.

2. 2. Къумукъ тилге шартлы күйде XX-нчы юз йылны 30-нчы йыллардан башлап 60-нчы йылларына ерли (мунда мекенли йылны токъташдырып болмай) яшав аралыкълар, политика, экономика, илму, техника, маданият ва башгъя тармакълар булан байлавлу сёzлер, айтылышинда башгъялакълар сакъланса да, орусча нечик языла буса, къумукъ тилде де шолай языла: социализм, коммунизм, комсомол, партия, бюро, авиация, блокнот, вокзал, архитектор, ателье, агроном, бригадир, комбайн, доклад ва ш. б.

Бу къайдагъа гёре Б.Г. Бамматовну артда чыкъгъан сёzлюгүндеги орус тилден алынгъан сёzlени язылышин англатагъан айры-айры къайдалар гючюн тас эте. Масала:

1) эки бир йимик тутукъ авазгъа (лл, мм,сс) битетен сёzлерде бир тутукъ языла: клас, метал, грам (уыстдеги къайдагъа гёре олар оyzюню орус тилдеги язылышин сакълай: класс, металл, грамм);

2) орус тилден алынгъан сёzlени ичинде [а] аваз йимик айтылагъан о гъарп болса, язылышинда о сакълана: помидор [памидор], подвал [падвал], носилка [насилка], локомотив [лакаматив], поэма [паэма], политика [палитика] ва ш. б.

## **Э с г е р и в л е р.**

1. Орус тилде **-ск** гесекге битеген шагъарланы, юртланы атларына тутукъ авазгъа башланагъан къошумча къошулса, **-ски** деп, **-и** къошулуп айтыла ва шолай да языла: Буйнакск – Буйнаксиге, Мурманск – Мурманскиде, Каспийск – Каспийскиде.

2. Орус тилде **-ист** гесекге битеген сёзлерден къошумча къошулуп этилген сыпатлыгъы булангъы белгилевчю сёзтагъымлар къумукъ тилге бар кюонде алынмай, алынса да, "родда" гелишив не айтылышда, не язылышда сакъланмай: коммунистическая партия – коммунист партия, социалистические идеи – социалист идеялар, капиталистическое государство – капиталист гъукамат.

3. **ь** белгиге битеген орус сёзлер къумукъ тилде баш гелишде язылышын сакълай, къошумчалар къошулгъанда, **ь** тюшюрюле: печать – печатча, тетрадь – тетрадны, учитель – учителден.

Бу ерде булаг затны эсгерме герек: **ь** ва **ъ** къумукъ тилде янгыз айырыв къуллукъну кюте (тек орус тилден гелген къалын аваздан сонг [л] авазгъа битеген бир нече сёзде йымышакълыкъны гёрсетмек учун **ь** сакълана: фестиваль – фестивальда, роль – рольгъа, медаль – медальны (бу сёзлер кёплюк санавда къоллангъанда **ь** тюшюрюлюп языла: фестиваллар, роллар, медаллар), толь – тольну; модаль сёз).

Гъасил этип айтсакъ, къумукъ тилге орус тилден гелген ва гелип турагъан сёзлер къумукъланы бугюнгю сёйлев тилинде нечик айтыла буса, шолай язылма да герек:

Эсгерив. Орус тилде оъзлерде [а] йимик айтылагъан, тек о язылагъан сёзлер, **ь** белгиге битеген сёзлер бу къайдагъа гирмей: помидор, политика; [тетрат] – тетрадь, [печат] – печать.

Бу эсгеривню аслу маънасы – охувчуланы ана тилге уйретивде эки де тилде къолланагъан шулай сёзлени язылышинда бирликни сакъламакъ, дагы ёгъесе булгъавур бола; оланы айтылышиндагъы башгъалыкъланы муаллим яшлагъа англатмагъа герек.

## **Къошма сёзлени тюзъязыв къайдалары** **Къошма сёзлени гъакъында англав.**

Къумукъ орфографияда къошма сёзлени язылыши лап да четим масъала-лардан санала.

Къошма сёзлени тюзъязыв къайдаларына гиришгенче, башлап "къошма сёз" деген англавну устьонде токътамакъ тийишли, неге тюгюл бугюнге ерли, умуми тюркологияда "къошма сёз" деген англав тезден мекенлешдирилген буса да, бир-бир ахтарывчуланы бу масъалагъа гёзкъаратывлары толу күйде рас гелмей.

Къумукъ тилде гъали болгъанча къошма сёзлер ахтарылмагъан десек, тюз болмас: къумукъ тилилмуда шо масъалалагъа, теренден болмаса да, тюрлю даражаларда гёзкъаратывлар бар. Буса да къошма сёзлени сёзтагъымлар, бирикген сёзтагъымлар булангъы аралыгъы ва оланы хас айрылыкълары,

язылышы йимик масъалалар бугюн мекенли чечилмеген. Белгили тюрколог Н.К. Дмитриев оъзюню "Грамматика кумыкского языка" деген китабында шо масъаланы устюнде къысгъача токътагъан [Дмитриев 1940].

Ондан къайры, гъалиги вакътиде чыкъгъан бир-бир макъалаларда [Сайдов 2010, 2013, 2015, 2016], монографияларда [Хангишиев 1995], [Сайдов, Адукова 2015] ва якълангъан кандидатлыкъ диссертацияларда [Махмудова 2005, Зубайлова 2005, Абдулаева 2003, Махтиев 2002] къошма сёzlени этилиши ва язылышы бир къадар ахтарылгъан. Шоланы арасында айрыча къошма сёzlеге багъышлангъан Р.М. Зубайлованы "Образование сложных слов в кумыкском языке" деген кандидатлыкъ диссертациясын эсгермеге ярай. Бу ишде, къошма сёzlени тюз язылышыны гъакъында теренден айттылмаса да, оланы этилеген къайдалары, компонентлерини къурулуш-маъна аралыкълары гъакъында берилиген англавлар тюзязыв къайдаланы бир ёрукъгъа салмагъа имканлыкъ бере. Диссертацияда къошма сёzlени оъзге сёzлерден башгъалыгъын гёрсете-ген хас белги гъисапда оланы бир маъна берегенлиги ва жумлада бир уюор болуп гелегенлиги эсериле. Р.М. Зубайлова язагъян кюйде, "къумукъ тилде къошма сёznю компонентлери оъзге толу маъналы сёз булан бёлюнюп болмай, демек, оланы мезгил аралыгъы болмай. Мисал учун, акъкъуш, балжибин, къа-тынгиши деген сёzlени компонентлерин бир тюрлю сёз булан айырып болмай. Эгер де шолай этсе, олар айрыча синтаксис гесеклер гъисапда къоллана ва бир-лигин тас эте" [Зубайлова 2005; 8 – 9 б.].

Къумукъ орфографияда къошма сёzlени ва сёztагъымланы язылышын, оланы бир-бириндөн айырагъан башгъалыкъларын англатагъан къайдалар бар. Тилде шо къайдалар, орфография сёzлюгүндө жыйылып, топланып бериле.

Олар – алдан берли гелип, юрюлюп турагъан мердешлер. Кёбюсю къу-мукъ тилни оъзюне хас айрылыкъларын, ич законларын гёзалгъа тутмай, аслу гъалда орус тилге таянып къурулгъан деп айтмагъа ярай. Къумукъ орфография сёzлюк бир йимик къурулушу булангъы, маъна якъдан къыйышагъан къошма атланы башгъа-башгъа язылышын ёлгъа йибере. Масала, тенглештир: къара + къуш > къаракъуш, тек: къол + къап > къолгъап?! Къумукъ тилде чыгъагъан тюрлю-тюрлю къуралланы алып, охуп къарасакъ, бир йимик, бир къайдагъа гёре язылма герек сёzлер башгъа-башгъа кюйде язылып юрюлегенни гёребиз. Бу гъал муаллимлени, газет-журнал къуллукъчуланы, алимлени ишинде че-тимликлер тувдурা.

Къумукъ тилни артда чыкъгъан орфография сёzлюклеринде [Бамматов, Магъамматов 1965, Бамматов ва оъзг. 1989, Бамматов 2005] къошма сёzlени язылышында кёп башгъалыкълар ёлугъа. Мисал учун, къумукъ тилде созукъ оъ сёznю янгыз башында языла деген къайда бар. "Сёznю ичинде [оъ] эшити-леген ерде буса ё языла, масала: яшёрюм" [Бамматов 2005; 19] (шу къайда уь гъарп (аваз) булангъы сёzlеге де ортакъ – ашпой – С. А.). Бу ерде шу сёznю язылышына тергев берейик: къонакъой – къумукъ тилни ич законларына, къу-рулушуна бирдокъда къыйышмай, неге тюгюл къатты тутукъланы къырыйын-да инче созукълар къолланмай; ондан къайры, [къ] къумукъ тилде дайм къатты аваз санала. Эгер орус тилде къонакъой «гостиная (комната); гостиница» деп бир тамурдан этилип, бир предметни англата буса, къумукъ тилде олай тюгюл;

бу къалипдеги бары да сёзлени орус тилге къыйышдырып язып туруп бажарылмай. Шу тайпа къошма сёзлени, шоланы арасында топонимлени де, экинчи сёзю е, ё, ю, я, оь, уь гъарплар булан башланып гелегенлерини язылыши, мекенли токъташдырылып, тилде артыкъ четимликлер тувдурмайгъан күйде бир къайдагъа гийирилмеге герек

Гетген асруну 80-нчи йыллары болгъунча, янги сёзлюклер Дагыстан Республиканы гъукуматыны янындан белгили алымлерден, тилилму къуллукъчулардан, язывчулардан, комиссия къуруулуп, шо комиссияны таклифлерине асасланып, басмадан чыгъарыла эди. Бизин артда чыкъгъан орфография сёзлюклибиз шолай сиптечилик булан чыкъмагъан, демек, оланы биз ойрде эсгерген күйде борч этип къарамакъ борч тюгюл болуп токътай. Олай демек, гъар адам оьзю суюген, билеген къайдагъа гёре язмакъ демек тюгюл. Бизин аслу ой – «Къумукъ тилни орфография сёзлюгю», комиссия къуруулуп, ону таклифлерине гёре камиллешдирилип, тийишли даражада янгыртылып чыгъарылма герек.

Шо кемчиликлени, тилилму гёзден ахтарып, себеплерин ачыкъ этип, къумукъ тилде тюзъязыв къайдаланы камиллешдирип, янги сёзлюк чыгъармакъ – алдыбызда токътагъан аслу борч. Шу ишде, озокъда, къумукъ тилни алымлери, муаллимлери, тилге иштагълы адамлар да, оьз пикруларын айтып, язып, ортакъчылыкъ этмеге герек.

## Жынс къошма атлыкъланы тюз язылыши

Къумукъ тилде къошма атлыкълар аслу гъалда синтаксис къайдада этиле, демек, янги сёз сёзлени къошуулмакълыгъыны натижасында яратыла. Бу тайпа къошма атлыкълар тюрлю-тюрлю ёлларда этиле ва бир нече бёлюклеге айрыла.

1. Къошуулмагъан атлыкълар. Бу бёлюкге бир сёзню маънасын береген, сёзтагъымлар гире: арба ёл, темир ёл, юрт яшав, арт там, ал бет.

Бу тайпа сёзтагъымланы бирикмегенлиги – оланы ичиндеги биринчи сёзюно экинчи сёзге белгилевюоч гысапда маъна даражасы гючлю сакълангъанлыкъ, шо буса сёзтагъымны ичиндеги сёзлени оъзбашлыгъын артдыра. Булай сёзлер айры языла.

2. Къошуулгъан атлыкълар. Бу бёлюкге айры алгъанда бир-бирин белгилеп гелеген янашыв аралыкълары булангъы атлыкълар гире. Къайсы тил гесимлерден этилген кююне къарап, бу тайпа атлыкълар бир нече бёлюкге бёлюне:

а) атлыкъ + атлыкъ: белбав, ашкъазан, ташкёмор, бакъаяпыракъ, къазот, тирменташ, оъгюзьемиш, инжичечек (ландыш), къазбурун.

б) сыпатлыкъ + атлыкъ: къаракъуш, акъкъуш, ачгючюк, ачгёз, акъсакъал, гёкчечек (vasilek), акъчечек (ромашка), акътерек, акътал.

в) санавлукъ + атлыкъ: уьчмююш, дёртмююш, къыркъаякъ, бешбармакъ (аш), экигёз (вероника).

г) атлыкъ + ишлик: гюлайлан, гюнчыгъар, гюнбатар, къушкъонмас (терек).

Булай сёзлер къошуулуп языла.

3. Оъзге тюрлю къуруулушу булангъы атлар да, аз буса да, ёлугъя: айлангюл (ишлик + атлыкъ), оъгюзала (атлыкъ + сыпатлыкъ), хашхащ, шакъшакъ, шаршар, гюргюр (уынлюк + уынлюк).

4. Къумукъ тилде чалмюк (жут) атлыкълар, къурулуш – маъна аралыкъла-рына къарап, тюрлю-тюрлю бёлюклеге айрыла. Булагъ къошма сёзлер арасы-на кысгъя гызы салынып языла: дос-къардаш, ата-ана, алыш-бериш, тав-таш, уй-эшик, къолдан-къол, яш-юш, къарт-къурт, зат-мат, акъча-макъча, увакъ-ти-ек, савут-саба, гъапур-чупур, эсер-месер.

5. Къумукъ тилде къошма сёзлени экинчи сёзю [оъ], [уъ] авазлагъа башлана буса, язывда да ё, ю гъарплар языла:

Масала: яш + оърюм > яшёрюм, аш + уй > ашой.

Бу къайда къумукъ тилде къабул этилингени йигирма йыллар бола. Шо заман болгъанча булагъ сёзлер айры язылып, оъзбашына къолланагъян простой сёзлер гысапда къараплып гелген. Амма шулай язылыш къумукъ тилде четимликлер тувдурмай болмай. Шо гъал айрокъда топонимлени язылышында гёрюнүп тура.

## Хас къошма атлыкъланы тюз язылыши

Топонимлени язылыши.

Шу сёзлени язылышина тергев берейик: Атланоъзен, Бугленоъзен, Шураоъзен, Къараоъзен – сёзлюкде бу сёзлени язылышина оърде гелтирилген къайдалар бузула (эки созукъ янаша гелген сёзлер; сёзню ичинде **оъ** гъарпны къоллан-майгъанлыгъы).

Ерлени, сувланы, юртланы, шагъарланы къошма атларыны бары да бёлюклери къошуулуп, бирче языла. Масала: Ботаорт, Гёктёбе, Акъоъзен, Къарасув, Бета-вул ва ш. б. Эгерив: а) юртланы ва шагъарланы атларыны алдында белгилейген сёзлер къоллана буса, шолай къошма сёзлер айры ва уллу гъарплар булан башланып языла, масала: Адил Янгыорт, Оър Къазаныш, Тёбен Жюнгютей ва ш. б.; б) денгизлени, океанланы, тавланы атлары, уллу гъарп булан башланып, айры языла, масала: Къара денгиз, Къазаныш тавлар, Таргъу тав, Урал тавлар ... ва ш. б. (27 – 28 б.).

Айры язылагъян Адил Янгыорт, Оър Къазаныш юртланы атларына –лы / –ли / –лу/ – лю къошумчалар къошуулуп этилген сыпатлыкълар, гиччи гъарп бу-лан башланып, бирче языла: адильянгыортлу, оъркъазанышлы ва б. Орус тилде шу юртланы атларын (ва олардан этилген сыпатлыкъланы) къошма сёзлер гы-сапда язылыши онглу деп гысап этме ярай: «Адильянгиорт – адильянгиортов-ский; Султанянгиорт – султанянгиортовский», тек «Верхнее Казанище – верх-неказанищенский, Нижний Дженгутай – нижнедженгутаевский», демек, орусча къошма атларда белгилейген сёз (апеллятив) даражалы сыпатлыкъдан (прилага-тельноеден) этилген буса, олар айры языла, атлыкълардан этилген буса – къошу-луп языла.

Къумукъ тилде шоланы, бир къайдагъа гийирип, барын да къошууп язса, булгъавур аз болар: Адильянгыорт, Солтанъянгыорт, Тёбенкъазаныш, Оър-къазаныш, Уллубойнакъ, Гиччибойнакъ ва ш. б. Бу топонимлер уч тамурдан ясалгъян бары да айрыча бир мекенли предметни – юртланы атларын англата. Шолай уч тамурдан бирликен Гъажимажагъяторт, Акъболаторт къошуулуп, бирче язылып къоллана. Оланы айры язып гёrsетмеге маънасы ёкъ. Амма булар булан тенглещиргенде, айры-айры ерлеге тагъылгъян атланы язылыши башгъя:

Тенглещдиригиз: Тюе учгъан яр, Акъсакъ Темирни ору, Паси сувну этегинде-ги тогъай (Мычыгъыш Республикадагъы Борагъанортну тагылгъан атларындан). Сёзлюкде берилген 3-нчю пункктгъа гёре шулай топонимлени къошуп язма герек?! Къошуп язып, охуп къарагъыз. Булар, бары да бир баш уюрю булангъы простой жумлалар, бир атны англата буса да, гъар сёзю, озокъда, айры язылма герек.

Биз ойлашагъан күйде, къумукъ тилде эки сёзден къурулгъан къошма топонимлени (хас атланы) язылышиң, оланы арасындагъы байлавну гёзалгъа тутуп, бир къайдагъа гелтирме герек. Масала, вариантылар: 1) эки сёзло топонимлени арасындагъы байлав изафетни биринчи къалибинде буса (баш иесиндеги атлыкъ + баш иесиндеги атлыкъ), олар бирче языла: Къумукъ + тюз > Къумукътюз, Таргъу + тав > Таргъутав, Узай + булакъ > Узайбулакъ, Аташкъотан, Къойсув, Аркъабаш (тек Урал тавлар, Памир тавлар); 2-3-нчю къалиплеринде буса, айры языла: Мычыгъыш таласы, (2-нчи изафет); Чочавну ерлери, Мусаны агъачы (3-нчю изафет); 2) 3-нчю пунктну сёзлюкде берилген күйде къоллама ярай (тек о сёзлюкде сакъланмай): Къызыльяр, Киназъёл, Сайитъер ва б.

Учч-дёрт сёзден къурулгъан къошма топонимлер, биринчи сёзю уллу гъарп булан башланып, айры языла: Тюе учгъан яр, Акъсакъ Темирни ору, Паси сувну этегиндеги тогъай (Мычыгъыш Республикадагъы Борагъанортну тагылгъан атларындан), Къыз учгъан яр ва б. (Сёзлюкде берилген 3-нчю пункктгъа гёре шулай топонимлени къошуп язма герек?! Къошуп язып, охуп къарагъыз. Булар, бары да бир баш уюрю булангъы простой жумлалар, бир атны англата буса да, гъар сёзю айры язылма герек).

Учч ва уччен кёп сёзден къурулгъан суратлав формада къолланагъан къошма сёзлер, гъар сёзю, гиччи гъарплар булан башланып, айры языла. Буланы то-понимлерден айырып билмеге тарыкъ: ит оылген ер, футбол ойнайгъан майдан; шулай сёзлени башында (яда ичинде) топоним бар буса, шо уллу гъарп булан, къалгъан сёзлер гиччи гъарп булан языла: Уллагъачны ичиндеги къоз талалар, Акъташ оъзен акъгъан ер.

Сёзлюкдеги къайдалар къумукъ тилде ёлугъагъан топонимлени маъна – къурулуш якъдан бары да жураларын къуршамай; берилген эсгеривлер де, къошма атланы язылышиң булгъаса тюгюл, мекенлешдирмей. Сёзлюкню ичинде, ахырындагъы списокда, эсгерилген география атланы эки тюрлю язылыши ёлугъа. Масала: Сапараликъотан / Сапарали къотан, Таргъутав / Таргъу тав; Къазикъумукъойсув, Къаракъойсув, Аваркъойсув – къошуулуп берилген, ола-гъа ошагъан Солакъ Къойсув айры язылгъан. 3 – нчю пункттгъа гёре тюз, амма эсгеривни «а» пунктуна гёре айры язылма герек – Авар Къойсув, Къазикъумукъ Къойсув, Къара Къойсув.


Сёзлюкдеги шулай ва оъзге тюрлю гъаллар къумукъ тилни тюзъязывун бир ёрукъгъа салмагъа четим эти. Биз ойлашагъан күйде, шулай къошма сёзлер, тилде артыкъ четимликлер тувдурмайгъан күйде бир къайдагъа гийирилме герек: Акъ Оъзен (Акъ оъзен, Акъоъзен, Акъ–оъзен, Акъёзен, Агъёзен); Шура Оъзен (Шура оъзен, Шураоъзен, Шура–оъзен, Шурёзен); Къызыльяр (Къызыл Яр, Къызыл яр), Сайитъер (Сайит ер, Сайит Ер); Киназъёл (Киназ ёл, Киназ Ёл), Къойсувъягъа (Къойсув ягъа, Къойсув Ягъа).

## **Адамланы атларыны язылышы.**

Адамланы атларыны язылышында къумукъ тилде гъалиге ерли бирлик ёкъ. Гъар диалектде адамлагъя берилген атлар ойзтёре чайтыла да языла. Шо себепден атланы языунда фонетика принцип толу кюйде сакълана: Илмухан (Хасавюрт диалект – ХД) – Илмуханум (Буйнакск диалект – БД), Жамалдин (ХД) – Жамалитдин, Жамалитдин (БД) да ш. б.

Къумукъ атлыкъда эки сёзден бирликен къошма атлар аслу ерни тута. Оланы кёбюсю арап тилден гелген. Булай атланы арасында учь сёзден (тамурдан) бирликенлери де бар. Къошма атланы ичиндеги гъар сёз къошулуп языла: Магъамматрасул, Алимагъаммат, Бектемир, Гъажимурза, Абдулвагъап, Герейхан, Баймурат, Исагъажи, Биярслан; Гюнарив, Аривжан, Минаханым, Айбике, Гюлкъызы.

Шу къайдагъа гёре гъайванлагъа тагъылгъан атлар да языла: Алабай, Дёртгёз, Къаравуз, Акътуякъ, Бёрюянчар (гъайванлагъа тагъылгъан булай атлар кёп ёкъ, гъалиги заманда къолланмай деме ярай).



# **ДОСААФ-ны 95 йыллыгына**

---

## **УЛЛАТАЛАНЫ ИГИТЛИГИНЕ АМИН**

Алдагызы ва гъалиги жамият къурумларбызыны арасында ОСОАВИАХИМ-ДОСААФ, сонг РОСТО-ДОСААФ инг де кёп санавлу жамиятлар деп гъисап этиле. Совет Гъукуматы 1918-нчи йылда май айда янгы къурулгъан Бютюнсоюз къорув жамиятындан 16-40 йылны ичиндеги эргишилер оytme герек деп масъала салгъан. 1927-нчи йыл 23-нчюн январда буса бары да къорув жамиятлар биригип, ОСОАВИАХИМ къурула.

Миллионлар булангъы эргишилер атышывчу, авиация, автомашин, шолай да химия сакъланывдагы кружокларда машгъул бола. 1930-нчу йылларда шо къурумда охув центрлар, артиллерия, атышывчу, кавалерия, денгиз, автомобиль ва баштъа школалар ачыла. Давну алдында Гъава-десант асгерлер шо къурумну битдиргенлерден топлангъан.

Уллу Ватан давну биринчи йылларында ОСОАВИАХИМ-де машгъулланы яртысы фронттъа чакъырыла. Шо буса 7,2 миллион адам бола. Бу къурумну 100 минглер булангъы тарбиялавчулары орденлер-медаллар булан савгъатлангъан, кёбюсю Совет Союзну Игитлери болгъанлар. Пачалыкъыны къорувда гёрсетген иши учун къурум Къызыл Байракъ ва Ленинни орденлери булан савгъатлангъан.

1951-нчи йылда шо къурумгъа ДОСААФ деп айтыла. ДОСААФ-гъа баштъа талаплар салынгъан ва шолар бары да яшавгъа чыгъарылгъан.

1991-нчи йылда, СССР тозулгъандан сонг, Россияны къорув спорт-техника (РОСТО) жамият-гъукумат къуруму къурула.

ОСОАВИАХИМ-ни Дагъыстандагы бёлюгю де 1927-нчи йыл 27-нчи январда къурулгъан. Шо къурум яшёрюмлени Ватанны якълавда, патриот ругъда тарбиялавда пачалыкъыны бары да талапларын күтген. Биз лакъырыбызыны Россияны ДОСААФ-ыны Дагъыстандагы бёлюгюню председатели Шамил АЛИЕВ булан лакъыр этебиз.

– ДОСААФ-ны тарихи гъакъда айта туруп, республикагъа гёчейик. Дагъыстанда шо иш башындан берли нечик салынгъан болгъан?

– Совет гъакимликни баш йылларында къурулгъан шо къурумда Уллу Ватан давну алдында Дагъыстандагы адамланы 21 проценти машгъул болгъан. Дав билимлеринден къайры да, шонда охуйгъанлар «ГТО», «Ворошиловский стрелок», «Готов к санитарной обороне» деген бёлюклени битдирген. Дагъыстанны ДОСААФ-ы 7490 пулемётчу, 3560 миномётчу, 710 медсестра, 1530 моряк ва 1880 кавалериягъа асгерчилер гъазирлеген. Шоланы арасындан Игит атлар алгъанлар да бар: Магъачкъаладагы аэроклубда тарбиялангъанлары Юсуп Акаев, Владимир Бараненко, Александр Ситковский, Владимир

Громаковский, Гъажи Буганов. ОСОАВИАХИМ-ни битдиргенлер танкист Элмурза Жумагъулов, лётчиклер Валентин Эмиров ва Леонид Гальченко, комбат Эсед Салигъов, разведчик, Рейхстагны тёбесине байракъ къакъгъан Абдулгъаким Исмайылов.

— Аслу гъалда ДОСААФ яшёрюмлени асгерде къуллукъ этме гъазирлей, давдан сонгтъу йылларда ишлер нечик юрюлген?

— Давдан сонггъу йылланы айтсакъ, Афгъанистан ва башгъа дав агъвалаттар эсге геле. Шоларда да дагъыстанлы уланлар интернационал борчун кюте туруп, аталарыны герти наслулары экенни бирдагъы да исбат этген.

Бизин аслу борчубуз — асгерге яшланы гъазир этмек, шону булан бирге бизде тарбиялангъанлар спорт ярышларда да ортакъчылыкъ эте. Спортну технический янын алсакъ, бизде спортну 84 усталары гъазирленген. Шоланы арасында белгили парашютист, СССР-ни ва дюньяны рекордсменлери Наби Аминтаев ва Аминат Солтанова, самолёт гъайдав спортдан дюньяны чемпионлары Любовь Немкова ва Галина Лунина, СССР-ни чемпионлары Муслим Гъасанов, Къасум Нажмутдинов ва башгъалары бар. Шолай да, автомобиль гъайдавдан, мотоцикл спортдан, тапанча атывдан, радиограмма йиберивден, мотобол оюндан дюньяны, Европаны ва СССР-ни чемпионлары болгъанлар да кёп.

Бугюнлерде «досаафчылар» асгерчи ва спорт ябушувларда, радио ва авиа-моделированиеде уйстюнлю кюиде ортакъчылыкъ эте.

Артдагъы йылларда ДОСААФ «ГТО» деген Бютюнrossия физкультура-спорт комплексни ойтгерив булан машгъул. Шо алда да юрюле эди, Россияны Президентини тапшуруувуна гёре, шо иш янгырылды, бугюнлерде де давам этиле.

— 95 йыллыкъ байрамыгъыз ойтгерилген гүонлерде кимлени эсгерме сюер эдигиз?

— Биринчилеге гъар заманда да къыйын бола, шолар кёп къыйын тёкген деп эсиме геле. Тюрлю-тюрлю йылларда бизин къурумда ёлбашчылар болуп Жалалутдин Къоркъмасов, Ибрагым Къардашев, Александр Ситковский, Шайых Велибеков, Салигъ Халилов, Паша Телякъянов, Насрулла Насруллаев ишлекен. Шолай да, билим берив къурумлана ёлбашчылары А.Сенаторованы, А.Мальцевскийни ва А.Шубаеваны атларын да уллу гъюмет булан айтма сюемен. Шу адамлар Дагъыстанда ДОСААФ-ны билим берив бёлүклерин гъазирлегенлер.

Гъар заманда да ДОСААФ-дан ойтген яшлар Савутлу Гючлерибизни толумлашдырып тургъан. Кёп йылланы узагъында асгерге къуватлы, патриот руғъдагъы, асгер къуллукъы тез гъаллашагъан яшёрюмлени гъазирлеген. Бизин къурумдан ойтген белгили адамланы да биз унутмайбыз, оланы атларын даймлешдирмек учун къасткъылабыз. Мисал этип айтсакъ, Россияны Игити Абдулгъаким Исмайыловну аты Магъачкъаладагъы бирлешген техника школагъа, Совет Союзну Игити, танкист Элмурза Жумагъуловну аты Хасавюртдагъы бёлүгюбюзгэ, Буйнакскидегисине Совет Союзну Игити Юсуп Акаевни атлары къюолгъан. Янгы Чуртак юртда биринчи лётчик тиштайпа Бевер Жафаровагъа эсделик салынгъан.

Янгырытып къуруувну йылларында айрокъда къыйын да болду, тек колектив техникасын, мал-матагын ва уйретивчөлөрин сакълама болду.

– Артдагъы йылларда сизин ишде жанланыв гёрюне. Тюрлю-тюрлю борчлар салына, шоланы күтмек учун яхши къасткылма герек...

– Төз айтасан. Борчлар гъали бираз башгъя, тек бизин яшёрюмлени асгерге гъазирлейгеник гъали де аслу борч деп санала. Гъалиги ишибиз ерли гъакимлик, военкоматлар, яшёрюмлени, спорт, ветеран, билим берив, жамият къурумлары, шолай да «Юнармия» деген яшёрюмлени гъаракаты булан тыгыс байлавда юрюле. Бизин ишибизни Дагъыстанны Председателини заместители Рамазан Жафаров тергей. Энниден сонг да бизин яшёрюмлени асгерге чакъыргъянча гъазирлигин болдурма ва оланы генг күйде къуршама хыяллыбыз бар.

Этеген ишлеребиз де пачалыкъны янындан къыйматлана. Гъали-гъалилерде бизин къурум яшёрюмлени патриот ругъда тарбиялавда етишген уystюнлюклери учун Россияны Гъукуматыны янындан I даражалы диплом булан савгъатланды. 2020-нчы йылда буса бизге Россияны ДОСААФ-ыны кубогу ва 3-нчу ер берилди.

– Гёз алгъя не ишлер тутулгъян?

– 2019-нчу йылда Россияны ДОСААФ-ыны V съездинде къурумну 2019-2024-нчу йыллагъа гысап этилинген оъсююв гъакътдагъы программа къабул этилди. Ишибизде шо программаны яшавгъа чыгъармакъ гёз алгъя тутула. Биз ишибизни аян этив булан, къурумубузгъа яшланы къабул этивню гыйын да этебиз. Шону учун тарыкълы китаплар, плакатлар этебиз. ДОСААФ-ны 90 йыллыкъ тарихине байлангъан «ДОСААФ – 90 йыл Ватанына къуллукъда» деген китап да чыгъардыкъ.

Гъали яш уланлар оъзлер гелип де, гъар тюрлю школалагъа охума йибермекни тилейлер. Шолардан кёбюсю машин гъайдавчулагъа гелелер. Бугунлерде ДОСААФ-ны Дагъыстандагъы школаларында 800 яш охуп туралар. Биз къайсы яшны да къабул этме ва Ватанны сакъламакъ, якъламакъ учун ону тындырыкълы күйде уйретме гъазирбиз.

– Байрамыгъыз оъттерилеген гюнлөрде баянлыгъыбызын не ёравлар булан битдирме сюесиз?

– Башлап бары да иш ёлдашларымны ДОСААФ-ны 95 йыллыгъы булан къутлама сюемен. Ишинде оърлюк, савлукъ ва парахат яшав ёрайман. Биз энниден сонг да яшёрюмлени патриот ругъда тарбиялама, Ватанын сюйме, аталарыны ва уллаталарыны макътавлу адатларына амин болма, шоланы артдырма, оъзюнью асгер борчун күтмек учун гъазир этмеге дагъы да къаныгъывлу күйде къаст этежекбиз.

– Тутгъан муратларыгъызгъа етишме наисип болсун!

– Савболугъуз!

**Гебек КЬОНАКЪБИЕВ**



# *Фольклор*

---

## **КЪАННА КЪАЗАКЪ ЙЫРЛАР**

**«Къазакъ йыр къанна болур, къанна ит къайыр болур»**  
(айтыв)

**«Уланынг осал буса, къазакъ йыр уйрет»**  
(айтыв)

Адатлар, байрамлар булан бирикмеген лирика фольклор айрокъда бек оьсген ва кёп тюрлю жанрланы къуршай. Мунда оьзге жанрлардан эсе алда ва генг күйде къазакъ йырлар яйылгъан. Къайсы къумукъну да юрегине ажайып таьсир этеген йырланы гъактында сёйлесек де, озокъда, инг башлап къазакъ йырланы эсгерме тюше. Гертиден де, къазакъ йырлардагы къудратлы ругъ, оьтгюр ой, маъна, чер тапмасдай чарлангъан чеберлик адамны гъайран эте! Эгер къумукъ халкъ поэзиясын алтын билезикге тенглешдирсек, къазакъ йырлагъа ону алмаз къашы деме ярап эди. Нечесе юз йылланы боюнда къазакъ йырлар, юз күйде алмашынса да, юзлер-минглер булангъы къумукъ батырланы юрек сырларыны сигърулу сазы болуп, халкъны яшавуну лап да агъамиятлы янларын суратлайгъан чебер хазнасы болуп, ону сюювюн ва гюювюн, ич ва тыш яшавун, юрегини генглигин ва эркинлигин, ойларыны теренлигин, «ярлы бусам да, харлы тюгюлмен!» дейген къазакъ эрлени оьктемлигин – буланы барысын да къазакъ йырлар ажайып усталыкъ, пасигълик булан суратлай гелген.

Къанна къазакъ йырлар гъали болгъанча чыгъарылгъан китапларда кёбюсю бёлюклеге бёлюнмей берилген. Шо англашылма да англашыла, неге тюгюл бу йырланы халкъ арада мекенли белгиленген дазулары ёкъ, башгъальыкълары къыйын сезиле, бир-бирде буса йырланы темалары токъташдырма да бажарылмасдай четим, чалдырыш, чаталашып-къатышып ёлугъя. Къанна къазакъ йырланы барысын да бирлешдиреген аламатлар оланы бёлеген аламатлардан эсе гючлю. Къазакъ йырлар, барысы да деп айтма ярайгъан күйде, негер багъышлангъан деген соравгъя бир-эки сёз булан жавап берме къарайыкъ: эркекликге, эркинликге, намусгъя, ягъгъя. Амма шо хасият-къылыкъланы яшавда тюрлю-тюрлю агъвалатлар булан гёрсетме тюше ва бажарыла. Гъона шо гёзден къара-гъанда къазакъ йырларда да эркинликни, эркекликни, намусну гъактында бирлеринде «шолай болма герек» деп туврадан айтыла; бирлеринде къазакъ эр давда гёрсете; бирлеринде ону къардаш-къурдаши, аривиу булангъы аралыкъларындан пикру чыгъып геле; кёбюсюнде ярлылыкъыны, янгызыллыкъыны, къысасны масалаларына къарала; къазакъ йырланы бары-

сы да дегенлей наслулагъя насигъят яда васият беривге багъышлангъан буса да, оланы бирлеринде шо пикру агъамиятлы пикру гъисапда аслу ерни тутуп, шо йырлар халкъны философия йырлары болуп токътай.

## «КЪАЗАКЪ ЭДИНГ, ЭР ЭДИНГ...»

Сен, къазагъым, атланмагъя сюйгенде,  
Сыгъанакълар бузуп, алай ёл салдынг.  
Чыгъасылар сатып буса, мал да алдынг.  
Ташбурундан сен, къазагъым, тай гъайдап,  
Къызбурундан буса дагъы йылкъы гъайдап,  
Чынарлардан ат гёзенлер ишлетдинг,  
Ичинде чал бедевлер кишнетдинг.  
Минегенинг ай түякты ат эди,  
Гезейгенинг Чергес тавну арты эди,  
Къуш чуюгенинг Къабартыны тюзю эди,  
Олжа этгенинг маярланы къызы эди,  
Сен къазакъын къазанында къайнайгъан  
Оьрден гелген муртад атлар башы эди,  
Отбашында сен къазакъын ойнайгъан  
Гюргю къыздан тувгъан кюлдей увакъ яш эди.

\*\*\*

Айланышып агъагъан Ана-Терк,  
Ягъасында мина тигип олтурдум.  
Тогъуз хырлы тюбегимни къолгъа алып,  
Гёнделен гесип ёл салып,  
Гёнделен – аркъа таяв, давлу – яв,  
Яв болса да, къаршы гелип, урушдум,  
Савутлусун мен оланы оылтурдюм,  
Чачлыларын есир этип гелтирдим,  
Къарабулакъ къатты явдан харж алдым,  
Гёнделен аракъ гесип ёл салдым!

\*\*\*

Бугъалардай битев елкелим,  
Бурулгъан къара кекеллим,  
Окъ тийген марал йимик юрюшлюм,  
Оькюреген бувлар йимик тавушлум,  
Эгейген болат йимик сыпатлым,  
Яхсайланы яллы бёрюсю,  
Ясавул атлыланы бириси,  
Къачакъ авлакъланы сувукъ атлысы,  
Яхсайдан сонг Къабартыны яртысы!

Борагъан деген эллерден  
Сен, бойламай, тегин олжа ала эдинг,  
Къувунлагъа чыкъгъан къазакъ эрлени,  
Къувалап, къалалагъа сала эдинг,  
Олжаларынг<sup>1</sup> ортакъ эте эдинг,  
Онгача намусларынг кюте эдинг!

\*\*\*

Къоллар къолгъа урулса,  
Тавлар тавгъа тарылса,  
Дув тутгъан бийлер-ханлар къырылса,  
Тувмалайын башлер сегиз гесилсе,  
Сен, къазагъым, къанлы тонав чече эдинг!  
Териклер толуп, сел гелсе,  
Эрневлери булан teng гелсе,  
Ягъынглары къалмай къырылса,  
Ягъынгларын алдын гече эдинг!  
Ягъалашгъан гюнлерде  
Тувра чабып гете эдинг,  
Сен, къазагъым, тююн сырынг чече эдинг.

\*\*\*

Тарлансыз, къазакъ, атгъа минмедиң,  
Сыйпавсуз хан гюбелер гиймедиң,  
Минегениң жыгъан тюзню бөрюсю,  
Гиегениң сарабилер териси.  
Мегъдеринг булан, къазакъ, садагъынг –  
Садагъынгны сени гөрген мурзалар  
Салам берген, герти аян пирдир деп,  
Сарайынгны сени гөрген бийкелер  
Ачып гирген, бу да женнет уйдюр деп!

\*\*\*

Жыгъыналар къырып, ёл этдинг,  
Чыгъасылар сатып, мал этдинг,  
Буюртуп, ат гөзенлер ишлетдинг,  
Ат гөзенде эки-ат беснетдинг!  
Ат гөзенде бесней тургъан бедевиң  
Тун юхуда кишнетдинг!  
Бу дюньяда дос-къардашны бети учун  
Ол дюньяда ятар кёрюнг тар этдинг.

---

1 Олжа – мунда бу сөз – байлыкъ, давда тюшген мал, пай деген бырынгъы маънасында къоллангъан.

\*\*\*

Ебелер йип югюрген,  
Ебелек арив отгъа семирген,  
Къоралай бойну узалгъан,  
Гюлюклей бавру тартылгъан  
Аргъумакъ арив атлар миндик биз!  
Сув тилесе, бал берген,  
Сувсузуна нар берген  
Аривлер буса да, еби ёкъ,  
Ювугъу учун жан аягъан ери ёкъ –  
Шолай батырлар булан юрюдюк биз!  
Тавукълар тангда, танг чакъда,  
Алашаракъ даллай гётерип,  
Элибизге гирдик биз!

\*\*\*

Сен, тувмагъыр, тувгъанда,  
Тувуп, ерге тюшгенде,  
Эдилге атлы йибердик,  
Этекге сюончюлер чапдырдыкъ.  
Сюончюге гелгенге сени атанг,  
Къулагъындан тутуп, тай берди,  
Къуйругъун, ялын сыйпап, ат берди,  
Ойрлерде пеливанлар къурулду,  
Ерлерде накъыралар урулду,  
Сатыбал деп ат къюп,  
Тенгириден сатып алгъан Сатыбал.<sup>2</sup>

\*\*\*

Эдиллер бою – наркъамуш,  
Еликгенлер чыгъып онда от ягъар.  
Аналардан осал тувгъан уланны;  
Тюелеге минип чыкъса, ит хабар;  
Аналардан батыр улан ким тувса,  
Ол явлагъа тувра чабар, бет табар;  
Ичиргилер бузуп, окъ тийсе,  
Къанталлары билмес аны, ат билир;  
Аналардан батыр улан ким тувса,  
Тувдургъанлар билмес аны, ят билир.

---

2 Яш бек авруса, Тенгирини, сайки, алдатып, яшны биревлер «къачырагъан», сонг буса ессилери яшны «сатып алған» адат болгъан ва шо «сатып алғынган» яшгъа Сатыбал деп янгы ат тагъыла болгъан.

\*\*\*

Экилеп эл гечсе,  
Къажырмы къара ерни аркъасы?  
Экилеп тулпар атлар жыйылса,  
Чачылырмы тулпарланы баласы?  
Гёзюнден къанлы яшын кепдирмес  
Кёп къыдыргъан къазакъ эрни анасы.  
Шу гюнлерде басып алай яв гелсе,  
Арт бермес таза оъзденни баласы!

\*\*\*

Къазагъымны къара ёрме ашы эди,  
Къазагъым бойгъа гиччи буса да,  
Ол къазагъым уллуланы башы эди!  
Ол къазакъга не ат къоярны билмедим,  
Ол къазакъга Дели Асил деп ат къойдум.  
Аталары аны уллу тёре эди.  
Тилимден тийген зарал ёкъ,  
Къолумдан чыкъыган хата ёкъ,  
Ол къазакъга не ат къоярны билмедим,  
Сари айгырын ол къазагъым етеклеп,  
Къара агъачны боюн тутуп этеклеп,  
Бир айчек тюлкюлейин тун къарап,  
Къара агъачны ярып чыкъыган бёрю эди!  
Язатайып гёз буса,  
Къазакъ эрге булай умут бар эди,  
Ол къазакъны юз атлыгъа бермен деп.  
Тувлар тувгъа урулса,  
Тув тутгъан батыр эрлер къырылса,  
Ханлагъа къаламанлыкъ гюн тувса,  
Хан аягъын ким алыр деп къычырса,  
Сен чыгъа эдинг, батыр къазакъ, менмен деп!  
Шу ясавну гъеч гишиге бермен деп!  
Тавакалны бир Аллагыгъа сала эдинг,  
Такъсырлар етмей, оылмен деп!  
Ачувланды ол къазагъым, шамланды,  
Къазагъым садакъ къагъып атланды,  
Бийим бетин гёрмен деп,  
Ол бийимден ачуум-оъчюм алмасам,  
Шо айтагъан герти къызбай эрмен деп!

\*\*\*

– Жынгыр-жынгыр авузлугъун чайнайгъан,  
Къамучу урса, эчки йимик ойнайгъан,  
Ит авузлу, берен къалгъыр, гюрен ат,  
Аягъынгны терс басмагъын билемен,  
Аны чы мен арыкъылкъдан гёремен;  
Этеклер тозмай, енг тозса,  
Аны чы мен ярлылыкъдан гёремен;  
Ягъалагъа душман къолу етишсе,  
Аны чы мен янгызылыкъдан гёремен.  
Ярлыман деп, мен чи сизге ялынман,  
Янгызман деп, кёп къызбайдан тартынман!  
– Ялынмайлы сен, янгызым, не этерсен,  
Отлайгъан отлавунга от салса,  
Ичеген сувсынынга къан къошса,  
Къолунгдагъы ез къамучунг чорт сынса,  
Минеген аргъумагъынг арыса,  
Артынган гёбек итлер тарыса?  
– Отлайгъан отлавума от салса,  
От иибедин мен чи ону отларман!  
Ичеген сувсыныма къан къошса,  
Къан шербетин уртларман!  
Къолумдагъы ез къамучум чорт сынса,  
Авлакълардан сариеклер сермермен!  
Минеген аргъумагъым арыса,  
Талалардан тарлан тутуп, ерлермен!  
Артындан гёбек итлер тарыса,  
Олагъа тери тюгюл – бёрюмен!  
Югюнермен эки айры тизимден,  
Атышарман гёк инени гёзюндөн!  
Къарагъайдан къынгыр чыкъыгъан бутакъман,  
Гезлөгө салгъан булан тюз болман,  
Аналардан къара тувгъан уланман,  
Сапунлап жувгъан булан акъ болман,  
Кёклерде гесек къара булутман,  
Устьюгюзге бир явмайлы ачылман,  
Мен оьзюм къазакъ улан бусам да,  
Атолуну къызын тюгюл къачырман!

## «ЭРЕНЛЕР ДЕГЕН БУЛАН ЭР БОЛМАС»

\*\*\*

Эренлер деген булан эр болмас,  
Эренлени бары бирге teng болмас:  
Эренлени уыч башгъадыр табуну,  
Аргъумакъя тенг этмегиз ябуну.  
Эренлени башлапгъысы – эргиши,  
Экинчиси – алты эрге бир гиши,  
Уычончюсю – эркекдир,  
Осаллыкъя башын салгъан чер гиши.

\*\*\*

Айлагъя арслан чапса,  
Аланы арт сингири чанг болур;  
Айлар булан гюнлер тутулса,  
Арасына адам бакъмас гюн болур,  
Язанакълы гюбе йыртылса,  
Агъар эрлер багъыр къаплап ямармы?  
Тувасыз тели<sup>1</sup> уланлар болмаса,  
Душманына тувра чапма чыдармы?  
Тувасыз тувгъан алай арслан эр  
Аланы онгун-солун къаарармы?  
Душманына тотгъа алар ойчонден  
Чыгъар жанын къара пулгъа санармы?

\*\*\*

Аргъумакъ арив атлар сесгенсе,  
Акъ денгизни къааршы алдында ювшармы?  
Уйде къазакъ кёп ятса,  
Беллерин гюмюш булан къуршармы?  
Эллерин басып, яв гелсе,  
Батырланы бувунлары бошармы?  
Тав аралап къош салмай,  
Аркъаланы баврун къыдырмай,  
Аргъумакъ арив атлар арытмай,  
Ят эллеге барып, обзюн танытмай,  
Аталардан батыр тувгъан уланлар  
Уйлеринде ятып турма ошармы?

---

<sup>1</sup> Тели – дели, демек, мунда къоччакъ, артын-алдын ойлап турмайгъан улан деген бырынгъы маңнасында къоллангъан сөз.



*Жүтлайбыз!*



ПОДПИСНОЙ ИНДЕКС:  
на год – 63337  
на полугодие – ПМ981

## Тангчолпан № 1, 2022

### УТРЕННЯЯ ЗВЕЗДА На кумыкском языке



ВАЛАИ ДАГЪЫСТАНИ (РЕКОНСТРУКЦИЯ А. МУСАЕВА).